

The Ohio State University



3 2435 00964 1499

PL248F95Z8N391926

001

FUZULI: SA'IR-I SEHIRIN HAYAT VE ASARI H

THE OHIO STATE UNIVERSITY BOOK DEPOSITORY



D	AISLE	SECT	SHLF	SIDE	POS	ITEM	C
8	04	03	02	8	12	011	0



LIBRARY  
OHIO STATE UNIVERSITY



مشاهیر

سلیمان نطفی

# فضولی

شاعر شهیرک حیات و آثارى حقندہ بعض معلومات و تدقیقات

---

طابعی

یکی مطبعہ

---

استانبول

۱۹۲۶



OHIO STATE  
UNIVERSITY  
LIBRARIES



فضولی



STX 28 N39  
PL 248  
F95 Z87  
1926

## شاعر اعظمك مقدمه سی

بیوک شاعر من فضولی ایله بنم مناسبتم پک اسکیدر. کندی کنبجلاکمله نه قدر ارتباطم وارسه، اونک قدم فضل و کماله او قدر مربوطم. طهراندن استانبوله عودتم طفولیتله شباب آراسنده بولوندیغم بر زمانه تصادف ایتمش ایدی. اوزمان باشمده اسن هوا اوشاعر اعظمك رورکاری و بتون دوشوندکلم اونک یادکاری ایدی دیه بیلیرم. ایرانده یالکز سعدی بی بیلش و فارسی بی سعیدین او کرشمش ایدم. فقط استانبوله اک اول طانیدیغم و او قوددیغم شاعر فضولیدر.

فضولینک اشعارینی شبهه یوق که لایقيله آکلامیور، فقط تماميله حس ایدیوردیم. غزل و قصیده لرندن، لیلا و مجنونندن، الحاصل بتون شعر لرندن آکلا یامدیغم بر شیر طوغرودن طوغرویه قلبمه کچیور، لیکن دماغمه نفوذ ایدم میور، بکا بر استعداد عشق ویریور، فقط بر معشوقه کوسترد. میوردی. گفته سز بسته لر روحه نصل تماس ایدرسه، فضولینک منظوماتی ده حسیاتمه او یله تاثیر ایدیوردی. (آهنک موسیقی شعر حقیقی در). ادبیات عالمنه او تاثیرله کیردیکمدن امینم. شرقک اک بیوک شاعرینه اولان بو مربوطیم ستمله برابر کمالی بولدی؛ یا خود بنمله برابر اختیار اولدی.



عصر لردن بری یاشایان ، شیخ شعرا اولان و ماضیسی آتی به قاریشان  
 بو خارق العاده آدام بی چو جو قکن کنج ایتمش و سعدیدن آلوب کتیردیکم  
 بوستان و کلستانه یکیدن بر فصل بهار علاوه ایدرک ، بیلیم نصل خلاصه  
 ایدیم؟ .. ، بکاسه و مکی او کرتمش ، همده وقتندن اول او کرتمش ایدی .  
 او سائقه فائقه ایله محاسن پرست اولمش ایدم که صنعت ادبده بو محاسن  
 جمله سندندر [۱] . ( سرنامه محاسن ، حسن بشر در ) .

فضولی هر کسک تعقل ایدمه چکی در جهده بر شاعر اولدیغی حالده ،  
 نه غریبدر که ، ینه هر کسک محبوب قلوبی در . اونک نظم و نثری دهای  
 تاریکنک طلوع و غروبی در .

اشعارینک بر قسمی میدانده و بر قسمی قلبلرده و از برده و فقط ترجمه  
 حالی مع الاسف مجهولات ایچنده و کیم بیلیر نرده اولان بو ابدی و روحانی  
 شاعر مزک حیات و مماتی حقنده بیوک ادیمز سلیمان نظیف معلومات کافیه  
 و یریور . و اونک علو همتیه در عهده ایتدیکی بو خدمت دلالتیله شاعرک  
 روحانیتیه ینه بر جسمانیت کلیور . نرده اولدیکی بیلنمه ین فضولی یکیدن  
 ایچمزده یا شامایه باشلیور . ابدیتیه بر حیات تازه و یرمک سهل مُتنع قیلندن  
 بر هنر در . فی الحقیقه شرقک او بیوک شاعرینک مناقبی او یله بیوک برادیبک  
 قلمنه یاقیشیردی . قلبمده اولان فضولی ایله برابر سلیمان نظیفی تبریک  
 ایدرم .

۱۵ نیشان ۱۹۲۶

عبدالحق حامد

[۱] اشارت ایتدیکم فائقه کلمه سنده ابکی معنی واردر .







مشاهیر

سليمان نطفی

# فضولی

شاعر شهیرك حیات و آثارى حقننده بعض معلومات و تدقیقات



طابعی  
یکی مطبعه



استانبول

۱۹۲۵ — ۱۳۴۳



هر حق محفوظ در .



فراوان عراونە كۆڭىل سەھىپەلەرنە شوپرىشان نوحەدە قارىشمىشى :

### دیار فضولى

كاربان راھ تەجرىدز خەتەر خەتەر چەكەپ  
كەھ مەنەن كەھ بىن دورايلە نوبت بەكەز  
فضولى

بەكەن فضولى ، مەسائىپناھ اولان تەربەك ،  
غەموم اچەندە ، امىنەم كە ، آغلىور بەزىز .  
اوبى نواي فزاقتە مەسكەن ومەدەن  
وطني دە اولسە غەرىبىز ... يەنە تارىخىز .

كۆرۈشمە دەم سەدە اصلا مەزارزاركە ،  
روان پاككى كۆردەم ، كۆردى ھەيىردە .  
اوت ، فضولى ، سەنك روھ نالە كاركە  
زمان زمان دولاشىردەم او او كسوز ايللەردە .



سنگله بن دولاشیر کن کورور و آغلاردم  
او کیسه سز وطنك حشر اولان سفالتی .  
سکوت ایدردی ٹولور کن ده ؛ او یله آ گلاردم  
که خوف عار ایله کیزلردی هر مذلتی .

محاسننده نمایان ملال خسروانی :  
- کلیندی صانکه او ، بر کریمه زار هجرانده -  
جهانه عمر آقیدیر کن زواللی پستانی  
قانار دوروردی ملوث دهان کفرانده .

بن بو فریادی بغدادك فردای افتراقنده ، قلممی قلبمه باتیرارق ،  
یازمشدم . فضولی ، سکز سنه دن بهری ، بنم یوره کده آغلایان بیکس  
بر یتیمدر . مدت عمر مده بر کره بیله کوره مدیکم کر بلاده نامنه نسبت  
ایدیلن مزاردن قولاقلمه بوسکز سنه نك هر کون وساعتنده ،

— نره ده قالدیکز ؟ .. پک یالکزم . نه وقت کله جکسکز ؟ ...

سسلی کلیر . زاواللی فضولی بیلمیورمی که هر تورکك حافظه سنده ،  
قلبنده اویاندر دیغی هیجانلر ایچنده و حیات فانیه سندن داها زنده یاشیور ؟ ..  
عراقده کی قبریدر ؛ کندی بوراده . شیمدی عراقده کی قبرنده دکل ،  
بغداددن زیاده استانبولده او قونان دیواننده یاتیور .

مدت حیاتنده دیارمزمك بواك کوزل قسمنه کله مش اولان شاعر ،

فضولی ایلدی آهنگ عیشخانه روم  
اسیر محنت بغداد کوردیکلک کوکلم

بیتنی صانکه بو کون ایچون سویله مش . بغداد چوللارنده سکز سنه دن بهری  
بیکس قالان بویوک تورک شاعرینك روحی ، انکلز سنجاغی ، مرتد



عراق بايراغنده تنگيرله ، كندى قبرينك اوستنه ديكيلدىكى كون ،  
ينه كندى ايلنه دوغرو سفر بر اولدى : وقتيله بيزانس دولتنك  
حوزه حكومتنده بر آراق قالمش اولدىغى ايچون روم دينيلن بو كونكى  
صاف و خالص تورك ايلنه ... امير محنت بفرار اولمق ايسته مين فضولى ده  
شىمدى ايچمزرده مهاجر در : اعمار و اسكان اداره سندن معاونت ديله مين  
و بلكه مين بر مهاجر . جناب پيغمبرك اثر مبار كنده فضولينك روحى  
بر كرده بو صورتله يو كسه لمش اولدى .

روضه كوينه هر دم دور ميوب ايلر كذار  
عاشق اولمش غالبا اول سرو خوش رفتار ه صو  
طينت پا كيني روشن قيلمش اهل عالمه  
اقتدا قيلمش طريق احمد مختاره صو

مسقط رأسى دنيانك نره سى اولور سه اولسون ، توركك هر شاعرى  
استانبوللودر . استانبولى كورمه ين توركلر بيله بلمه طيبه يه قارشى  
داء الصلوى انجذابلر دويار . بن شىمدى استانبولك ولوله سز ، متواضع  
بر كوشه سنده ، فقط فضولينك ديار و مزارينه قارشى ، داء الصلوه دن  
مضطربم . شو سطرلرى آنجق او اضطرابى تنويم وتسكين ايچون  
يازيورم .



بزده فضولينك حياتنه عائد معلوماتي جمع ايله ، طوپلو حالده ، ايلك  
نشر ايدن دارالفنون تورك تاريخ ادبياتي مدرسي كوپرولو زاده محمد  
فؤاد بكدر . فضولينك عرقاً منسوب بولونديغي آذرى توركلرينك  
ادبياتنه متعلق ايضاحات و معلومات ايله برلكنده يكرمي بويوك صحيفه دن  
متشكل اولان بو ترجمه حال يكي شروه كتيبخانه سي طرفندن طبع ايتديريلن  
كلييات فضولينك مقدمه سني تشكيل ايدنيور . برده مكتب بحريه معلملرندن  
ابراهيم عشقي بكك فضولي مقننه برايكي سوز عنواني قرق يدي كوچوك  
صحيفه دن عبارت بررساله سي واردر . بورساله ده صاحب اثر ، شاعرك  
ترجمه حالندن زياده ، اشعاري حقننه تدقيقات ايله اشتغال ايتمش .

بن بغدادده بولونديغم صيره ده ، فضولينك ذات وزمانه عائد برشي  
بولمق اميديله ، يك چوق تحرياته بولوندم . زاواللي شاعر! .. مهدولحديني  
در آغوش ايتمش محملرده يك غريب الديار ايدى . ايكي سطر آل يازيسنى  
بيله ديارتارماري محافظه ايدمه مش . ينه اك چوق وثائق ويادكار ،  
استانبولك عمومي و خصوصي كتيبخانه لرنده بولونويور .

فضولي ، تورك عشيرتلىرينك بايات بويندندر . فارسي ديواننك  
مقدمه سنده شاعر كندى اصل و عرقنى شويله تعريف ايدنيور :

كاهي باشعار عربى پرداختم فصحاى عرب برا بفنون تازى فى الجملة محظوظ ساختم  
وآن بر من آسان نمود زيرا كه زبان مباحثه علمى من بود وكاهي در ميدان تركى  
سمند طبيعت راندم و ظريفان ترك را بلطائف گفتار تركى تمتع رساندم آن نيز چندان  
تشويشم نديداد او چون بسليقة اصلى من موافق افتاد وكاهي برشته عبارت پارسي  
كهر كشيدم وازان شاخسار ميوه كام دل چيدم ...



## حرفیاً ترجمه‌سی :

... بعضاً عربجه اشعار تنظیم ائتم . وفصحای عربی فنون عربیه ايله هپ محظوظ قیلدم . بو ، بکا قولای کوروندی . چونکه عربجه بنم مباحثه علمییه لسانم ایدی . بعضاً اسب طبعی تورکجه میداننده قوشدوردم . وتورکجه نك لطائف کلامیه ظرفای ترکه فائده بخش اولدم . بوده بنجه اوقادار مشکلاتی موجب اولموردی . چونکه بنم سلیقه اضلیه مه موافق دوشدی . بعضاً عجمك سلك کلامنه اینجی دیزدم . واوشاخساردن کوکلك میوه مقصودینی طوپلادم ... [۱]

اوچ لسانك غوامضنه واقف واوچندده بویوك شاعر فضولینك بوراده استعمال ایتدیکی سلیقه کله‌سنی ده قاموسدن عیناً نقل ایدیورم :

( السلیقه ) سفینه وزننده دوه‌نك صیرتنده یاغری وجداوی اوکولدقن صکره قالان آقلغه دینور . وکذالك دوه‌نك یا نلرنده صیقی قولان یرینه دینور . ویولده اولان آیاق و طرناق آثارینه دینور . جمی سلائق کلور . و سرشت وطبیعت معناسنه در . يقال الکرم سلیقته والسخاء خلیقته ای طبیعتنه . ویقال فلان یقرأ بسلیقته ای بطبیعتنه لا بتعلم الخ ...

سرشت کله فارسیه‌سنی ده برهانه قاطع دن ینه عیناً نقل ایدیورم :

( سرشت ) بهشت وزننده خلقت و طینت و مایه طبع و خوی آدمی معناسنه در . و ( سرشتن ) دن اسم مصدر و فعل ماضی کلور . سرشتن یوغورمق و تخمیر معناسنه در .

قاموس مترجمی عاصم افندی مرحومك سلیقه یی ایضاح ایدرکن  
سرشت دن صوکره التزام ایتدیکی طبیعت کله‌سنی ینه او قاموس شو صورتله  
تعریف ایدیور :

[۱] کوپرولو زاده محمد فؤاد بك ، بو ترجمه‌یی بنم داها اول انتشار ایتیش اولان بر مقاله‌مدن عیناً اخذ و اقتباس ایده‌رك ، کلیات فضولی مقدمه‌سنه درج ایتکله اثرمه شرف ویرمشر . یالکز متن فارسی‌یی طی ایتدیکی کبی ، ترجمه‌یی نره‌دن آلدیغنی تصریح ایتیمور .



( الطبع ) نبع و زننده و ( الطبيعة ) سفینه و زننده و ( الطباع ) کتاب و زننده انسانک مجبول و مفطور اولدینی سجیه به دینور که سرشت و خلیقه سیدر .  
 يقال هو کریم الطبع والطبیعة والطباع ای سجیه التي جبل علیها الانسان . و بونلر اصلده مصدر در لر . و بعضا طباعی فرق ایلدیلر . یعنی طبع و طبیعه معنای مذکورده اولوب و طباع مطعم و مشرب و شدت و رخا و بخل و سخا مثللو من حیث العاده او من حیث الحلقة زائل اولمیوب ثابت و مستقر اولان خوی و خلیقه دینور .  
 ایکسینه کوره ده ختم معناسندن مأخوددر . مؤلفک بصائرده بیاننه کوره طبع بر نسنه یی بر صورتله تصویر ایلک معناسنه موضوعدر . طبع درهم و طبع سکه کبی پس ختمدن اعم و نقشندن اخص اولور . بعده انسانک سجیه مجبوله سینه اطلاق اولندی که نفس انسانینک من حیث الحلقة او من حیث العاده صورت ما ایله تنقشندن یعنی منتقش اولدینی سرشت و خلیقه سندن عبارتدر . لیکن من جهت الحلقة ده اغلبدر . و طبیعه النار و طبیعه الدواء دیدکلری ملابسۀ مذکورده ایله حق تعالی نک آنلره ابداعله متکیف اولدقلری مزاجدن عبارتدر .

فضولی یالکز مایقه م دیمکله اکتفا ایتیه رک ، مایقه اصلیم ترکیب قوالانیور ؛ یعنی اصلیم نورک و تکظم ایتیمکهم لسانه نورکدر . عربجه یی مباحثۀ علمیه اناسنده ، فارسی یی ده جامع ایتدیکی زمانه استعمال ایدرم . دیور . عربجه یی ده ، عجمجه یی ده ارضروملو نفی ، اورفه لی نابی ، استانبوللو ندیم کبی صوکرادن او کره نمش . فضولی تورکجه دیواننک مقدمه سنده دیور که :

... زمان طفولیتده صادر اولوب متفرق اولان غزللردن بر مختصر دیوان جمع ایتک صلاحن کورددم ...

برشاعر زمانه طفولیتده یالکز کندی لسان مادرزادیه انشاد اشعار ایده بیلیر . هله فضولی کوردجه یی نه لسان و قلمنه آلیور ، نه خاطرینه کتیریور .



ایلیزیده ، هر یقه السهرای ت دقیق ایدرکن ، فضولینک تورک عرق  
ولساننه انجذاب وانتسابی صراحة کوسترن منعلوم ومنثور سوزلرینی  
مشاهده ایدر جکر .

شو بحثی بوقادار تفصیل وتطویل ایدیشیم سبب سز دکلدر . ایکی  
یابانچی مؤلفک بلا ت دقیق وعلی العمیا فضولی نی کورد عرقنه منسوب  
کوستر مه سنی کرک کوردلر ، کرک تورک اولدقلری حالد ، تورک  
دشمنلکنی مدار انتفاع اتخاذایدن بعضی نجابت سز وفرومایه کیمسه لر ،  
ینه تورک دشمنی اجانب حسابنه استثمار ایتمهک چالیشدی لر . بوا دعایی  
توثیق ایدر جک هیچ اماره یوقکن ، غریبدرکه ، اذهانده تردد وحتی  
بعضیلر نده قناعت بیله حصوله کتیره جک قوتده بریالان ، حقیقتی استخفاف  
ایتمکه باشلامشدی . یازما نسخهلری فوق العاده نادر بولونان فارسی  
دیواننک مقدمه سنده متروک ومنسی قالارق ، یازلدیغی کوندن بهری  
کیمسه نک نظردقتنی جلب ایتمه مش اولان شو وثیقه تاریخیه نی اک اول  
میدانه بن چیقاردم . بودیوان حقنده کی تدقیقات وتحلیلاتی یازدیغی زمان  
مالطه دن یکی کلشدم . واستانبول ایسه حالادشمن اوردوسنک چیزمه لر  
آلتنده ایگلیوردی . قسماً یوقاری یه نقل ایدیکم سطرلرک زیرینه شو  
سوزلری علاوه ایتشدم :

وفاکار فضولی ، بش سنده دن بهری هجرانزار اولان مزارندن جفاکش تورکه ...  
آه ! .. احتضارلری بیله اجلی وئولومی قورقودان وقاچیران تورکه ... ماتم قادار  
قارا برکوننده ، دیورکه :

— بن سندم . وسن ایم ...

اللهک رحمتی دائماً بویوک شاعر منزله برابر اولسون ! ..



أوت ، اونك مولد ومقامى أالمزدن كيتدى . كيم بيلير ، احتمال كه ، برداها  
كلز . فقط بز شيمدى فضولى يى قازاندق . . . رقيب سز ومؤبداً قازاندق . تورك  
ايچون بوده برتسليدر .

حزين ، فقط شرفلى برتسلى . . . [ ۱ ]

\*  
\* \*

---

[ ۱ ] پیام صباح ، عدد ۱۱۵۴۵ ، تاريخ ۱۱ كانون ثانی ۱۹۲۲ .



فضولينك منسوب بولونديغى بايات عشيرتى احمد و فيق پاشا لىرىجى  
عثمانى سنده شويلا تعريف ايدىيور :

بايات — بر قديم اوغوز عشيرتى بغداد شرقنده همدان طرفلارنده  
منتشردر .

قدما ، تور كچه كله لك املاسنده صوائتى اهل ايدردى . هله هجرتك  
بيك تاريخندن اول يازلمش كتابلرك چوغنده هان هيچ بولونماز . مثلاً  
بوكون اولمىغى صورتنده يازديغمز صله فعلنك اوزمانكى شكل محردى  
المرغدر . بونك كې ، زمانمزه قادار بايات صورتنده يازيلان اسمكده تازه  
مقابلى ، اسكىمش ، قورومش شيلره اطلاق ايدىلن تور كچه بايات صفتندن  
آلنمش اولديغى ، حكمه ياقين بر قوتله ، ظن اولونابيلير .

بايات بويى يالكز بغداد شرقنده و همدان طرفلارنده منتشردكلدر ؛  
كر كوك ، اربيل طرفلارنده و حلب ايله اسكندرون آراسنده ده بو عشيرت  
خلقندن بولونور . اورالردن باشقه ، حالا ماكو سردارى اقبال السلطنه  
مرتضى قلى خان ده بايات بويندن اولديغى سويلديكى وان والى سابقى  
ديار بكرلى قدرى بكدن ايشيتدم . ينه قدرى بك ، بالذات اجرا  
ايتديكى تدقيقات نتيجه سنده بايات عشيرتنك آنطاليه و منتشا ولايتلرينه  
قادار كلهرك ، بورالرده توطن ايتمش اولدقلىرينه مطلع اولمش .

ماكو آذربيجانك ايران طرفنده قالان اقسامندن ، يعنى تورك  
ديارلارندى . بواعتبار ايله بايات عشيرتى آق دكيزله بحر محيط هندى  
حوضه لرينه و بحر حزر مائله لرينه قادار يايلىمش بولونويور . ايشته



فضولی ، اوچ د کیزی قوجاقلامش اولان بوتورک عشیرتندن نشئت  
ایتدی .

بایات عشیرتی تورکک ادبیاتنه یالکیز بویوک شاعری هدیه ایتمکه  
قالمامش ، موسیقیسنهده بر مقام اتخاف ایتشد که یانی اسمیله معروفدر .  
بومقام استانبول اساتذۀ موسیقیه سنک آئنده اینجهلدی ، کوزللاشدی .  
طبقی تورک لسانی کبی .

\* \*

شاعرك اصل اسمی محمد در . پدرینك آدی سلیمان اولدیغنی كشف  
الظنونه ایله آیا صوفیه کتبخانه سنده کی یازما فضولی دیوانی قید ایدن  
مطبوع فهرست کوستریور : فهرستك رقمی ، ۳۹۴۴ .

فضولی مخلصنی یچون اختیار ایتمش اولدیغنی فارسی دیواننك ،  
ینه لسان فارسی ایله محرر ، مقدمه منشوره سنده ایضاح ایدیور :  
شاعر ، هانکی مخلصی آلمق ایسته مش سه بر مدت صو کرا باشقالرینك ده  
بونکله تخلص ایتمش اولدیغنی کورمش . اول کلنلر ، معانی کبی ،  
اسملری ده یغما ایتشلر . نهایت - باشقالری معناسندن تدھشله قبول  
ایتمز دییه - فضولی اسمنی التزام ایتمش .

معلومدر که فضولی ، بوش بوغاز ، مالایعنی شیلرله اوغراشیر ،  
حدندن ووظیفه سندن خارج سوز سویله ین ویا ایشه قاریشان آدام معناسنه  
عربجه برکله در . بوقادار مناسبت سز بر مخلصی نهدن ترجیح ایتمش ؟ ..  
بونی ینه بالذات شاعر آکلادیور ؛

... اگر تخلص مشترکی قبول ایدرده موفق اولور سه هم سوزلرم هم مخلصلرمه



عطف واسناد ایدیلیر ، بکا یازیق اولور ؛ موفق اولماز سہم شرکای ناممہ ظلم  
ایتمش اولورم . بناءً علیہ رفع التباس ایچون ( فضولی ) تخلص ایتدم ...  
دیور [۱] . وشو قطعہ ایلہ فکرینی اجمال وتأیید ایدیور :

کرد بدنامی مرا از اختلاط خلق دور  
عزتم شد موجب مشغول کسب این هنر  
منت ایندرا کہ شد نیک آنچه بد پنداشتم  
خار من کل کشت و سنک من کهر [۲]

ترجمہ سی :

کو تو آدلیق بنی خلقہ قاریشمقدن اوزاق بولوندوردی . بو هنری قازانمہ  
عزتم سبب اولدی . اللہ شکر کہ فنا ظن ایتدیکم آیی چیقدی . دیکم کل ، طاشم  
الماس اولدی .

شاعر ، کلمہ لک پک مناسبت سزلرندن برینہ نجیب برماہیت و هویت  
ویردی . بو کون فضولی دینیلینجہ خاطرہ عادتاً اعزّہ و اولیا درجہ سنہ

[۱] دولتشاہک فارسی ( تذکرۃ الشعراء ) سندہ ( یوسف فضولی ) آدی بر ایران شاعری  
مذکوردر . ہجرتک ۵۶۳ سنہ سندہ وفات ایتمش اولان ( اتا بک ایلدکیز ) ایلہ اوغوللری ( اتا  
بک جہان پہلوان محمد ) و ( اتا بک قزل ارسلان ) زمانلرندکی مشاہیر شعرائ فرسی تعداد  
ایدرکن ( یوسف فضولی ) نامندہ برینی ذکر ایدیورسہدہ نہ ترجمہ حالی ایضاح ، نہدہ  
اسمی بر کردن زیادہ یاد ایدیور .

صاحب تذکرہ سمرقندی ( امیر دولتشاہ بن علاءالدولہ ) چغتای تورکجہ سیلہ انشاد  
اشعار ایدن شاعر لک ابویوکی ( علیشیرنوائی ) ایلہ معاصرو بناءً علیہ فضولی بغدادی یہ زماناً  
متقدمدر . ( فضولی ) تخلص ایدن ( یوسف ایرانی ) او قدر چابوق اونودولدی کہ مفصل بر تذکرہ  
شعرادہ اسمی ، اودہ باشقہ بر مناسبتلہ و باشقہ سنک سایہ سندہ ، یالکیز بر کردہ کچہ بیلدی .  
( فضولی بغدادی ) کندیسندن درت یوز سنہ اول کلش اولان و ایرانی ہم مخلصندن خبردار  
اولامامشدی . بیلسہیدی البتہ باشقہ بر اسم ایلہ تخلص ایدردی .

[۲] ( موجب مشغول کسب این هنر ) عبارہ سی ہر حالہ سہو مستنسخ اولسہ کرک .  
صوک مصراعک وزنی دہ ایلک اوچ مصراعک وزنہ اویمیور . آلدہ تک بریازما نسخہ اولدیغندن  
و ذاتاً مطبوعی دہ بولونمادیغندن ، مقابلہ ایلہ نصحیح ایتک نجہ ممکن اولمادی . عیناً نقل  
ایتمکدہ مضطر قالدیم .



صعود ایتیش بر آدام کلیر . او یله عزیز و ولی که وجدانلرک تحول قناعت  
و ایمانیله ده قدسیتنه خلل کلمک احتمالی یوقدر .

\*  
\* \*

فضولی نروده وهانکی سنه ده دوغدی ؟ .. محل ولادتی مختلف فیه ،  
تاریخ ولادتی ایسه بوسبوتون مجهولدر . فضولی بغدادی عنوانیله اشتهار  
ایتیش اولماسی مطلقا بغداد شهرنده دوغدیغنی اثبات ایتمز . او حوالینک  
مرکز اداره سی و اشهر بلادی اولدیغنی ایچون بغداد ک آغوش مدلولنه  
اکثریا متجاور قصبه لرده داخلدر .

فضولینک بغدادده متولد و مقیم بولونمادیغنی بغداد والیسی ایاس  
پاشایه اولان قصیده لرندن برنده کی شوبیتلر صراحة کوستریپور :

یرندن دپردن بن مبتلای شوق غالبدر  
هوادر کزدرن یردن یره ابر کرانباری  
بو عشر تکاهک اتمامنده برطاش اولسه اکسک  
بنی یردن یره نقل ایلزدی دهر معماری  
قدخم برله تحریکم یرمدن محض حکمتدر  
قضا صورتکری بیهوده کزدرمن بو پرکاری  
مکان تغییری صحت موجبیدر نوله نقل ایتسه  
طیب حکمت حق ملکدن ملکه بو بیماری  
بکا بن اولدیغم منزله راحت میل ایدوب کلز  
دوشوب زحمتلره ناچار بن اولدم طلبکاری  
هوای سیر قیلدم ارتفاع قدر ایچون زیرا  
یرنده هر متاعک پست اولور البته مقداری  
رواج عشق و یرمک قصدنه چیقدم دیارمدن  
هنر ضایعدر اول کشورده کیم یوقدر خریداری



محبت قيلمغه اظهار غربت اختيار ايتدم [۱]  
 نه چاره يوق بوجنسك اولديغم يرلرده بازاری  
 مبار کدر سواددود آهم قنده عزم ایتسم  
 یمان اولماز سحابك كزدوکی يرلرده آثاری  
 مکرمدر سرشکم قنده یوز طوتسم بویوزدن کیم  
 بهار انکیز اولور هر قنده کیم سیلاب اولور جاری  
 ینه ای بلبل بچاره ایام بهار اولدی  
 ایرشدی وقت کیم بخت اوله اهل درده غمخواری  
 کله کل آچله نرکس لطافت بوستاننده [۲]  
 قوپه سیلاب ذوقیله الم خاشاکی غم خاری [۳]  
 سکا اولسه میسر خلوت وحدتده کل وصلی  
 نصیب اوله بکا پاشای کار خسار دیداری

ایاس پاشایه بو قصیده یی ویرمک ایچون شاعرك بر بهار موسمنده  
 هله ویا کر بهر دن بغداده عزم وسفر ایتمش اولدیغی آکلا شیلیور . بغداده  
 کلمك ، فضولینك کندی تعبیر نجه ، اختیار غربت ایتمک در .  
 کر بلاده تولد ایتدیکنی ادعا ایدنلر ، شو قطعه سیله احتجاج ایتمک ایسته رلر :

چون خاک کر بلاست فضولی مقام من  
 نظمم بهر کجا که رسد حرمتش رواست  
 زر نیست سیم نیست کهر نیست لعل نیست  
 خاک است شعر بنده ولی خاک کر بلاست

[۱] بزبوکون عینی بایراق آلتنده عین قوانین ایله اداره ایدیلن ومنافع ومضراتی افراد  
 عمومیه سنه عین درجه ده شامل اولان مملکت ( وطن ) دییورز . قدا ، بوکله ایله یالکز  
 کندی دوغدیغی شهری ویا کوینی قصد وافاده ایدردی . فضولینك وفاتندن ایکی یوز اوتوز  
 یدی سنه صوکره تولد ایتمش اولان کچه جی زاده عزت منلا منفیاً کشانه کیدرکن ، استانبولک  
 سورلرندن آیریلبیر آیرلماز وطنندن چیقمش اولدیغی ( محنت کشان ) ده یانیق یانیق سویلر . ( وطن )  
 کله سنه بوکونکی معنایی ویرنلرک پیری نامق کالدر .

[۲] کوله کل .

[۳] سیلاب ذوق ایله .



## ترجمه سی :

فضولی ، کربلانی طوپراغی مقام اولدیغی ایچون ، نظم نره یه کیدرسه بو  
نظمه حرمت لائقدر . آلتون دکل ، کوموش دکل ، لعل دکل ؛ بو کوله نکل  
شعری طوپراق ، فقط کربلا طوپراغی در .

بو قطعه دن فضولینک کربلا ده دنیایه کلدیکی استدلال ایدیله مز .  
احتمال که بر مدت اوراده اقامت ایتش و شو قطعه یی یازمشدر . ذاتاً  
کندیسی مقام دیور ؛ هر مقام ، مولد دکل در . و حتی مولد مدلوله  
ایرات ضعف ایدر .

قصه سنده تولد ایتش اولماسی احتمالی اغلبدر . علی امیری افندی  
مرحوم بکا فضولینک حال حیاتنده واوغلی فضلی علیهنده سویله نمش شو  
فارسی قطعه یی کوسترمشدی :

در حله دوشاعراند اکنون

فضلی پسر و پدر فضولی

عکس اند جمیع کار عالم

فضلی پدر و پسر فضولی

بو قطعه ده کی فضولی کله لری برنجی بیتده شاعرک مخلصی ، ایکنجی سنده ،  
شاعر دن تجرید ایله ، معنای اصلیه ارجاع ایدیله رک ، اوغلنه صفت  
صورتنده التزام ایدلمشدر .

## ترجمه سی :

شمی ( حله ) ده ایکی شاعر وارددر : ( فضلی ) اوغول ، ( فضولی )  
بابا . دنیانک هرایشی ترسنه در ؛ بابا فضلی ، اوغول فضولی .

فضولینک حله قصه سیله مناسبتی بو قطعه ده توثیق ایدر .



فضولينك پدري حله مفتيسيدر . بو ، اوتهدن بهري شايع اولديغي  
 كې ، الا آن بغدادده اويله روايت ايدرلر .  
 فضولينك تاريخ وفاتي ، كچرى فضولى جمله سندن ده آكلاشيلديغي  
 اوزره ، هجرتك ۹۶۳ سنه سيدر : ميلادي ، ۱۵۵۵ .

بو كچرى فعل ماضي سي حد ذاتنده معنيدار اولديغي كې ، كوجمري  
 صورتنده ده اوقونا بيلير . يوقا ريده ده ديمشك كه قدما ، عربلري تقليدا ،  
 املاده صوا تي بك فضله اهل ايدردي .

فضولينك وفاتندن سكر سنه صو كره عجمري بغدادى نك تاليف  
 ايتمش اولديغي كلشم مھرا آدلى تذكره شعر اده مؤلفك معاصري واحتمال كه  
 محب ومصاحبى اولان بويوك شاعرك ترجمه حالى شو صورتله قيد ايديليور :

### مولانا فضولى عليه الرحمه

بغدادى كمال معرفتله كامل وفنون فضاييل ايله فاضل شوخ طبع وشيرين  
 صحبت وعلم هيئت ايله ابدان دان اهل حكمت [ ۱ ] ومضمون بلاغتمون بولمقله  
 بى مثال اوچ زبان ايله اصناف شعره قادر وطرز معما وعروضده ماهر اسلوب  
 انشاي سلاست انكيزى مسجع مانند خواجه جهان مقبول اهل زمان وقواعد پر  
 فوائد فصاحت آميزى ملمع مثال قصايد خواجه سلمان دلپسند اهل عرفان وسمت  
 مثنويده ليلي ومجنون مانند درمكنون ثبت ايتمشدر . ونچه نچه تركى وفارسى رسايل  
 يازمشدر . ودخى روضه الشهداى مولانا حسين واعظى بطريق ترجمه حديقۃ السعدا  
 نام بر كتاب درج قلمش . حقا بودر كه كندو طرزنده مخترع وطريق معانيده  
 مبتدع [ ۲ ] وشاهد فكري الفاظ باك ايله وكون كې جامه زرین معنا ايله اعيان

[ ۱ ] فضولينك علم طب تحصيل ايتمش اولديغنه عهدينك ( ابدان دان اهل حكمت )  
 ديمه سوده دلالت وشهادت ايدر .

[ ۲ ] فرانسزجه ده ، يرينه كوره ، هم صفت ، هم اسم اولان original كلمه سى نك  
 عربجه مقابلى ، ينه يرينه كوره ، ( مبتدع ) و ( ابتداع ) ويا ( ابتداعى ) در . اوچ يوز  
 يتمش ايكي سنه اول ، توركجه بركتابه ، صاحب صلاحيت بر قلمله يازلمش اولان ( مبتدع )  
 ايله بوجوهر كلمه نك ديكر مشتقاتى دوروركن ، ( اوريزينال ) يازمق وديك زوپه لك صاييلير .



اچره متعین ولسان تازیده اولان ادبیاتی فصیحای عربدن مشهور و گفتارنوایی  
آیینی ترکان مغل [۱] یاننده مذکور وزبان فرسده اولان دیوانی پسندیده هر  
مرزوبوم [۲] و اشعار ترکیبی مقبول ظرفای روم اولمشدر. غزلارنده برقیچ [۳]  
مطلع فارسی و ترکی بیت و برغزل عاشقانه که مشهور مردم دور زمانه در ثبت  
و کندیوسی ثلاث وستین و تسعمائه ده مرض طاعونله مطعون اولوب دکر کون  
اولمشدر.

فضولینک حیاته متعلق روایات آراسنده عهدینک شو برقاچ سطرینی  
اک موثوق و شایان اعتبار بولورم. وفاتی سنه سنک ۹۶۳ اولدیغنی تصریح  
ایله ، کجری فضولی تاریخی ذکر ایتمکسزین توثیق ایدیور. قافزاده  
فائضی ایله ، ریاضی تذکره لرنده کاتب چلبینک کشف الظنون ادلی عربی  
العباره اثر مشهورنده دخی ۹۶۳ کوسترلمشدر. [۴]

[۱] ( مغل ) بالاخره « مغول » ، شیمدی ده « موغول » شکلنه کیرن املای قدیم .

[۲] درس وزننده ( مرز ) عجمجه یروزمین معناسنه کلیر . بایقوش دیک اولان ( بوم )  
کله سنک ینه اولسانده معانی متعددده سندن بری ( جای و مقام ) در . و بوراده اومعنی قصد  
اولونمشدر .

[۳] برقاچ ...

[۴] ( کشف الظنون ) ک کرک مصرده ، کرک استانبولده مطبوع نسخه لرنده فضولی یه تعلق  
ایدن سطرلری تحریف ایدلمش و یا کلمشدر . بو تحریف و سهوه ( راغب پاشا ) کتبخانه سنده کی  
یازما نسخه ده ده تصادف اولونویور . مؤلفک خط دستیله محرر اولان و بر قسمی ینه مؤلف طرفندن  
تبییض ایدیلرک ، متباقیسی مسوده حالنده قالان نسخه اصلیه نک کاملاً ، مجلد اولدیغنی حالده ،  
ولی الدین جاراالله افندینک کتابلری آره سنده و ( ملات ) کتبخاسنده محفوظ بولوندیغنی ( کتبخانه  
عمومی ) مدیرفاضلی اسماعیل افندی حضرتلری خبر ویردیله . تدقیق ایتدم . کاتب چلبینک  
قلمیله شویله یازلمشدر .

« دیوان فضولی ترکی و فارسی وهو محمد بن سلیمان البغدادی توفی فی حدود سنه « ۹۶۳  
کجدی فضولی ... الخ .

او نسخه لرده کی سهوک نصل و نره دن سریان ایتدیکنی بیلمیوزم . کاتب چلبی ۹۶۳  
سنه سی قید و ( کجدی فضولی ) تاریخیمله توثیق ایتش ایکن ، بنم کوردیکم یازما و مطبوع نسخه لره  
( سنه احدی سبعین و تسعمائه ۹۷۱ ) شکلنده درج ایدلمسی معما آمیز بر تحریفدر . خطای  
واقع کوپرولو زاده محمد فواد بکی ده اضلال ایتدیکندن ، فضولی دیواننه اولان مقدمه سنده ،  
کشف الظنون تنقید ایدیلیور .



## حسن چای تذکره سنده ،

... حدود سبعین تسعمائنده ( کل من علیها فان ) باده سنده سرکران و صهبای ( کل شیء هالک الا وجهه ) ایله مست سرکردان اولدقده ترک عالم وجود مستعار و هجرت ملکیت هستی ناپایدار ایدوب دنیای دنائت مداردن آهنگ ( وان الاخرة هی دارالفرار ) ایتشدر .

دیور . فضولینک تاریخ وفاتی حسن چلینک ۹۶۰ له ۹۷۰ آراسنده وعادتا یتمشده وقوع بولش کبی کوسترمه سی تاریخی اغلاق ایتشدر . بویوک شاعرک طاعوندن وفات ایتدیکی معاصری اولان و کندیسنی پک یاقیندن طانیدیغی یازدیغی سطرلردن آکلاشیلان عهدی بغدادینک روایتندن معلوم اولیور . بو اوילה بر مرصدر که تسلط ایتدیکی حیاتلرک کهنه ویا تازه اولدیغنه باقماز . فقط فضولینک حال حیاتنده اوغلنک شعرله توغل و اشتهار ایتش اولدیغی یوقاریده ذکر ایتدیگمز فارسی قطعه هجویه دن آکلاشیلیور . بوندن باشقه فضولی زاده فضولینک کاشی شهره ده کی ترجمه حالی ده شایان دقتدر . بابا ، اوغول ، ایکی شاعری ده شخصاً طانیش اولان عصری بغدادی دیور که :

**فضلی** — مولانا فضولینک اوغلیدر . صفای ذهن سلیم و ذکای طبع مستقیم ایله آراسته و عروس جمله خیالی زیور قبول کریم ایله پیراسته حالا علم ظاهره مشغول و کنج عزلتده قناعت ایله خمول [ ۱ ] و اوچ زبان ایله اقسام شعره مالک وروز و شب هر برینه مداومت کوسترمکه سالک بناء علی ذلک فن معما ده ذهنی عقده کشا و طرق توارینخده طبعی مرغوبدر . اعجاز نما ابیات عاشقانه سی سوزناک و کلمات رندانه سی رنگین و پاک اولمغن خوب و مرغوبدر . بو مطلع لر اونکدر :

[ ۱ ] خمول ، کمنام اولمق ، آدی ، صانی باتمق دیمکدر . عهدی ، ترجمه حالی تعزیر و اقتدارینی تصدیق ایتدیکی بر شاعر حقنده بویکله بی استعمال ایتمکه ، اونک غالباً مزایاتی تقدیر ایدیلهمه مش اولدیغنی افهام ایتک ایستیور .



مطلع

بقتلم تیغ زرین بر کمر آن سیمبر بسته  
ز شادی چون نیرم بهر قتل من کمر بسته [۱]

وله

کنج فراغتمدر میخانه لر بوجاغی  
باشم کسلسه کسمن اول کنجدن ایاغی [۲]

عربی

نصلي علي خير البرايا محمد  
تنور مصباح الهدى بجماله  
حبیب له رب البرية واصف  
لقد فاز من صلى عليه وآله [۳]

بغداد والیسی مراد پاشانك ۹۷۵ سنه سنده ، بغداد شهرنده بنا  
ایتدیکی جامعه فضولی زاده فضلی طرفندن تحریر اولونان منظومه تاریخیه  
نظمی زاده مرتضانك كلش منفا سنده مسطوردر . اورادن نقل ایدیورم :

سلطان جوان بخت سلیم اول شه عادل  
کمدر کهنك خادمیدر چرخ معلا  
اول سرور اسلام خداوند ممالک  
دارای عبادتکه دین ملجأ دنیا

[۱] اوکوموش کوکسلو ، بنی ئولدورمك ایچون آلتون قلیچ قوشاندی . سهوینجمله نصل  
ئولیهیمکه بنی قتل ایچون کمر باغلادی .  
[۲] باباسنه نظیرهدر . بعضی تورک دیارلرنده مفرد متکلم میمنی نونه تحویل ایدرلر .  
بو مصراعده کی ( کسمن ) بزم لهجهجه ( کسم ) در . فضولی ده بعضاً بویله یازار .  
کیروب مسجدلره کر مقتدالر پبروی اولمن  
کبی که ( اولمام ) دیمکدر .

[۳] افضل مخلوقات اولان محمدی تصلیه ایدرز . هدایتک چراغی ارنک جمالیله تنور  
ایتدی . رب مخلوقات اوسه وکیلینک واصفی در . اوکا وآلنه صلوات کتیرن البته فوز ونجات  
بولور .



بغدادە بر اهل كرمى ايلدى والى  
 كم قلدى آنوك ھۆتى بو مسجدى انشا [۷]  
 پاشاى فلك قدر مراد اولكه ازلدن  
 لطف ايتمش اكا عز وعلا حضرت مولا  
 فضلى ديدى بو مسجد ابچون صدقلى تاريخ  
 كل مسجده اى پاك مراد ايله تمنا [۲]

كرك بوو ثائق، كرك شاه اسماعيل زماننده يازلمش اولان بلك وبادە،  
 بويوك شاعرك وفاتنده ياشى لا اقل آلتمشى متجاوز اولديغنى اثباته كافيدر .  
 هر حالده ۹۰۰ سنه هجريه سنده ( ميلادى ۱۴۹۴ ) ويا داها اول تولد  
 ايتمش اولديغنه حكم اولونابيلير .

فضولى ، عراقده ايكي دورك ، ايكي ادارهنك شاهدى اولدى .  
 صفويلردن عثمانليلره كچن بو ديارك وتوركك اك بويوك شاعرينى نه  
 صفويلر تقدير وترفيه ايتمشلردى ، نه عثمانليلر . تورك وتوركجده شاعر  
 اولان شاه اسماعيل ايله ، ديوان سلطنتندن باشقه ، ديوان اشعارى ده  
 بولونان سلطان سايمان قانونى فضولينك صونديغى قصيدهلرى آكلايامايدير .  
 نه ،

مجلس افروز بزمكاه خليل  
 جهم ايام شاه اسماعيل  
 آندن آسوده در غنى وكدا  
 خلد الله ملكه ابدًا

بيتلريله ثنا ودعا ايتديكى شاه اسماعيلدن ، نه ،

[۱] بومصر اعده كى ( كم ) ( كيم ) ، ( آنوك ) ( اونك ) ادا تلىرىنىك اوزمانكى افلا لرى در م

[۲] بومصر اع، ۹۷۸ تاريخى كو سترمكه در . نظمى زاده ۹۷۵ دىيور . بوندن آكلا شيلديغنه

كوره جامعك امر انشاسى اوچ سنه ده اتمام ايدلش .



پادشاه بحر و بر سلطان سلیمان ولی  
 سرور صاحب نظر شاهنشہ شفقتشعار  
 اول نہال کلشن دولت کہ شاخ کل کہی  
 لطف وقہرندن ویرر احبابہ کل اغیارہ خار

شکلندہ توصیف ایتدیکی سلطان سلیماندن شاعرک اضطرارینہ برمدد  
 و معاونت توجہ ایتمشدر .

فضولینک نشانجی محمد پاشایہ اولان شکایتنامہ مشہورندن باشقہ ،  
 حیات خصوصیه سنی توضیح ایدن بروثیقہ اخلافہ انتقال ایتدی . فقط ادبیات  
 تمزک بر شہکار مخلصدی اولان بواثر کوسترییور کہ فضولی بی زمانندہ ،  
 بر ایکی قدر شناس ذاتدن ماعدہ ، کیمسہ آکلامامش . ہلہ بالذات  
 شاعر و شاعر نواز سلیمان قانونی ، یالکز کندی دورینک دکل ، ہر دورک  
 اک بویوک شاعری اولان بودہای مستثنای تقدیر ایدہ مہ مشدر [۱] .  
 باباسی سلیم اوّل تبریزدہ بولدینگی اذکیایی و ہنرورانی [۲] استانبولہ  
 نقل ایلہ بورادہ توطین و ترفیہ ایتشدی . سلیمان قانونی فضولی بی -  
 حتی او مشہور قصیدہ سندن صوکر ایلہ - آکلامادی . شاعری  
 عراقک قیزغین چوللارندہ باغری یانارق ، احتیاج ایچندہ قیور انمقدن  
 تخلص ایلہ ، مثلاً استانبولہ کتیر سہیدی و بو لہر غریبہ نازنین شہر و وطن دہ  
 اوکا بر ملاذ حضور ، بر ملجأ تفکر و تحریر احضار ایتسہیدی ، قرق  
 سکز سنہ لک دورمدید سلطنتک اک مشکور ، اک پایدار واک عظمتلی

[۱] سلیمان قانونینک شاعر نواز اولدینغہ باقیہ اولان توجہ و انعامندن دولایی اشارت  
 ایتدم . شرق و غربک مشہور اولان بعض حکمدارانہ درجہ سندہ ادبیاتہ بویوک بر حمایت  
 و ہمتی سبق ایتہ مشدر .

[۲] فرانسزجہ artiste کلمہ سنک فارسی مقابلی ، بزددہ من القدیم شایع اولان (ہنرور)  
 ایکن ( صنعتکار ) ترکیبنہ لزوم و احتیاج یوقدی . ہر حالہ ( ہنرور ) داہا مناسبدر .



اثری اولوردی . فضولینک مزیاتی تقدیر ایله ، احتیاجدن خلاصی  
اسبانی تحری ایدن نشانجی محمد پاشا ، شاعره اوقافدن دوقوز آچه  
یومیه تخصیصی اسبابنه توسل ایتش . دوقوز آچه بزم آلتون پاره ایله  
شیمدی تقریباً اون بش غروشدی . فضولینک شهری دورت یوز  
الای غروش نفقه ایله و کندی تعبیرنجه اوقافده همیشه بهره مند اولوب  
وپادشاه فراغ بال ایله دعا قیلیم . جهتی دربار شوکتقارده عرض ایدلمش .  
کیم بیلیر ، عقلا کچین هانکی احمق ، برات تقاعده زراعت اوقافده  
قیدنی علاوه ایدر . فضولی شکایتنامه سنده اوقاف مأمورلریله اولان  
کشمکشی شوصورتله آکلادیور :

... ابراز حکم ایچون متولی اوقاف حضورینه یوز اوردم . الحق متولی  
ملاقاتنه فرصت دوشمادی . و آنک دامن ملازمتنه دست نیل ایرشمادی .  
اما دیوان بلاغتته تهجم ایتدم . چون انجس اوقاتده واضعف حالاتده حضور-  
لرینه کتدم . بر جمع کوردیم حکایتلری پریشان . نه صفادن آنده اثر ونه  
صدقندن آنده نشان وار . جمعیتلری دام حیل . حضار مجلسلری « اولئک کالانعام  
بل هم اضل » . حرکات ناهموارلری مثابة سوهان روح و کلمات پر آزارلری  
مشابه امواج طوفان نوح . سلام ویردم . ( رشوت دکلدی ) دیو آلمادیلر .  
حکم کوستردم . ( فائده سزدی ) دیو ملتفت اولمادیلر . اگرچه ظاهرده  
صورت اطاعت کوستردیلر . اما زبان حال ایله جمیع سؤالیه جواب ویردیلر .  
دیدیم ( یا ایها الاصحاب بونه فعل خطا و چین ابرودر ) . دیدیلر ( بزم متصل  
عادتمز بودر ) . دیدیم ( بنم رعایتی واجب کورمشلر وبکا برات تقاعد ویر-  
مشلرکه اوقافدن همیشه بهره مند اولم . و پادشاه فراغ بال ایله دعا قیلیم ) .  
دیدیلر ( ای مسکین سنک مظالمکه کیرمشلر . و سرمایة تردد ویرمشلرکه مدام  
فائده سز جدال ایده سن و نامبارک یوزلر کوروب ناملام سوزلر ایشیده سن ) .  
دیدیم ( براتمک مضمونی نچون صورت بولمز ) . دیدیلر ( زوانددر .  
حصولی ممکن اولمز ) . دیدیم ( بویله اوقاف زواندسز اولورمی ) . دیدیلر



( ضروریات آستانه دن زیاده قالورسه بزدن قالورمی ) . دیدم ( وقف مالن زیاده تصرف ایتمک وبالدر ) . دیدیلر ( اچمه من ایلله صاتون آلمشوز . بزه حلالدر ) . دیدم ( حساب آلسه لر بو سلو ککزک فسادی بولنور ) . دیدیلر ( بو حساب قیامتده آلتور ) . دیدم ( دنیا ده دخی حساب اولور ) . ( خبرین ایشتمشوز . دیدیلر . آندن دخی با کمز یوقدر . کاتبلی راضی ایتمشوز ) .

نهایت دوقوز آچه نفقه یومیه یی ، عظمتی اونونجی عصر هجریدن بالعموم اعصار مستقبله یه طاشان ، شاعره چوق کورو یورلر . زوالم قیدی قالدیمی ، قالدیمی ؟ .. کیمسه بیلمز . احتمال که اوبویوک آدام اضطرار ایچنده ، فقر ایچنده قهر اولوب کیتمشدر .

شکایتنامه سنک صوکلرینه دوغرو ، شو آجی حقیقتی نه قادار صاف ، فقط مستهزی برلسان ایلله بسط و تحلیل ایدیور :

... خداوند انحنای بیورلیه و مستور اولنیه که وارد اولان برات هایون مضمونی ارسال اولنان عرضه مطابق اولیوب تصرفده ناقص قالمشدر . فی الواقع اگر لفظ زوائیدن غرض بوا یسه که وظائف خدام و رواتب ارباب تقاعد و اخراجات علیق الدواب و علف عوامل و ما یحتاج حفرو بنادن صکره بنده یه بر فائده مترتب اوله . حقیقتده درگاه معلادن بویله اشارت اولنمقدر که بنده واجب التقصیر فضولی حقیر استعداد تقدم واستحقاق تکرم دعواسن قیلور کن و کندوسن اکثر ارباب استحقاق دن مقدم بیلور کن مرحمت ملو کانه م و مکرمت خسروانه م ظهوره کتوروب بو برات سخاوت آیاتی ویردم . و بیوردم که من بعد رتبه اقتدارین و پایه اعتبارین جمیع کدالردن بلکه بهایم دن وطاشدن و طپراقدن اخس و ادنی بیله . و بیهوده تصرف برات قیلمیوب مرتبه سندن خبردار اوله . حقا که بو واقعه دن بنم ملالت چکدو کم چکدو کم رنج و ایتدو کم خرج و خسارت ایچون دکلدن محضاً تحریرنده حضرت تکز چکدو کی امک ایچوندر که ضایع اولدی . نیده لم . الدن نه کلور . عوض میسر اوله . و قلم قضا تدارک قیله .

بوسط لر آراسنده کی اضراجات علی الدواب و علف عوامل ایلله



مايحتاج مفر و بنا تعبيرلرينك معناسنى ، احتمال كه ، بر قسم اصحاب مطالعه بيلمز . عليو الرواب حيوانلرك طور با الله بويونلرينه آصيلان يملرى ، علف عوامل تارالارده چاليشديريلان او كوزلرك ييه جكلريدر . مايحتاج مفر و بنا دن ده مسجدلرله مدرسه و تكيه لرك آبدستخانه لرينى مراد ايدييور . ايسته زوائر ككه سندن فضولينك بحق چيقارديغى معنى بودر . باركيولرك ، او كوزلرك امر اعاشه سيله سرسرى بر درويشك احتياج مستكره ي اك بويوك شاعرك معيشته ، استراختنه ، حياتنه ترجيح ايدلش . بو حال و حركت قارشيسنده ، سليمانيه جامعى ، قبه لرى ، مناره لرى ، معمار سنانيه برلكده حجابندن يرلره كچه سزادر .

شوماجرى ، بزم عرق و تارنخمزه پك بويوك عيب و عاراو لوردى ؛ اكر ديكر عرق و تارنخمزده ده بوكا مماثل وقعهر بولونماسه يدى ...

\*  
\* \*

بو كتابك بعض اقسامى نوت فنونه ايله مقاله شكلىنده انتشار ايدر كن ، فضولى يي اوزون سنده نردن برى تدقيق و تتبع ايتمش بر ذات محترم دن مجموعه اداره خانه سنده مفصل بر مطالعه نامه كلىشدى . اوراق آراسنده غائب اولارق ، نشر ايديله مديكنه متأسفم . خاطر مده قالدیغنه كوره ، فضولينك سلطان سليمان طرفندن مظهر اعزاز و اقدار اولديغى ، ديواننده كي برقاج بيت ايله مسون مېلى تذكره سى نده كي برفقره دن استدلال ايديليوردى .

استشهاد اولونان اوبيتلرى بنده داها اوّل كورمش و بو كتابى



یازار کن، اونو تمامشدم. عاشق ھلې نك مشاعر الشھراء آدلی تذکرہ سنده  
بوروايتك تأييد ايدلديكنی ده بیلوردم. اولا شاعرك بیتلرخی تدقیق  
ایدهلم. سلطان سلیمانہ ویردیکی ترکیب بند شکلنده،

نه خوشدر آله کليكون جام باشده عشق سوداسی  
کوکله وصل ذوقی جانده جانانلر تمناسی

مطلعلی قصیده سنده کی،

شها جنت ديلردم حق میسر قیلدی دیدارک  
اومردم نور رحمت روزی اولدی شمع رخسارک  
مرادم کعبه ایدی طوف درگاهک نصیب اولدی  
چکردم لعل ایچون حسرت ایرشدی سمعه گفتارک  
قیلوردم آرزو حقدن کلید مخزن مقصود  
کورندی دیدة امیدمه دست کهربارک  
صفای طلعتک محو ایتدی کوکلدن الم نقشن  
معالج اولدی حاضر قالمدی تشویشی بیمارک  
طریق عزواقبالی ایتورمشدم اولوب غافل  
بنی غفلت یخوسندن اویتدی بخت بیدارک (۱)  
نه طاعت اجریدر یانه دعا تأثیریدر یارب  
که مطلوبی میسر اولدی محنتسز طلبکارک

تذکره لرك قيل وقالنی نقل ایتهدن شو آلتی بیتی تدقیق ایدهلم :  
نظمی زاده مرتضی - که مولدی اولان بغدادده وفات ایتمشدر -

(۱) آذری لهجه سنده الفك کسرة خفیفه سیله « ایتورمک » و « ایتیرمک » غائب ایتمک وینه  
کسرة خفیفه ایله « ایتمک » ضایع اولمق مننارینه در. استانبول لهجه سنک بومصدرلره احتیاجی وار.  
« یخو » کلمه سنی بز یوکون « اویقو » شکلنده تحریر وتلفظ ایدیورز.  
« اویتدی » دوغرو اوقونابیلیمک ایچون « اویاتدی » صورتنده یازیلیور. « اویاتمق » ینه او  
لهجه ده « اویانديرمق » معناسنه کلیر.



سليمان قانونينك بغدادى نه صورتله فتح ايدهر ك ، شهره نصل داخل  
اولديغنى حكايه ايدر كن ، شو سطرلرى يازييور :

... چون بهشت آباد قدوم ميمنت لزوم پادشاه سليمان رسوم ايله رشك  
بلاد اولدى اهل بلده استقبال باقباللرينه رونهاده اولوب هر برى نوازش والتفات  
خداوندكارى ايله بر مراد اولدقلرندن . . . [۱]

احتمال كه پادشاهى استقباله كيدهرك ، مظهر نوازش اولانلر آراسنده  
فضولى ده بولونويوردى . وینه احتمال كه تبريك قدوم وفتح ايچون حضوره  
قبول ايدلمش بر هيئتك اغضاسى ميانه بويوك شاعرده داخل اولمشدى .  
پادشاهك بو وسيله لردن برياه يوزنى كورمنس و سسنى ايشيتمش اولابيلير .  
بو رؤيت و استماعك ، او وقته كوره ، بر شرف و مباهاات بخش ائمه سى  
ممکن سه ده ، فائده ماديه تأمين ايدهر جك بر مظهريت عد ايديله ميه جكي  
طبيعى در . بر پادشاهك پرچين غضب چهره سى ده كوروله بيلير . و ،  
— شو نابكارك كله سين كسك ! ..

امرينى ويرر كن سسى ده ايشيدلمك قابلدور . فضولى او قصيده يي ده ،  
امثالى كى ، جائزه آلق امله تنظيم ائتمشدى .

كورندى ديدة اميدمه دست كهر بارك

دييور . فقط او مديغنه نائل اولديغنى كوستره جك تك براىما و اماره يوقدر .  
داها و يك چوق صوكر ايازمش اولديغنى ليلى و مجنونه ك شو بيتلرى كندى  
تركيب بند قصيده سنده كى مسروداتنك ابهامنى رفع ايله تذكره صاحبلىنك  
رواياتنى نقض و تصحيح ايدر :



ساقی مدد ایت که درد مندم  
 غم سلسله سینه پای بندم  
 غم دردنه جام می دوا در  
 تدبیر غم ایلک رواد در  
 رحم ایت که غریب و درد مندم  
 بی مونس و یار و مست مندم  
 اول بر نیجه همدم موافق  
 یعنی شعراء روز سابق  
 تدریج له کلدیلر جهانیه  
 تعظیم له اولدیلر روانه

دوران اولاری معظم ایتدی [۱]  
 هر دور برین مکرم ایتدی  
 هر برینه حامی اولدی بر شاه  
 ذوق سخنندن اولدی آگاه  
 ترک و عرب و عجمده ایام  
 هر شاعره ویرمشیدی بر کام  
 شاد ایتمشیدی ابی نوایی  
 هارون خلیفه نک عطاسی  
 بولمشدی صفای دل نظامی  
 شروان شاهه دوشوب کرامی  
 اولمشدی نوایی سخنندان  
 منظور شهنشه خراسان  
 سوز کوه نه نظر صالانلر  
 کنجینه و یروب کهر آلانلر  
 چون قالمادی قالمادی فصاحت  
 ارباب فصاحت ایچره راحت



اول طائفه چکدی خرقه یه باش  
 حالتلرین ایتمز اولدی لر فاش  
 تا اولیه رسم شعر مفقود  
 ابواب فنون نظم مسدود  
 لازم بکا اولدی حفظ قانون  
 ضبط نسق کلام موزون  
 ناچار طوتوب طریق ناموس  
 راحتدن اولوب مدام مایوس  
 عهدی سوزه استوار قیلم  
 اشعار دیمک شعار قیلم  
 چون خلقه خلاف مدعایم  
 آنلر زعمنجه نست رآیم  
 هر سوز که کلیر ظهوره بندن  
 بیک طعنه بولور هر انجمنندن  
 ایلر حسد اهلی بغلیوب کین  
 تحسین عوضینه نفی ونفرین  
 امید که رفع اولوب کدورت  
 تغییر پذیر اوله بوصورت  
 اول قوم بوکلشنه کیرنده  
 بوکلشن انچنده کل درنده  
 کل تازه ایدی وسبزه نوخیز  
 دیرندکجه نسیم کلرین  
 آنلر کلی دردیلر من زار  
 حالا دیلرم درم خس وخار  
 بوبزمه اولار ویرنده تزیین  
 می صاف ایدی بزم هم نوآیین  
 می صافی اولاره اولدی روزی  
 قالدی بکا داغ و درد سوزی



بودرده بن اولشم هواخواه  
برنشئه ویررمی بیلیمزم آه

فضولینک عمرخاسری بو بیتلرک ایچنده در . شکایتنامه سی آله  
اولماسهیدی بیله ، بوساقی نامه اونک محرومیتلرینی تقریر ایتمه که کافی  
ایدی . کندندن اولکی عرب ، فرس و تورک شاعرلرک پادشاهلر نزدنده کی  
مقبولیتنی ، اسملرینی تصریح ایله ، متحسّرانه یاد ایدیور .

شیمدی عاشق چلبی ایله حسن چلبینک روایتلرینی تدقیق ایدلم :  
عاشق چلبی مشاعرالشعراء نامنی ویردیکی تذکره سنده دیور که :

فضولی - مذکور بغدادی در . اول جانبده اولان شعرانک استادی در .  
ولایت بغداد و دیاربکر نشیده لری انوک انشادی در . فی الحقیقه کوکلی عسکر  
عشق خراب آبادی در . انوکچون خاکسار کوی فنا اولوب معموره سروساماندن  
آبی دوشدیکنه و شعری آتش انکیز اولدیغنه هوای عشق بادیدر . سلطان  
مشرقین و خاقان خاقین مرحوم سلطان سلیمان بغداده شرفنزول بیورب جوی  
دلجوی دجله و فرات شکر مایه لعابیه رشک آب حیات و حوالی دارالسلام  
بغداد خیام ظفر ختامیه غیرت جنات اولدقده فضولی زکاب پادشاهییه و مجلس  
ابراهیم پاشای وزارت پناهییه قصیده لر و یروب قادری [۱] افندی یه دخی

[۱] عاشق چلبی بوراده کی ( قادری افندی ) یی ترجمه حالی یازارکن ( قدری افندی ) دییه  
ضبط و قید ایتمشدر . فضولینک دیواننده کی ،

باغ لوحینی خزان برکی زر افشان ایلر  
آب اول لوحده مشق خط ریحان ایلر

مطلعلی قصیده نک ،

عرش تمکین و فلیکم مرتبه قادر چلبی  
که فلیک تابعی در هر نیه فرمان ایلر

بیتنده ایسه ( قادر چلبی ) صورتنده ذکر ایدلمشدر . حسن چلبی تذکره سنده ( قدری ) افندی  
دیور . بالاخره شیخ الاسلام اولان بو ذاتی ۱۲۹۴ سنه هجریه سنه مخصوص اولان سالنامه رسمی  
( عبد القادر چلبی الحمید افندی ) نام و عنوانیه کوسترمکده در . فضولینک بیتیه قید رسمی ،  
تطابق ایدهرک ، ( قادر چلبی ) دییه یاد ایدلدیکنی توثیق ایدیور .



قصیده و یرو ب اول دخی پادشاهه و پاشایه تربیه لرایدوب ادرارات پادشاهیدن [۱]  
 ارتفاع ولایت بغداددن سد رمق بلکه سعت معیشت اولاجق راتبه مرتبه تعیین  
 اولمشدر . اول دم بودمدر که احوال معاشی مهیا و اسباب انتعاشی مهنادر .  
 فراغ بال و رفاه حاله نظم اشعاره و تدوین ابیات بلاغت شعاره مداومدر . اشعاری  
 رصین و محکم و نظمی متین و مبرمدر . غزلیاتی عشق انکیز و قصائدی مخیل و مصنوع  
 و درد آمیزدر . مثنویده دخی لیلی و مجنونی واردر . هر سوزی سوزده [۲]  
 بر شمع تابدار و هر نقطه سی آتش شوقدن براخگر پر شراردر . خصوصاً نعت  
 نبیده اولان قصیده سی صنایع بدیعیه نك اکثری ایله مکمل و افسر بلاغله مکملدر .  
 الی الان هنوز وفاتی شایع دکلدر . معلوم دکلدر که یا واقع یا واقع دکلدر [۲].  
 سلطاننامه ایله لیلی و مجنونه ک هر صورتله احتیاجه صالح اولان محتویات  
 و صراحتی قارشیدنده عاشق چلبی نك بو بخبرانه سوزلری هیچ بر قیمت  
 احراز ایده مز .

... اول دم بودمدر که احوال معاشی مهیا و اسباب انتعاشی مهنادر .  
 فراغ بال و رفاه حاله نظم اشعاره و تدوین ابیات بلاغت شعاره مداومدر ...

[۱] ( ادرارات ) کلمه سنی عیناً نقل ایتدم . ( ادرار ) ک متعدد معنالرندن برینی قاموس  
 شویله تعریف ایدیور : ... سودلی طوار سودینی کرکی کبی روان ایلك معناسنه در . و برنسنه بی  
 تحریک ایلك معناسنه در . و ریخ سحابدن سود صباغار کبی یغمور آفتمق معناسنه استعمال اولنور .  
 بزم بو عربی کلمه یه ویردیکمز معنایی قاموس احتوا ایتیمور . چونکه عربلرجه مستعمل دکلدر .  
 [۲] ایکنجی ( سوز ) فارسی ( سوزش ) دن مخففدر . و ( سوزده ) دالک کسریله وصف  
 ترکیبی درکه ( یاقان ) دیمکدر .

[۳] عاشق چلبینک فضولی یه عائد سوزلرینی یازما نسخه دن عیناً نقل ایتدم . بعض عبارتندگی  
 رکاکت ، سهو ، مستنسخ اولسه بیله ، تغییر و تعدیل ایتک برناقله عائد حقوقدن دکلدر .  
 فضولیدن عاشق چلبینک نقل ایتدیکی اشعار آراسنده برچشمه ایچون یازلمش اولان شوتاریخده  
 کورولویور :

کوییا بو چشمه بر سقادر  
 راه حقدنه تشنه ایلر جست وجو  
 لوله سی آنک دهندر سودلی  
 دل دوکر هر که اولسه رو برو  
 سوکی از برلمش اوقور روان  
 ماجرای دهری هر دم سو بسو  
 اوکنه کم کلسه در تاریخ ایچون  
 ماحسین ایله حسین عشقینه سو



دیدیکی وقت فضولی، اون سنه بی متجاوز زماندن بهری، کوزلرینی مؤبداً قاپامشدی. بو قادار اوزون برمدت ظرفنده فضولینک وفاتی شایع اولماق و خبر ارتحالی استانبوله کلمه مک براز مستبعددر. عاشق چلبی مدقق بر مورخ اولسهیدی البته تحقیق و توثیق ایدردی.

حسن چلبی ده تذکره سنده شویله یازیور :

... شاعر مزبور [۱] وزیر اعظم و خلیل جلیل سلطان عالم اولان ابراهیم پاشا و صدرا کرم مولانا اعظم قدری افندینک جناب والا قدرینه قصیده غراویروب [۲] آنلرک حسن تربیت و سلطنت عنایتلریله خاقان مسفوره [۳] دخی قصیده ویردکده نیجه جوائز عطیاتنه مظهر و چنزار دل و جانی فرات صلات [۴] و احسانیه مخضر [۵] اولمشدی. کل ردیف بو قصیده لطیف و شریفی اول خاقان واجب التشریفه ویردکده کل کبی باش اوزره یر ایدوب بوی دلجوسی عالمگیر اولمشدر ...

واقعا فضولینک دیواننده کل ردیفلی اوزون برقصیده وار؛ فقط اوتهدن بهری مشهور اولان بفرار قصیده تاریخیه سی در که شاعرک آثار مماثله سی آراسنده شهرکاری عد اولونور. کل کلمه سی تشبیه و استعاره جه داها مساعد اولدیغندن، تذکره صاحبی یالکیز بوندن بحث ایدرک، اوته کنی اهل ایتمشدر.

بو تاریخ فضولی به عائد اولمادیغی بحق ادعا ایدیله بیلیر. تعمیه سز و تام تاریخ اولارق یازلش اولدیغندن، حرفلرک دلالت ایتدیکی ۹۷۴ سنه سنده فضولی اون برسنه لک بر میت مدفون ایدی. ( عشقینه ) دن ( ی ) حرفنی چیقارارق حساب ایتسه ک ۹۶۴ قالیر که بوده شاعرک وفاتندن سوکرادر. شو تاریخ فضولینک اسلوبنه موافق اولمادیغی کبی، مخلصیه ده احتوا ایتیمور.

[۱] ابراهیم پاشا و قادری افندیدن باشقا موقع سلطانی جلال زاده مصطفی چلبی به قصیده

ویروب ( جوایز سنیه لرین ) آلدیغنی مورخ عالی ده کنه الاخبارنده نقل ایدر.

[۲] فضولی.

[۳] سلیمان قانونی.

[۴] صلات، صادک کسر یله، بخشش، جائزه معناسنه اولان ( صله ) نک جمعی.

[۵] محشر وزننده ( مخضر ) خضارتدن اسم مکان، یم یشیل یر.



فضولینک شوخ طبع و شیرین صحبت بر آدام اولدیغنی همشهر و معاصری  
 عهدی بغدادی ، تذکره سندن یوقاری یه نقل ایتدیکمز سطر لرده ، ذکر  
 ایتشدی . بوروایت اولماسه یدی بیله ، شکایتنامه سنده کی لسان تهکمله  
 ترکی و فارسی دیوانلرینک مقدمه لری و سائر بعض آثار وابیاتی اونک  
 شوخ طبع و شیرین صحبت اولدیغنی اثبات ایتکه کافی در . سرورم و برورم ؛  
 رشوت دکل در دینه اطاردیلر طرزنده نکته پرداز اولایلیمک ایچون انسانک  
 فضولی کبی داهی ودهاسنک ظریف بولونماسی ایجاب ایدر . بونکله برابر  
 ضیا پاشایه ،

یانیقدر او عاشقک کتابی  
 نظمنده قوقار جکر کبابی

دیدیرته جک قادار پرسوز و گداز اولماسنه سبب نه در ؟ .. بز بونی - ینه  
 شاعرک آثارندن آکلادیغمزه کوره - زماننده قدری بیلنمه دیکنه  
 و عمری فقر و محرومیت ایچنده کچدیکنه حمل ایده بیلیرز . دیواننده  
 منظومه مسبحال و مستایسه سیر محمد غازی قاضی بفرار سر نامه لی برقصیده -  
 سی واردرکه ، یوقاریده کی مسرودا تمزی تأیید ایله ، اضطراباتنی منظوم  
 و مخلد بر فریاد شکلنده ، اعصاره نقل و تقریر ایدر :

بن کیمم بر فقیر بی سرویا  
 کترین بنده و کمینه کدا  
 سایر کارگاه صبر و سکون  
 سالک شاهراه فقر و فنا  
 نه مزاجده ارتکاب غرور  
 نه خیالده احتمال ریا



کنج عزلتده فقر و فاقه ایلہ  
 اولشم او یلہ محو کم مثلاً  
 مرکز خاکی ایتسه زیروزبر  
 بولہ من کردی نسیم صبا  
 عزل قیلمش بنی عملاردن  
 عامل کارخانہ دنیا  
 قیلمزم کاروبار عالمه میل  
 چکمزم عزل و نصب ایچون غوغا  
 بکا ویرمش جهان قو فقرین  
 نوله اورسم جهانہ استغنا [۱]  
 عالم عزلتک یکانہسیم  
 قافدن قافہ یوق بکا همتا [۲]  
 صورتم فقر و سیرتم منعم  
 هیاتم مور و هتم عنقا  
 رفعت قدرم الماس ایتمز  
 کر سلمان قیلورسه عرض عطا  
 فانی مطلبم قبول ایتمن [۳]  
 منت خضر ایلہ زلال بقا  
 دیمزم وحشیم طبیعت ایلہ  
 طالب ذوق صحبتیم اما [۴]  
 بردیار اچره یم که خلفندن  
 ایلز هیچ کم بکا پروا

- [۱] بعضی نسخه لرده ( ایتسم استغنا ) شکلنده ایسه ده ، دیوانک اعتنا ایلہ وجوده کتیریلن شایان اعتماد طبع لرنده ( اورسم استغنا ) در . شکایتنامه ده ده ( اورسم ) یازیور .
- [۲] بوکونکواملایه کوره ( یکانہسیم ) یازمق ایجاب ایدر . فضولی کبی قدما ، فارسی قاعده سنه اتباع ایلہ ( یکانہسیم ) یازاردی . دورت بیت آشاغیده کی ( وحشیم ) ده بویله .
- [۳] ۲۰ نجی صحیفه نک ۲ نجی حاشیه سنه مراجعت .
- [۴] فضولینک ( شوخ طبع و شیرین صحبت ) اولدیغنه شو بیتی ده دلالت ایلہ حقنده کی روایتی تأیید ایدر .



کیمسه یوق دردم ایلم اظهار  
ایلم آندن التماس دوا  
لعل وش طاش ایچنده در وطنم  
کل کبی خاری قیلمشم مأوا

بو بیتلر فضولینک حالنی تماماً ناطق و مصـوردر . ایچنده بولوندینی  
دیارك - که دوغدیغی ، بویودیکی و تولدیکی یردن باشقه دکل - خنای  
آراسنده هیچ محب و مددرس یوق . هر کس هاسر و معاندی . شاعر ،  
کندی وطننده و مسقط رأسنده غریب و قومی آراسنده بیکس یا شامش .  
اضطرار و استحقارک تهافت پیایی قارشیسنده بی مونس و یار و مستمند قالدیجه ،  
جیفه دنیا دکل کر کس کبی مطلوبم  
بر بلوک عنقالرز قاف قناعت بکلرز

کبی بیتلر له نفسی بهوده تسلیه ایتمهک چالیشیردی .

اساطیر یونانیهده بر پرمته Prométhée وارددر : آدمه یریوزینک  
بالچغندن شکل و صورت و یرد کدن صو کرا ، اوکا جان افاضه ایتمک  
ایچون گوگک آتشی چالیدی . آلهة الآلهات اولان زویته Jupiter  
پرومتهنک بوحر کتنه غضب ایدهرک ، اونی قاف داغنه چیویله تمشدی .  
براق بابا اوراده پرومتهنک قارا جکرینی متماًدیآ یردی . پرومته لایموت  
اولدیغی ایچون ، یونان اساطیرینک اک مشهور قهرمانی اولان هرکول  
Hercule طرفندن تخلیص ایدیلنجیه قادار ، بواشکنجه بی اوزون سنه لر ،  
اوزون عصر لر چکدی .

فضولی ده لساننک ادبیاتنه کندی سمای دهاسنک لاهوتی آتشی نفخ  
ایتمشدی . زمانه بی امان بر زویته کسینه رک ، تورکک بوغیر اساطیری



و حقیقی پرومته سنی فقر و فاقه نك قاف طاغنه چویلیدی . شاعرك  
 قهرمان رها کاری اولان طاعونه ك آن امدادینه قادار هاسر و معاندلری  
 اونك اعصاب و الیافنده و کیکلرنده ایكله یی روحنی کیردیله . ایشته قاف  
 قناعت دیدیکی طور سینای عذاب ...!

طبدن هندسه یه قادار ، زماننده معلوم و مدّون ، عقلی و نقلی ،  
 بالعموم علوم و فنونده متبحّر و اوچ لسانده بینظیر شاعر اولان فضولینك  
 حیاتنده نه دهای موهوبی تقدیر اولوندی ، نه کمال مکسوبی . اخلافك  
 تعظیم و شکرانی اونك یریوزنده ، آلتش سنه دن زیاده ، محروم و مضطرب  
 چیرپینمش اولان روحنی نه قادار تسلیه ایدر ، بیلمم ...!

\*  
\* \*

دیوانه رکی سی قطعه و بیتلرله مایممع بر مقدمه منشوره دن صو کرا ،

هوا عرایس کلزاره اولدی چهره کشا  
 بهار کلشنه کیدردی حله خضرا

مطلعلی اوزون بر مناجات ایله باشلار . بو منظومه ده فضولی عاشق اولمقدن  
 زیاده علم فروشدر . عشق خدایی تقریردن زیاده ، اشیایه عائد معلو-  
 ماتی تشهیر ایدر . بونی تعقیب ایدن نعتلرک برنجیسی ده فضولی یه شرف  
 ویره جك بر اثر دکلدر . فقط ،

صاچای کوز اشکدن کوکلده کی اودلاره صو [۱]

کیم بودکلو دوتشان [۲] اودلاره قیلمز چاره صو

[۱] ( اود od ) فارسی ( آتش ) ك تورکجه مقابلی .

[۲] دوتشان - طوتوشان .



مطالعيله باشلايان ايكنجي قصيده ، روح حساني حيران ورقصان ايدو جك  
برشوق ووجد ايله ، آب زلال بقا كبي ، آقوب كيديور :

ذوق تيغكدن عجب يوق اولسه كوكلم چاك چاك  
كيم مرور ايله براقور رخنه لر ديواره صو  
وهم ايلن [ ۱ ] سويلر دل مجروح پيكانك سوزين  
احتياط ايله ايجر هر كده اولسه ياره صو [ ۲ ]  
صويه ويرسون باغبان كازاري زحمت چكمسون  
بركل آچيلماز يوزك تك ويرسه بيك كازاره صو [ ۳ ]  
عارضك ياذيله نمناك اولسه مژكام نوله  
ضايغ اولماز كل تمناسيله ويرمك خارو صو  
غم كوني ايمه دل بيماردن تيغك دريغ  
خيردر ويرمك قراكو كيجه ده بيماره صو [ ۴ ]  
بن لبك مشتاقيم زهاد كوثرطالبي  
نيته كم مسته بي اچمك خوش كلير هشارو صو  
دستبوسي آرزوسيله كر اولسم [ ۵ ] دوستلر  
كوزه ايلك طپراغم صونك آنكله ياره صو [ ۶ ]  
سيد نوع بشر دريبي در اصطفيا  
كم سپو بدر [ ۷ ] معجزاتي آتش اشراره صو  
قلمغيچون تازه كلزار نبوت رونقن  
معجزندن ايلش اظهار سنك خارو صو

[ ۱ ] آذري لهجه سنده الفك كسر خففي ولامك فتحيله ( ايلن ) بزم ( ايله ) شكلنده  
تلفظ ايتديكمز ادات مصاحبت ومعيتدر .

[ ۲ ] طب قديمه كوره مجروحلره چوق صو ايجيرمك مضر عد ايديليردي .

[ ۳ ] آذري لهجه سنده ( تك ) بعضاً ( كبي ) معنا سنيده ايفاده ايدر .

[ ۴ ] ( قراكو ) قدامجه قراكلق مقامنده او معنايه قوللانييليردي .

[ ۵ ] ( ئولك ) دن ( ئولورسه ) .

[ ۶ ] ( طوپراغمي صو دستيني ياپيكر ) ديور . بوراده ( ايلك ) ( ايليك ) دن مخفدر .

[ ۷ ] ( سپو بدر ) بزم بوكونكو لهجه مزده ( سرپشدر ) .



معجزی بر بحر بی پایان ایش عالمده کم  
 یتش آندن بیک بیک آتشیخانه کفاره صو  
 حیرت ایلن [۱] پر مغن دیشلر کم ایتسه استماع  
 پر مغنکدن ویردیک شدت کونی انصاره صو  
 یا حبیب الله یا خیر البشر مشتاقکم  
 ایله کم [۲] لب تشنه لر یانوب دیلر همواره صو

بوندن اول ده ، صو گزاده حضرت پیغمبره حسابسز نعتلر انشاد  
 ایدلمشدر . دیگر السنه اسلامیه نك شعرایی کبی ، بزم شاعرلر مزده  
 فخر کائناتی بلیغ نشیده لرله عاشقانه تجیل ایتدیلر . فقط ابتدائی برلسان  
 ایله تنظیم ایتدیکی بو مصراعلره فضولینک ویردیکی روح و تاب ، شایان  
 حیرتدر . خصوصیه ردیف اولارق انتخاب ایتدیکی تک بر صو کلمه سنده  
 بوقادار اوینایارق ، کوستردیکی قدرت تصرف و تنوع ، و جعلنا من الماء  
 کل شیء حی آیت کریمه سنک حقیقتی بر کره داها تصدیق ایتدیرر .

بونی متعاقب ضمیر ردیفلی اوتوز بر و صبا ردیفلی یکرمی بش بیتدن  
 متشکل ایکی قصیده نعتیه سی واردر . ایکیسنده مضمون پردازلقدن  
 قور تولا بیلمش ، بکنیه بیله جک تک بر مصراع کور مدم . صو نشیده سی  
 شاعرک ایمان و عشقندن نبعان ایتش برنهرشیدا کبی ، میدان حشره  
 و کوثره قادار ، کاشکی تک باشنه آقوب گیدهیدی ! .. اونی تعقیب ایدن  
 ایکی منظومه نعتیه ، برصویک اوستنه دوشمش خس و خاشاک کبی ، بو  
 نشیده نك بیتلرنده چاغلایان زلال صفانک صفوت و تابش جریانی اخلاص  
 ایدیور .

[۱] بر صحیفه اولکی حاشیه لردن برنجیسنه مراجعت .

[۲] اویله کیم .



صبا ردیفلی نعتی قصیده در مدح شاه ولایت سرنامه سیله حضرت  
 علی بی تجیلاً یازلمش ایکی منظومه تعقیب ایتمیشدر [۱]. فضولینک کرک صو  
 نعتنده، کرک مرثیه حسینیه ایله دیگر بر قسم نشاندنده کی حرارت بیانه  
 بوا یکی قصیده سنده اصلاً تصادف ایدلمز. لسان واسلوب ده بغداد ایله  
 استانبولک عینی بایراق آلتنده برلشمه سندن اولکی زمانه عائد وبارددر.  
 بو منظومه لریله صریقه السهر سندن فضولینک شیعی المذهب اولدیغنی  
 نذاکره صاحب لری نک، فقط شیعی المذهب بولونانلری احساس ایدیورلر.  
 کوپرولو زاده محمد فوآد بک ده، سنی و سنوی اولدیغنی حالده، بوقنا-  
 عتده در. شاعرک دیوانه یازدیغنی مقدمه مفصله ده، هپسندن ایلری یه  
 کیده رک، فضولینک شیعی کی بر حقیقت تاریخیه در دیور. وسوزینی تأیید  
 ایچون دیواننک بعض محتویاتیه احتجاج ایتک کافی اولدیغنی سویلیور.  
 محمد فوآد بک کوره، فضولینک نعتلرنده ایلمک اوچ خلیفه دن اصلاً بحث  
 ایتمه مه سی دلیل تشیع اولابیلمش. حالبوکه سنی شاعرلر دورت خلیفه  
 حقنده اکثریا آیری آیری نعتلر یازدقلری کبی، حضرت پیغمبره عائد  
 نعتلرنده ده مطلقاً اونلردن بحث ایدرلر.

یوقاریده کی اصلاً، اکثریا، مطلقاً کله لرینک آلتلرینه برر خط  
 بطلان چکه رک، شو اوچ کله یه نظر دقتی فضله جلب ایتک ایسته دم.  
 چونکه بونلر محمد فوآد بکک قلمندن عیناً چیقمیشدر.

[۱] بو (قصیده در مدح شاه ولایت) سرنامه سی مصرده وطاش باصماسیله استانبولده  
 طبع ایدلمش اولان فضولی دیواننده یوقدر. بالآخره ایرانی طابعلر طرفندن استانبولده وجوده  
 کتیریلن تمثیللرده بو مقدمه اثره علاوه ایدلدی. دیگر قصائد و نشاندده مصرک و  
 استانبولک آنفاً ذکر اولونان طبعلرنده مقدمه و اشارت وضع ایدلمه مشدر. فضولینک او  
 سرنامه لری یازمامش اولدیغنه محقق نظریله باقیله بیلیر.



سنی المذهب بولونداقلرنده كيمسه نك ذره قادار شههسی اولمايان مشهور ، نامشهور برچوق شاعر كوستریله بیلیر كه چاریاری بخته قاریشده یرمقسنزین پیغمبره ائنه خوان اولمشلر . حتی تدقیق ایدیلسه اکثریت بونلرده در .

ایشته نفهی :

دیواننده یكانه نعت نبوی اولان مشهور موزم ردیفلی نشیده سنی تشکیل ایدن قرق بش بیت آراسنده خلفای راشدیندن هیچ برینك اسمی سبق اتمیور .

ایشته نالی :

قبر نبوی بی زیارت مناسبتیه انشاد ایتدیکی یوز آلتش اوچ بیتدن متشکل نعت مشهورنده ، حتی عین سقف مبارك آلتنده منتظر انفلاق آخرت اولان ابوبكر الصدیق ایله عمر الفاروق رضی الله عنهما نك نه اسملرینه ، نه جسملرینه ، نه صراحة ، نه ایماء اشارت واردر . وغریبدر كه ایمانه ایللك سبب وسائق ، جان قورقوسی و حیاتی قورتارمق اضطراری بولونان كه ب زهیر حضر تلرینك اسمی بیله بالمناسبه بو نعتده مندمج بولونویور :

چونكه كعب بن زهیرك كنهن عفو ایتدك  
مژده عفو ایله بو كنهكاری ده شاد

نابینك دیواننده چهاریار كزینه ثناخوان تور كجه بر منظومه سی بولوندیغی كبی ، حضرت علی حقنده آیریجه برده فارسی مدحیه سی واردر . هله ثابت ك بوتون علمنی مصر اعلری آراسنه یراشدیر مك ایسته دیکی



مشهور نعتنده ده خلفای راشدینه بر ایما بولونمازسه ایدیله جك دعوی  
واعتراض وسویله نه جك سوز قالماز .

بو مثاللارك آرزو ایدلدیکی تقدیرده تعدد ایتدیرلمه سی ممکن و پك  
سهلدر . کورولو یور که سنی شاعرلر ، نعتلرده چهار یار حضراتی اکثربا  
دکل ، آرا صیرا ، ودیه بیلیرم که ، نادرأ ذکر ایتدیلر .

فضولینك ایلک اوج خلیفه دن اصمد بحث ایتهدیکی یولنده کی دعوی  
دخی قولای قولای تصدیق ایدیله مز . ذاتاً لیلی و مجنونه مقدمه سنده کی  
نعتدن ،

ای چاریار کاملک اعیان ملک دین

ارباب صدق و معدلت و رأفت و حیا

دورک بودرت فصل ایله بر معتدل زمان

شرعك بودرت رکن ایله بر معتبر بنا [۱]

بیتلرینی نقل ایتمکه کوپرولو زاده محمد فؤاد بك کندی ادعاسنی تأیید  
دکل ، توهین ایدیور . اکثر ابیاتی از بر بیلدیکی بنجه یقیناً معلوم اولان  
بغداد قصیده سنده کی شو بیتی دار الفنون تورک تاریخ ادبیاتی مدرس  
محترمی نیچون اهل ایتمش ؟ . .

بونده اولمش حجت حکم خلافت منطوی

بونده در خاک خلافت خیر ختم چاریار

چونکه بر شیعی یه کوره چاریار یوقدر . و حضرت علی یاریکانه در .

بغداد والیسی ایاس پاشا ۹۵۳ سنه سی خلانده بصره یه کیدر کن ،

حضرت علینك مدفون بولوندیغی بحف . اوغرامشیدی [۲] . فضولی

بو مناسبتله انشاد ایتدیکی قصیده ده دیور که :

[۱] بوقطعه ده کی ( صدق ) ابوبکرک ، ( معدلت ) عمرک ، ( رأفت ) علینك . ( حیا )

عثمانك صفات کاشفه سی در . وعلینك عثمانه تقدم ایتدیرلمه سی ، وزن وقافیة نك الجاسی ولف  
ونشر مشوش صورتیله در .

[۲] نظمی زاده مرتضی ، کلشن خلفا ، ۱۱۴۳ طبعی ، ورق ، ۶۲ .

منور ایلدی اقبالک اولیا برجن  
 لوای عدلاک اولوب اولیا به شمع مزار  
 رواج بخش طریق امام اعظم اولوب  
 بنای شرع له و بردک امور ملکه قرار  
 چراغ طلعت له کربلا به صالک نور  
 او آستانه ده قیلدک در نیاز نثار  
 تمامی امرادن سکا مسلمدر  
 رعایت نسب شرع احمد مختار  
 یتر بواجر سکا اول زمانکه عرض اولنور  
 جزا ایچون حقه بربر عبادت احرار  
 خلاف غیر نصیب اولدی حین حکم سکا  
 زیارت حرم پاک حیدر کرار  
 کم اول خلیفه رابعدر و مناسبدر  
 سکا که حاکم رابعسن اکا قرب جوار

مذهب حنفی به رواج بخش اوطاق ، امور ملکه بنای قرار و بر ملک  
 اولدیغنی بر گره داها اقرار ایدن بر آدانه شیعی دینیه بیلیر می ؟ . . بو  
 قصیده دن آکلا شیلدیغنه کوره ، ایاس پاشا ، بغداده کیدن عثمانلی والیرک  
 دورد و نجیدی در . اونی خلیفه رابع اولان حضرت علی به تشبیه ایتمه سی ،  
 علیدن اولکی خلفای تشنه نک خلیفه بالحر اولدقلرینی صراحة تصدیق  
 د کلمی ؟ . . سنی المذهب اولدیغنده کیمسه نک شبهه سی اولیان و شیعه دشمنی  
 عثمانلی پادشاهنی نجف و کربلا ده تمثیل ایدن بر آدانه حیدر کرار مشبه به  
 اولویور .

بغداد قاضیسنه اولان قصیده سننده مندرج شو بیتلر له فضولی ،  
 حنفی المذهب بر قاضینک شخصنده شرع شریفه مدیحه خوان اولمقده در :



فقها فرقه سنه صورت فعلی فتوی  
جمله دن جمله یه اول صدر شریعت مختار  
ای وجودك سبب تقویت شرع شریف  
بنیه ملت زهرا یه سدادك معمار  
خدمتک اولسه مقصود نه ممکن که ویره  
نظم اصناف ثلاثه اثر هفت و چهار [۱]

هریقه السهرانك او چونجی بابی - که ارتحال نبوی بی حاکی در -  
شویله برسطری احتوا ایدر :

... روایتدر که حضرت عمر الفاروق رضی الله عنه حضرت مرثضانك  
الین طوتوب ...

عمره حضرت کله تجیلانی اضافه و فضله اولارق ، اتحاف ترضیه  
ایتمه سی فکر و دعوا مزی تقویه ایدر قناعتندیم .

ینه هر یقه السهرانك شوسطرلری ، فضولینك مذهبی اطرافنده ،  
شیعی منابعدن ، ترشح ایدن قیل و قالی تکذیبه کافیدر :

... اول اثناده جماعته حضرت رسولدن فرمان یتوردیلر که ابوبکر الصدیق  
رضی الله عنه امامت قیلوب جماعت منعقد اوله حضرت ابوبکر حسب فرمان [۱]  
متوجه محراب اولدقده صورت محراب زبان حالله رسولك طاق ابروسندن خبر  
ویروب حضرت ابوبکرک قامتین بار حیرتله رکوعدن مقدم خمیده قیلدی و مشاهده  
شکل محرابدن چهره سنه ابواب فراق آچلدی . بی اختیار فغانه کلوب و جمله صحابه  
آنك اتفاقیه کریان اولوب صدای نوحه لرندن حضرت رسول خبردار اولدقده  
فاطمه دن سؤال ایتدی که بونه غلغله در حضرت فاطمه ایتدی یا رسول الله صحابه  
شدت فراقکدن فغانه کلدیله و مهاجر و انصار اندوه مفارقتکدن کریان اولمشلر .

[۱] بومصر اعده کی ثلاثه ، هفت و چهار کله لرینك نه یه دلالت ایتدی ( لیلی و مجنون )  
مقدمه سنده کی ( آباء علویه ایله امهات سفلیه ) یه علاوه ایده جکمز حاشیه ده ایضاح ایدیله جکدر .  
[۲] ( فرمان ) کله سی فارسی اولدیغندن ، عربك حرف تعریفی ادخال ایتك قاعدة  
یا کاشدر . بویله مسامحه لره قدماتك آثارنده صیق صیق تصادف اولونور .

حضرت برالن مرتضی کتفنه و برالن فضل بن عباس کتفنه براغوب بردخی  
حجره شریفه دن چیقوب جماعته نماز ایتدی ... [۲]

برشیعی، حضرت ابوبکری، فراق نبوی ایله بلی بو کوله جک قادار  
عاشق تصور و بوقادار محرق تصویر ایدرمی؟ ..

روضه الشهدا ده او مبحث شو صورتله یازلمشدر :

... الفصه شخصی بامر عایشه بنزد بلال آمد و گفت حکم نبوی چنین  
نفاذ یافته که ابوبکر امامت قوم بجای آرد بلال بنزد ابوبکر آمد و صورت حال  
باز گفت ابوبکر برخاست و چون نظرش بر محراب افاد و آن محل را از قبله  
اهل یقین خالی دید نتوانست که خود را نگاه دارد کریه بروغلبه کرد و صحابه  
فریاد برکشیدند ...

ترجمه سی :

حاصلی بر شخص عایشه نك امريله بلالک ياننه کلدی . و جماعتک امامتنی  
ابوبکرک ایفا ایتسنه امر نبوی صدور ایتدیکنی سویلدی . بلال ابوبکرک ياننه  
کلدی . و صورت حالی تکرار ایتدی . ابوبکر یرندن قالدی . وقتا که نظری  
محرابه ایلیدشدی و او محلی قبله اهل یقیندن خالی کوردی . کندینی ضبط ایدمه دی .  
آغلما اوکا غلبه ایتدی . و اصحاب رفع فریاد ایتدیلر .

فضولیده کی حرارت بیان ایله ، حسین واعظک افاده سی قارشیلار .  
شدیریلیرسه ، صریقه السهراء مؤلفنک ابوبکرده متهایل و محب اولدینی  
کورولور . بونده تقيّه نك تقاضاسنی فرض ایتمه لزوم وامکان یوقدر .  
ینه بفرا قصیده سنده کی شو بیت اوزرنده محمد فواد بك بر دقیقه  
توقف ایدمه بیلیردی :

بونده اولمش منتشر فیضی امام اعظمک

بونده بولمش بهره علم شریعت انتشار



ابو حنیفہ یہ هیچ بر شیعی امام اعظم دیمز . هر شیعی بزم امام اعظم مزدن دشمن دینه جک قادار متنفر در . هله اونک فیض منتشری بولوندیغی ادعاسی شیعیلری عصیان وهپسنه غشیان ایتدیرر . شو حقیقی بن یالکز کتابلرده اوقومادم ؛ کندی کوزلرمله کورددم ده اونک ایچون یو قادار اصرار ایدیورم .

فضولینک تشیعنه براز یوقاریده حجت اتخاذاید ملک ایسته نیلمش اولان ، اصدر ، اکتریا ، مطاقا حکملریله مؤید ، اوچ دعوانک بطلانی ایسته کندیلکندن ثابت اولدی .

فؤاد بکک ،

... شیعیلکده تقیه : یعنی اعتقادات حقیقیه سنی ایجابات زمانه کوره کتم ایدهرک ، باشقه شکلر آلتنده کوسترمک بویوک براساسدر ...

سوزینی تصدیق ایدرم . بونکله برابر ، امام اعظمک مداح انتشار فیضی اولمق کبی بر تقیه یه فضولینک هیچ مجبوری تی یوقدی .

تواتراً منقولدر که سلیمان قانونی عبدالقادر کیلانینک قبرینی زیارت ایدرکن پک زیاده و بعضیلرینک روایتنه کوره ، امام اعظمک مرقدنده کینه فائق صورته ، آثار حرمت کوسترمش . وسببینی صورانلره ،

— عبدالقادر کیلانینک تربه سی سنیلکک بغدادده شیعیلکله قارشیی برقلعه سی در .

جوابی ویرمش .

فی الحقیقه شیعیلر ابو حنیفه دن نصل روگردان ایسه لر ، عبدالقادر کیلانی بی ده اویله سه و منزلر . اکر فضولینک امام اعظم حقنده کی مدحی

تقیه یه و قانونی یه خوش گورونمک املنه مستند اولسهیدی ، پادشاهک  
عبدالقادر کیلانی یه توجه ایدن میل مخصوصندن کندی حسابنه فائده لر  
آراردی . نصل که ،

بونده در معروفه سرمزل جنیده جلوه گاه

بونده در بهلوله زنجیر جنون منصوره دار

بیتله عین قصیده ده دیگر اعظم متصوفه یی ذکر ایتمکدن چکینه مشدر .  
ینه کندی تدقیقات و مشاهداتمله بیلیرم که ، بغداد لیلرک قادری  
طریقته منسوب اولمیان قسمی ، عبدالقادر کیلانی یی سه ووب تعظیم ایتمز لر .  
احتمال که طریقت قادریه دخی بر قسم مشایخک آئنده آلت تغلب اولدیغی  
ایچون .

فضولی قادری دکل ؛ فقط حله مفتیسناک او غلو بولونماسی ده اثبات  
ایدر که حنفی المذهب ایدی . سلیمان قانونینک عبدالقادر کیلانی حقنده کی  
توجهندن استفاده ایتمک ایسته مه مه سی ده کوسسترر که فضولی بغداد  
قصیده سنی انشاد ایدر کن هر تور لو تقیه قیدندن آزاده ویک صمیمی بولونمشدر .  
حضرت حسینه اولان مرثیه سنه و هر یقه السهرایه کلینجه :

اهل بیتک او غرادیغی احوال و مصائبک یادی ، سنیلری ده شیعیلر  
قادار دلخون ایدر . هر لسانده اوزون مرثیه لرله او ماجرانک خاطره سی  
تخلید ایدلدی . او درجه ده که ، عباسیلردن صفویلره قادار ، بر چوق  
سلطنت و تسلطن احتراضلری هپ او وقعهلردن مایه واونلرک تکرر  
تذکارندن قیوت آلیوردی . آنا طولیده کی شیعیلرک بر قسمی قتل عام  
ایدن سنی المذهب سلیم اول بیله ، قویو بر شیعی و بو مذهبک متعصب



مجددی اولوب ، سنیلری قتل عام ایتمکدن منع ایتک ایسته دیکی ایچون ،  
کندی والده سنی اعدام ایدن اسماعیل صفوی یه هجوم ایدرکن ،

برجان خارجی زده ام پنجه چون اسد  
خون حسین میطلبم یا علی مدد [۱]

دیمشدی .

علی یه مدحیه و حسینیه مرثیه لر یازمق - تعبیر معروفیله - رأب شهرادر .  
کرك اسکی ، کرك یکی شاعر لرك قسم اعظمی بو عاده اتباع ایتدی .  
طرز قدیمک اشعر متأخرینی یکیشهر فناری عونى بکک بیله ، حضرت  
علی یه ،

السلام ای اسد الله عظیم الاخلاق  
السلام ای ید علیای جناب خلاق

و حضرت حسینیه ،

هرسنه ایتک ایچون رسم عزایی تجدید  
ماتم خون حسین ایله کلور سال جدید

مطلعاریله مصدّر اوزون ویانیق نشیده لری واردر . حالبوکه عونى  
بك ابوبکر الصدیقه ادعای نسب ایدن مهول الدیمه رومی نامنه مؤسس  
طریقه صمیمیتله انتساب ایتمش ، صاحب عشق وایمان برسنی ایدی .

[۱] ( خارجیلرک جاننه آرسلان کبی پنجه صالدم . حسینک قاننی دعوی ایدیورم . مدد  
یا علی ! .. ) معناسنی تضمن ایدن بو بیت ، شاه اسماعیلک سلطان سلیمی هدف اتخاذایدن ،

عالم تهی زمردم وپر شد زدیوودد  
با دیو ودد چه چاره کتم یا علی مدد

بیتنه جواب رددر . بوبیتک معناسی :

عالم انساندن خالی ، دیولر و سباع و وحوش ایله دولدی . سباع و وحوشه قارسی نه چاره  
بولایم ؟ .. مدد یا علی ! ..

شیعی المذہب اولماسنه حتی کوپرولو زاده محمد فوآد بیله امکان تصور  
ایده من .

بن ، حضرت حسینہ قارشی لاقید و بی حرارت بر تعظیمکار اولدیغم  
حالده ، عراقك سقوطی اوزرینه ،

سر مباركك ای قره دو چشم رسول ،  
شهادتکده سنك تجدا اولوب ، کیتدی ؛  
بو کوزده ، طالع اسلامه باق که ، مشهدیکی  
ویروب عدویه ، یتیم وطنجدا ایتدی ! . .

قطعه سنی سویله مشدم . کوپرولو زاده محمد فوآد بکک اولاد واحفادن  
بری ایلریده خروج ایدوب ده ، بو قطعه دن بنم شیعیلکمه استدلال ایدرسه  
وای حاله ! . . برکت ویرسین که بو قطعه نك اوستنه قاپانان صحیفه ده ،  
ینه اومناسبت مؤلمه ایله یازلمش ،

روان پاك محمد سماده کریاندر ؛  
مخلد اتنی اسلامك ایتدی بر تحریف :  
امام اعظمك آفاق اجتهادنده  
ایدر مجادله ناقوس ایله اذان شریف ! . .

قطعه سنی وار .

براز یوقاریده کی برکت ویرسین که ده بنی تطمین و تأمین ایده میور .  
چونکه فوآد بکک اولاد واحفادی اب وجید محترم لری نك ادبیات تاریخی  
مقننه کی معین و معلوم اصول لری نه صادره قالار ، [۱] یعنی امام اعظمه

[۱] کوپرولو زاده فوآد بك ، کلیات فضولی مقدمه سی ، صحیفه ۳



تعلق ایدن بیتلری مسکوت [۱] کچهرک ، دیگر قطعه ایله احتیاج ایدرلر سه بن مزارمده نه یاپاییلیرم ؟ ..

فضولینک شیعیلکنی تذکره صاحبی مام میرزای صفوی ده صراحة ذکر ایتیمور . فوآد بکک نقل ایتدیکی اشعارینک اکثری منقبت ائمه دهر در روایتی شاعرك تشیعنه دلیل وسند اولامیاجنی کبی ، حد ذاتنده ده مجروح و مردوددر . چونکه منقبت ائمه دهر اشعار فضولینک اکثریتی شویله دورسون ، اونده برینی بیله تشکیل ایدمزر . یالکزدورینک اکابرینه یازدیغی قصیده لر ، ائمه دینه اولان نشاند وابیاتنک برقچ مثلی در . زمانی ادراک ایله شخصی کوردیکمز بروسه لی مولوی سنیح افندی ، هنوز کنج صاییلاجق برسندد ایکن ، ۱۲۷۵ سنه هجریه سنده ، مجموعه اشعارینی باصدیرمشدی . فضولی دیواننک آلتیده برینی بیله تشکیل ایدمین بودیوانچه ده ، حضرت علی وفاطمة الزهرا ایله ائمه حقارنده کی متعدد و آتشین منظومه لر فضولینک دیواننده کی اشعارمماثله سندن پک چوق زیاده در . سنیح افندی به نه حیاتنده تشیع اسناد ایدلمشدی ؛ نه بوکون او ظنده بولونا جق کیمسه وار . احتمال که اخلافنده بویله برظن حاصل اولماق مقصدیله ، ابوبکرو عمر و عثمان حضر اتنده آیری برمدحیه یازمشدر . سنیح افندینک ده تقیه فیکریله حرکت ایتمش اولدیغنی کیمسه ادعا ایدمزر .

[۱] عربجه نك قواعدی ( مسکوت ) ی یا کلیش عد ایدر . ( سکوت ) مصدر لازمندن ( مسکوت ) اسم مفعولی اصاغه ایدرکن ( عن ) حرف جر بیله فعلی تعدیه ایتمک لازمدر . بولزومه بناء ، بزده کی قواعد پرستان فصحا صوک زمانلره قدار ( مسکوت عنه ) دیرلردی . او ضرورته بزمده اتباع ایتمه مزه لزوم یوقدر . انکارل عبدالحو حامد ، فریادمه قارشى امر مسکوت دیمکله او قیدی قیردی .

ينه کوپرولو زاده محمد فواد بك سويليور :

... ايران توركلري آراسنده فضولينك شيعيلكي حقنده كي عنعنه نك اوزون مدت دوام ايتديكني اوليا چلبينك « دركزين » ده تماشاكري اولديغي صحنه مائمه فضولينك « مقتل حسين » ينك اوقونماسي ده تأييد ايدر . اكر بوشاعرك توركلكي حقنده ايران توركلري [۱] آراسنده الك اوافق برروايت ، برشبه موجود اولسه يدي ، متعصب شيعيلرك بوني اصلا اوقومياجقلى طبيعى ايدى ... [۲]

هيچ ده طبيعى دكل در . فواد بك قطعى حكملردن اجتناب ايله ، اصرا ، قطعا ، طبيعى كى ، حقيقى اصول تاريخه صادق قالان جدى مورخلرك دائماً اجتناب ايتدكلري كله و حكملري دها آز سوء استعمال ايتسه مناسب اولور .

فضولينك مقتل حسين آدى بر اثرى بولونديغنى بيلميورم . راويى اوليا حبيبى مرحوم اولماسنه نظراً ، ظن ايتم كه بويه برشى موجود اولسون . مقصد هريقه السهم ايسه بو ، مؤلفك ويرديكي عنوان ايله مشهوردر .

كله واسملر اوزرنده فضله اصرار ايتيه لم . وفرض ايده لم كه دركزيمده كي شيعيلر صحنه مائمه فضولينك اثرينى اوقويورلر . بو ، شاعرك تشيعنه حكم اصدار ايتمكي موجب اولاجق درجه ده قوتلى برسندميدر ؟ . .  
ضيا پاشانك ديواننده ،

آغلسون اول شاه وفايى سون  
ايكلسون اول مهرحيائى سون  
ناره ينار نور صفايى سون  
باصماز آياق بونده رايائى سون

[۱] ( ايران توركلري ) معنا سزدر . ( آذرى توركلري ) دينك ايجاب ايدر .  
[۲] کوپرولو زاده محمد فواد بك ، فضولى ديواننه مقدمه ، صيفه ، ۱۷-۱۸ .



ماتم ایدر آل عبایی سون  
سینه دو کر بونده خدایی سون

مصر اعلریله باشلایان ترجیع مسدسی ۱۲۸۴ سنه هجریه سی محرمندن  
بهری ، هر ماتم کونی والمه ضانی دیوارلرنده چینلار . بلکه تبریزده ده ،  
با کوده ده او قونمق معتاددر . ظفر نامه شاعرینک لسان شط حیاتیه یازلدیغی  
اسلوبندن پک بارز آ کلاشیلان بو منظومه اونک شیعیلکنه حجت اولای .  
بیلیرمی ؟ . ضیا پاشانک نشئه لی زمانلرنده ، بعضاً وایرانیلری تقلیداً ،  
سینه دو کهرک ، فقط آغلامق یرینه کوله رک ، بو مصر اعلری انشاد  
ایتدیکنی مجالس صمیمیتته داخل اولانلردن ایشیتدم . ذاتاً ، برار اولده  
دینلیدیکی کبی ، طرزی جدیتدن زیاده مزاح افهام ایدر .

یوقاریده کی منظومه نک اسلوب بیاننه قارشلی تضاد تام تشکیل ایدن ،

بودر بروقه ماتمغزا کیم اولمیان دلسوز [ ۱ ]  
مکر ابن زیاد ویا یزید وابن ملجمدر  
کمیننه بنده آل عبایز قوم سفیانه  
دمادم لعنت ایتک فرضدر هم فرض اقدمدر  
وجودم ریزه ریزه ایتسه لر تیغ فلاکتله  
ینه هر ریزه سننده حبا اهل بیت مدغمدر

بیتلریله ضیا پاشا غلات شیعه دن ظن ایدیله جک قادار افراطه وارمشکن ،  
نعت نبویسنده ،

مناره لردی بهین مسجد شریعتنه  
چهار یار کزین مسلم الاطوار

دیور .

[ ۱ ] بومقامده ( دلسوز ) یا کلشدر . ( دلسوخته ) ویا ( سوخته دل ) یازلمق ایجاب ایدردی .

اگر دارالفنون تورک ادبیات تاریخی مدرسی محمد فوآد بک افندینک  
اصولنه صادق قالارق تدقیق ایدرسهک حکم ایدرزکه :

ضیا یا انا لھم شیعی در ، لھم سنی . خلفای تلمیذی لھم سدر ، لھم سدرمز .  
فوآد بک ، فرقنده اولیارق ، دوشدیکی کریوہیہ ، ینہ فرقنده  
اولقسزین ، ھیمزی سوروکلہ مک ایستیور .  
مدرس محترمک مذهب فضولی حقنده احتجاج ایتدیکی دلیللردن  
بری ده شو صورتله اتیان ایدلمکده در :

... فضولینک علم کلامه دائر یازمش اولدینی ( مطلع الاعتقاد ) عنوانلی مهم  
بر رسالہ یی کوروب اوقویان ( کاتب چلبی ) شاعرك ( حکما ) و ( امامیہ )  
مسئکارینہ کوره سرد مطالعات ایتدیکنی سویلیہرک ، یوقاریدن بهری ذکر ایتدیکنم  
دلائل تاریخیہ یی قطعياً تأیید و تصدیق ایتکده در ... [۱]

اعتراف ایدرم که شو سطرلردن هیچ بر معنی چیقارامادم . کاتب  
چلبینک قلمندن بو قادار مهم بر عبارہنک صدور ایدہ بیله جکی بکا بک  
مستبعد کوروندی . کشف الظنورہ ده کی عربی متنی ده ،

( مطلع الاعتقاد ) فی الکلام لمحمد بن سلیمان المعروف بفضولی البغدادی الشاعر  
تکلم فیہ بما اراده علی وفق مذهب الحکماء والامامیہ [۲] .

شکلنده ، یعنی مذهب له مسلك اختلافی نظر اعتبارہ آلینازسه ، اصل  
ایله ترجمه بری برینک عینی . تردد و حیرتی ازاله ایچون ، کاتب چلبینک  
خط دستیلہ محرر نسخہ یه مراجعت ایتدم . اوراده ده مطبوع نسخہ ده  
اولدینی کی .

[۱] کوپرولو زاده محمد فوآد بک ، کلیات فضولی مقدمه سی ، صحیفه ، ۱۸۰ .  
[۲] کاتب چلبی ، کشف الظنون ، ۱۳۱۱ ده استانبولده طبع اولونان نسخہ ، جلد ، ۲ ،  
صحیفه ، ۴۵۵ .



فضولینک علم کلامه دائر اثر یازمش اولدیغنی ایلك و صوك دفعه اولارق ، کاتب چلبی سویلیور . فقط افاده سی او قادار مشوش که معنی چیقارمق قابل دکل در . چونکه هکما ایله امامیه مذهبلی بری برینک ضدی . بر آدام هم فلاسفه دن ، هم متکلمیندن اولاماز . مکر که بیطرف بر ناقل قالا .

کاتب چلبی ، اثر حقنده هیچ بر شرح و تفسیرده بولونمیور . مطلع اراعتقاد فی الحقیقه فضولینک قلمندنمی چیقدی ؟ . . . بوده معلوم دکل . رساله کورولمدجه ، محتویاتی و مؤلفنک نیاتی حقنده بر سوز سویله نه مز . محمد فوآد بك ، فضولینک معاصری بولونان اضرور عرونی مؤلفنک شاعر حقنده رافضی دیمش اولدیغنی پک مهم بروتیقه تلقی و ذکر ایدیور . فضولی ایله یالکز معاصر دکل ، همشهرده اولان و خصوصیت مزاجنی بیله تذکره سنده قید ایدن عهدی بغدادی ، شاعرك شیعیلکنه دائر بر حرف یازمامشکن ، اضرور عرونی مؤلفنک اوزاقدن ایشیتدیکی شیلر ، نه دن شایان اعتماد و محمد فوآد بکه مدار احتجاج واستناد اولسون . . .

هر معاصرك سوزی موثوق دکل در . فضولی ایله همزمان اولان عاشق چلبی ، شاعرك وفاتندن ، لا اقل اون ایکی سنه صوکره تألیف ایتدیکی تذکره ده اونک مماتندن بخبر بولوندیغنی سویلیور . همان هپسی بویله تحقیق سز ، تدقیق سز یازیلان تذاکر شعرايه و امثالی آثاره ینه تحقیق سز ، تدقیق سز اعتماد ایتک جائز دکل در .

بویخته ختام ویرمه دن کیملره شیعی و کیملره سنی اطلاق ایدیله بیله جکنی ایضاح ایده لم :

شیعی اولایلمک ایچون اول شیخینی سبب ، بعده حضرت علی ایله  
مجادله ده بولونمش اولان اصحابی تکفیر ایتک ، برده قذف عایشه [۱]  
اقتضا ایدر . دیگر متفرعاتی براقالم . شیعیلکک بواوچ عمده اساسیه سنه  
فضولینک رعایت ایتمش اولدیغنی کویستر بر مصراعی ، بر سطر یازیسی  
وارمیدر ؟ .. بولونمق شویله دورسون ، عکسنه ، یعنی شیخینی تجیل  
وعایشه بی تکریم ایدن منظوم و منشور آثارینه دیواننده ولیلی و مجنونی ایله  
حقیقه السعداسنده تصادف ایتکده یز .

هر محب آل ، شیعی عد ایدلمک لازم کلیرسه ، سنیلرک انحنایا پذیر  
ائمه متعصبه سندن اولان امام شافعی ده ،

ان کان رفضاً حب آل محمد

فلیشهد الثقلان بانی رافضی [۲]

بیئیه شیعی و رافضی طانیمق ایجاب ایدر .

\*

\*\*

فضولینک کربلا ده کی قبری ده موثوق دکل در . اکثر اعاضمی ،  
وقاتلرندن صو کرا ، طریقت و تکیه لر ، کندیلرینه نسبت ایتمکه ، بر نوع  
اصالت احراز ایتک ایسته لر . فضولینک عبراطوس ده نامنده بر  
بکتاشی شیخه انتساب ایده رک ، تکیه نک صراغسوزی اولدیغنی و وصیتی  
موجبینجه ، بعدالوفات بو تکیه یه دفن ایدلدیکنی توثیق ایده جک تک بر  
مصراعنه و سوزینه تصادف ایده مدم . کوردیکم متعدد تذاکر شعرا ده

[۱] القذف - قافک فتحی و ذال معجمه نک سکونیه آتمق و اهل عرض قادینه تهمت زنا

( قاموسدن خلاصه )

ایله بهتان ایلک ..

[۲] محمدک آله محبت رفض ایسه انس و جن شاهد اولسون که بن رافضی یم .



بوکا دائر ایما بیله یوق . زنده ومیت ، هر کسه آووج آووج قصیده لر  
صونمش اولان شاعر ، اکر بر شیخه مرید اولسه یدی ، مرشدینه  
نه لر یازمازدی !..

آناطولینک اکثر محللارنده اصحاب نبوی نامنه بر چوق قبره ومکلف  
تر به لره تصادف اولونور . بو صحابیلرک کویا مدفون بولندقلری یرلره  
مدت عمرلرنده بر کره اولسون ، آیاق آتمامش اولانلری ده واردر . هم  
اولدجه چوق . قبل الطوفان کلن انبیادن شیت بن آدم علیهمالسلامک  
موصلا ده مکلف بر تر به سی ویاننده جامعی کورولور . مهماندار نبوی  
ابو ایوب انصاری نامنه استانبول خلیجنک منتهاسنده یو کسله ن مکلف تر به ،  
اونک ارتحالندن سکر عصر صو کرا ، مظنه کرامدن آو شمسی الرببه  
طرفندن کشف اولونارق انشا ایدلمشدر .

شامده محی الرببه عربی نامنه اولان تر به ده بویله حادث .  
پدرم دیاربکرلی سعید پاشا ، هیچ بر طریقه انتساب ایتیه رک ،  
خالص ، مخلص بر مسلمان قالمق ایسته مش وقالمشدی . ارتحالندن  
صو کرا ، بر نقشبندی شیخی پدرمک نقشی اولدیغنی بکا قارشی بر کون  
ادعا ایتدی .

بویله اسنادلر کثیرالوقوعدر . فضولینک بکتاشیلکی حقنده ، اوغیر  
موثوق قبردن باشقا و کندی آثارندن دلیل کوستریلنجه یه قادار ، طریقه  
انتسابی ده ، عبدالمؤمن دده نک مزاری قربنده مدفون بولوندیغنی ده برر  
افسانه اولمقدن قورتولا ماز .

حياتی اطرافنده اك چوق روايات متضاده دولاشدیرلمش اولان شا -  
 عمر من فضولی در. بوندن کندى ده همان هراثرنده ، مناسبت دوشدکجه ،  
 شکایت ایدر . زمانندن صوك سنه لره قادار ، دیتندن بیله شبهه ایدنلر  
 کورولدى . اونی الحاد ایله اتهام ایتک ایسته ینلر ، شوبیتلریله احتجاج  
 ایدرلردى :

سجده در هر قنده بر بت کورسم آیینم بنم  
 خواه کافر خواه مؤمن دوت بودر دینم بنم

و ،

بت نورسم نمازه شب وروز راغب اولمش  
 بونه دیندر الله الله بته سجده واجب اولمش

حالا اونو تمام : بن هنوز چوقولتدن یکی آیرلمش بریاشده ایدم .  
 حاجی تیمور بکزاده ، آنشته محمد صبری بکک خانه سنده فضولینک ذات  
 و اشعارى موضوع بحث اولور کن ، مسئله دیندارلغنه و عقیده سنک  
 اشکالنه انتقال ایتدی . صاریقلی ، صاریقسز ، بعض ذوات طرفندن  
 شاعرک له و علیهنده حرارتله سویله نن سوزلردن صو کرا ، روحى  
 استجواب ، یعنی دیوانندن تفأل ایتک ایسته دیلر . آچیلایق صحیفه لردن  
 صاغده کی نک یدنجی بیتى شاعرک جوابی عد ایدیه جکدى . شوبیت  
 چیقدى :

دورمه قبرم اوزره ای عشق ابچره بن تک اولمین  
 طعنه طاشیدر سکا سنک مزارمدن صاقین

زاواللی فضولی !.. زماننده قدری هیچ بیلنمه دی . درت یوز  
 بوقادار سنه دن بهری عرقی ، قومى ، مذهبی ، دینی ، قبرى ، متناقض  
 روایتلرله ، ظلام شک وابهامه کومولک ایسته نیلیور . حله مفتیسى سلیمان



افنديك او غلو محمد آنجق حنفی المذهب دو غابیلیردی. بو محمد بویویوب،  
شاعر فضولی اولدقدن صو کرا، اقدار و تسریری مراد ایدیلنجه،  
تخصیص اولونا جق معاشه - صرف سئیلره عائد اولان - اوقاف اسلا -  
میه دن قارشیلق آراندی. ایشته متروکات تاریخیه دن حیقان حقیقت...  
فضولینک تشیعنه سند اتخاذا ایدلمک ایسته نیلن آثارندن بری هریفته -  
السهمادر. بو کتابک سائق تحریرینی ده، محتویاتی آتیا تدقیق ایدرکن،  
کوره جکزر.

\*  
\* \*

دبوانه فضولی ده مناجات و نعتلره حضرت علی به اولان نشیده لردن  
صو کرا، سایمان قانونی به قصیده لری کلیر. یوقاریده ده دیمشدک که آثار  
مماثلنک سرنامه لری، استانبولده و صوک زمانلرده باصیلان نسخه لره،  
ایرانی اولان طابعلری طرفندن، علاوه ایدلمشدر. کerk مصرده، کerk  
طاش باصماسیله و مرفته لی عبدالله خلوصی افندی یازیسيله ۱۲۶۸ سنه  
هجریه سنده استانبولده طبع اولونان نسخه لرده شو علاوه لره تصادف  
اولونماز. بونلرک فضولی طرفندن یازلماش اولدیغنه مثلاً کل ردیفلی قصیده -  
نک باشنده کی قصیده در مدح حضرت خاتم المرسلین و ستایشه سلطان سلیمان  
علیه الرحمة والغفرانیه مقدمه سی دلیلدر. چونکه فضولی سلطان سلیمان  
اون بر سنه اول وفات ایتشدی. اوکا بالطبع تمنی رحمت و غفرانیه ایده -  
مزدی.

تذاکر شعراء اصحابی نه دیسه دیسین، کل ردیفلی قصیده سنده فضولی  
هیچ موفق اولاماشدر. بونی تعقیب ایدن،

ابداً اللهم في الآفاق امن المسلمين  
بادوام دولت پاينده سلطان دين [۱]

مطلعي عربي و فارسي ايله تورکجه مصراعلردن متشکل قصيده سي  
بر طمطراوه ايسه ده خوسه ادا عداولو ناماز . قداماچه ملمع قصائد و غز-  
ليات معيار اقتدار عدايديليردي . فقط نه قادار آهنگدار اولورسه اولسون،

لشکری نقصان کوررسه جيش اعدادن نوله [۲]

هست بهر نصرتش فوج ملائک درکين [۳]

کي بيتلر ، فضولينک قلمندن ده چيقيسه ينه ذوق سليمه خوش گلر .  
تصنع قادار شعري بوزان و تولدورن برشي يوقدر . بوندن صوکرا  
بغدادی توصيف ايدن قصيده کلير . شونشیده لسانمزك آيدات ادبندندر .  
برکردهاها ديمشديک که سايمان قانونينک اوروپا ايله آسيا و آفريقايي دولده  
ران دورشو کتندن يالکيز اوچ اثر قالمشدر : معمار سنانک استانبولده  
پادشاه نامه انشايتديکي جامعله ، فضولينک بو قصيده سي و باقينک مرثيه سليمانيه  
سي . زمان بلکه سليمانيه جامعني تخريب ايد بيلير . فقط باقينک مرثيه -  
سيله فضولينک قصيده سندن بر مصراعی يقيمغه قادردکلدر . دورت عصر ،  
لهجه يي ، لسانی ، ادراکی ، ذوقی پک چوق د کيشديردي . د کيشمه ين  
و کوزلاکی يازلديغي زماندن زياده بو کون حس و تقدير ايديلن شيلر  
وارسه اوده ادبیا تمزک شو ايکي آبدۀ پايداريدر . بفهرار قصيده سي نامق

[۱] الهی ، سلطان دينک دوام دولت باقيه سيله مسلمانلرک امن و سلامتی افکارده  
ابدي قيل .

[۲] بومصرعاع ، مصرک حروفات و استانبولک طاش ناصهاريله مطبوع نسخه لرده شويلاه در :

لشکری نقصان اکر کوررسه اعدادن نوله

بونسخه لره ديکر طبعلرک کيلردن زياده اعتماد اولونا بيلير .

[۳] اونک نصرت بولماسی ايچون ملکلر بولوکی پوصوده در .



کمال ، فضولینک اک کوزل آثارندن بری عد ایدیور [۱] . وفی الحقیقه  
 بویوک شاعرك اک کوزل اثرلرندن بری در . عثمانلی اوردوسی بغدادی  
 فتح ایدرکن ، ادبیاتی بونشیده بی قازانیوردی . بغداد شیمدیلك المزدن  
 کیتدی . فقط قصیده سی تورکجه مزك ممتنع الضیاع مالیدر . شاعرك شوقنی  
 تقریره کندی لسانی کافی کلمه مش ، عربجه دن ، عجمجه دن ده استعانه  
 ایدیور . بوقصیده ده ملمع بیت یوقدر . ایلك یکر می آلتی بیتنده تورکجه  
 اولیان بر مصرعه تصادف ایدمز . دیگر قرق دورت بیتك بشی عربجه ،  
 یدیی فارسی در . بو بیتلرده مصرعه لر متجانس بولوندیغی ایچون ، تصنع ده  
 حس ایدمز . بغدادك کرک تاریخی ، کرک محلی مفاخر و محاسنی پروجد  
 وهیجان صایدقن صو کرا ،

هر غریبه نازنین شهر و ولایاتی وطن  
 هر مزاجه معتدل آب و هوای سازگار  
 تربت مقبولی برو فاجره تأثیر بخش  
 خاک پاکی صورت هر نیته آینه دار  
 بو مجربدر که بولمز ظلم بونده امتداد  
 بو مقرر در که ظالم بونده اولماز پایدار  
 کرچه برقچ کون فلك خیل بلا تعیین ایدوب  
 قلمغ ایستردی بو ملک رخت عیثن تارمار [۲]  
 کفر مستولی اولوب اسلامی ایتشدی زبون  
 جهل استیلا بولوب علم اهلنی ایتشدی خوار [۳]

[۱] جزمی ، صوک طبعی ، صحیفه ۷۱ .

[۲] قلمغ - قیلمق .

[۳] آنفال بیان مصر و استانبولده مطبوع نسخه لرده ،

کفر مستولی اولوب قیلمشدی اسلامی زبون

شکلنده در . و بو صورت هم لسانك سلیقه سنه ، هم فضولینک اسلوبنه داها ملایمدر .  
 صفویلرک بغدادده کی حکومتنی ( کفرک اسلامی زبون ) و ( جهلك علم اهلنی خوار ایتمه سی )  
 صورتنده کوروب کوسترن فضولینک ایرانه تعاق ایدن حسیاتی و شیعیلکک اوزمانده کی شکلی  
 فیصل تلق ایتدیکنی از جمله بو بیتده کوستر .

دوتدی دست ناله مظلوم دوران دامن [۱]  
 صالیدی دود آه دل آینه چرخه غبار  
 چرخ فی الحال اولدی اول رأی غلطدن منفعل  
 دور فی الفور اولدی اول فکر خطادن شرمسار  
 لطف ایزد شامل احوال اهل فقر اولوب  
 قیلدی فیض عدله تدبیر عجز وانکسار  
 بائر اولمش ملکه تعیین ایتدی معمار خرد  
 صوصمش کلزاره ارسال ایتدی ابر نوبهار [۲]  
 باد پای عزم کشور کیر عالمکرد ایله  
 کحل اعیان عجم قیلد قده خاک رهگذار  
 قیلدی مشهور عرب فتح عجم تاریخی  
 کلدی برج اولیایه پادشاه نامدار [۳]

دیور . بغدادده ظلمک ممتد و ظالمک پایدار اولامیاجغنی مجرب و مقرب  
 بر حقیقت و قناعت شکنده اعلان ایدن شاعر ، بو حکمی یالکز بغدادده  
 حصر ایدیورسده او ، هر یره و هر کسه شامل در .

بغداد قصیده سندن صو کرا یوقاریده بحثی بالمناصبه کچن [۴] ترکیب  
 بند شکنده کی نشیده مدحیه و بونی متعاقب بصره ، نجد و بحرین طرفلرنده کی  
 فتوحاتدن دولایی ایاس پاشایه اولان ایکی قصیده سیله بر ترجیع بندی  
 کلیر . تورک اوردوسنک او عرب دیارنده ، بری برینی ، متعاقب احراز  
 ایتدیکی غلبات و موفقیاتی شاعر ، هندستانه دوغرو آتیلمش برر خطومه

[۱] دوتدی - طوتدی .

[۲] صوصمش - صوصامش .

[۳] کلدی برج اولیایه پادشاه نامدار

مصراعی ابجد حسابیله ۹۴۱ چمقیور : میلادی ، ۱۵۳۳ . تاریخلرمزک بر فسمی بغداد فتحی  
 ۹۴۰ سنه هجریه سنده قید ایدر . اختلاف ، تاریخ نقطه سندن شایان تدقیق و حقیقتی تعیین ایتک  
 وظیفه سی متخصصلرینه عائددر .

[۴] صحیفه ، ۲۶ .



شکلنده کوره دك ، شوق و افتخار ايله ترنم ایدیور . ینه ایاس پاشا  
مدحنده برتر جیع بندی بولوندیغی کی ، دیگر برقصیده سی داها واردر .

فقیسفره انعامك اغنیای زمان  
غریق نعمت احسانك اولیای نعم  
حریم در کهکله عزم ایدن فقیرلره  
نصاب نعمتله فرض اولور طواف حرم

کی بیتلرله پاشانك الطاف و مکارمنی و عدل و زهدینی تعداد ایتدکن  
صوگرا ،

شها فضولی زارم که چرخ بیوده کرد  
صالوبدر آیدیه طبعمه غبار الم  
تمده زخم حدنك بلا ولی شادم  
که لطفك اولسه بولور جمله زخملر مرهم

یدیور . شو ایکی بیتدن باشقه ، او اوتوز آلتی بیتلك قصیده ده فضولینك  
شخصنه متعلق برانین تظلم یوقدر . شاعرك نظر حرمانی اوکنده ،  
فلک بیوده دونویور .

فتح ایتدیکی یرلردن زیاده نامنی تأبید ایتمش اولان شو دورت  
قصیده یه ایاس پاشانه صورتله مقابله ایتدی ؟ .. معلوم دکل . مجهول اولمیان  
برشی وارسه ، اوده قصائدسرا شاعرك الی آخر العمر فقر و فاقه ايله  
دمکذار اولدیغی در .

بو قصیده یی ویس بك نامه انشاد ایدلمش برقصیده تعقیب ایدیور .  
شاعرك خصوصیت حالنه ایما اولابیله جك بر بیتله تصادف ایده مه دك .

متعاقباً کلن متائیه یه فضولینك کندی شخصنه انشاد ایدلمش برقصیده  
نظریله باقیلابیلیر . بونشیده ده هیچ بر مخاطب و ممدوح یوقدر . قیش

موسمنك صوغوق كونلرنده هر كس كندى كوشه سنه چكىلير كن ، شاعر  
كلزار تارماره كيتمش . تصادف ايتديكى بر بزم عشرته اوكا متواليا  
شراب اچيرمشلر .

ارواح قدس بزمى ايمش آنى بيلمدم  
بن مست بخود اولدم اولار قالدی هوشيار [۱]

شاعر كندينه كلد كدن صو كرا خماردن شكایت ايتمه باشلارسه ده ،  
دوران اوكا بو حالدن تنصح ايتمه سنى توصيه ايدر . بو منظومه ي فصولينك  
اولديغى اچون قيد ايتدك .

مُتائيم ي رستم پاشايه اولان قصيده تعقيب ايدىيور . بونده شاعرك  
شخص و حاله عائد يالگيز بر بيت واردر :

نوله كردار شفای كرمكدن يتسه  
بو فصولى<sup>۲</sup> دل افكار يكه هم بر مرهم

رستم پاشايه اولان قصيده دن صو كرا ديوانه درج ايدلش فقط  
داها اول سلطان ابراهيم نامنه يازلش اولان ،

بحمد الله والمنه كه توفيقات ربانى  
يتوردى منزل مقصوده ابراهيم سلطانى

مطالعلى قصيده كليور . بواثر تنظيم اولونور كن بغداد و حواليسى صفويلرك  
اداره سنده بولونويوردى . و ابراهيم سلطان ، شاه طهماسبك عراق قوماندانى  
ايدى . الده قصيده ، اميد جائزه ايله قاپي قاپي دولاشان شاعر ، تبشير و انذاره  
قادر ، متعصب بر شيعى ي ممنون ايتك اچون نه سويلك لازم ايسه اهل  
ايتيور . بونى تعقيب ايدن قصيده ينه سلطان ابراهيمه در .

[۱] ۲۸ نجى صحيفه ده كى حاشيه يه مراجعت .



چغتای لهجه سیله برتذکره شعرا یازمش اولان صادقی فضولیدن  
بحث ایدرکن ،

... ابراهیم خان معیتنده بغداده کیدوب خان مرحوم سلطان سلیمان  
خواندکاردن [۱] هزیمت قیلوب عراقه کلدیکنده مولانای مشارالیه حلهده  
متوطن اولورلر ... [۲]

دیور . کوپرولو زاده فؤاد بک بوندن بحث ایدرکن ، صادقینک اصلا  
ذکر ایتدیکی کربلای ده قاریشدی رارق دیورکه :

... ینه او قصیده ده (مشهد) دن کلدیکی وقویو برشیعی اولدینی استنباط  
ایدیله بیلن بوذات ، ( شاه طهماس ) ک ایلاک سنه لرنده بغدادده صفویلر نامنه  
اجرای حکومت ایدن ( موصلو ) آدلی کورد قبیله سنک رؤساسندن ( ابراهیم  
خان موصلو ) در . فضولی بی بونک معیتنده کربلادن بغداده کلش عد ایتسهک  
بیله ، ( صادقی ) نک افاده سی ینه ناقابل ایضاح قالیور ؛ چونکه ابراهیم خان ،  
سلیمان قانونی قارشیدسندن مغلوب اولامش ، معیتله برابر ( شاه طهماس )  
نزدینه کیدرکن ، عثمانلی حکمدارینک حمایه سی آلتنده بغدادده اجرای حاکمیتی  
قوران برادر زاده سی ( ذوالفقار ) ک غدروخیانته مقتول دوشمشدر ... [۳]

سلطان ابراهیمک صورت هزیمتی بزجه موضوع بحث اولمادیغندن ،  
شاعره تعلق ایدن افاداتی تدقیق ایتمهکه اکتفا ایده جکز :

فضولی ، سلطان ابراهیم معیتنده نره دن بغداده کلدی ؟ .. مولد  
ومقامنک عراق عرب اولدیغنی ترکی وفارسی دیوانلرینک ومدت عمرنده

[۱] ۱۰۱۶ سنه هجریه سنده تبییض ایدلمش نسخه دن ، بوکله بی اوراده یازلمش اولدیغنی  
کبی نقل ایتدم .

[۲] ابراهیم خان خدمتیدا بغدادغه باروپ خان مرحوم سلطان سلیمان خواندکاردن  
هزیمت قیلوب عراقغه کلیکانده مولاناء مشارالیه حلهده متوطن بولورلر ...

[۳] کوپرولو زاده محمد فؤاد بک ، ( کلیات فضولی مقدمه سی ، صحیفه ۱۴ .

عراقدن آیرلما دیغنی تور کجه دیواننک مقدمه سنده صراحة سویلین فضولی بی  
ابراهیم خان آنجق عراق عربده بولاییردی . ابراهیم خانک مقتولیتدن  
صوکر افضولینک ده ده توطن ایتیش اولدیغنی ادعاسی ده یا کلاشدر . شاعر  
مولدی اولان بوقصبه ده الی الاخر العمر مقیم ایدی . بونک خلافتی اثبات  
ایده جک هیچ برروایت مقبوله و وثیقه تاریخیه یوقدر .

فضولینک ابراهیم خان معیتنده کربلادن کلمش اولدیغنی سویله یین  
محمد فواد بکک مأخذ و سندی اولان تذکره صادقی ده بیله کربلادن اصلا  
بحث ایدلیور . خطالی ده اولسه ده یه اشارت واردر . بونی قید ایتد-  
کدن صوکر ا ، دیوان فضولی بی مطالعه ده دوام ایده لم :

وبسی بک حضرتلری نامنه برقصیده داها . اوندن صوکر ا کلن  
قصیده ده ممدوح و مخاطب مجهول . ذاتاً اون دورت بیتدن عبارت اولدیغنی  
ایچون ، بر قسمی ضایع اولمش و یا بالالتزام طی ایدلمش راکر قسم متبا-  
قیسی عد ایدیله بیلیر .

بوندن صوکر ا قلم ردیفلی ، مصطفی چلبی یه صونولمش ، اولدجه  
اوزون ، برقصیده کلیور . شاعرک خصوصیت حاله ترجمان اولاییله جک  
ابیات شو منظومه ده یوقدر . فقط قلمی بی تعقیب ایدن نشیده ده اضطرار  
شاعرک فریادلری ایشیدیلیر . بوقصیده قاضی عسکر قادر ملی یه ویرلمش .  
بوقادر چلبی حسن چلبی تذکره سنده مذکور قمری افندی در که صدر  
اعظم ابراهیم پاشا ایله برابر ، فضولی بی کویا حمایه و لطف پادشاهی یه  
مظهر ایتیشلر مش .

شاعر بوقصیده سنده طبیعتک الطاف و مکارمنی توریله لی ، رمزلی



مثالره توصیف و تعداد ایتد کدن صو کرا ، نفسنه ارجاع کلام ایدهرک ،  
دیور که :

لیک غایتده تعجب قیلورم که نه ایچون  
من محرومی هومین خسته حرمان ایلر  
غیره احسانی چوق ولطفی کنیش لیک بکا  
ستمی وافر و بیدادی فراوان ایلر  
کاش بغرومی قضا صواید کوز یاشی ایچون [۱]  
چشمه تک دور میوبن چون بنی کریان ایلر  
کاش جسمیمی فلک طاش ایده بیداده دورم  
معدن لعل کبی چون جکرم قان ایلر  
یریوزنده کورور لکده کمانم دخی یوق  
بویله کم تن چورویوب کوز یاشی طغیان ایلر  
یخبر لر بیله مزاشک روانم نه ایچون  
کرچه تنبهنه دل ناله و افغان ایلر  
اهل طغیان اثر ایلیه مز کریه نوح  
کرچه هر دم اولاری واقف طوفان ایلر  
ای فلک بونه رواد که سپاه ستمک  
دل معموری یغما ایله ویران ایلر  
سرورا بنده فضولینی کمان کردون [۲]  
متصل درد و بلا اوقنه قلقان ایلر  
ایشیدوب طعنه دم سردلری هر دم کم  
شمع تک شرح غم کلبه احزان ایلر

بوندن صو کرا محمد بیک حقنده کی قصیده کلیور . اسلوبی استانبول  
لهجه سنه ، یاقینک اشعاری درجه سنده یاقین در .

[۱] بغرومی - باغرمی .

[۲] بنده فضولینی - فضولی بنده کی .

فضولی، قصیده لرنده بغدادی صیق صیق اولیا برهی ترکیبیه توصیف  
ایدر. کرک صفوی، کرک عثمانلی، بوبرجه نه قادار اکبر کلمش ایسه همان  
هپسینه برر قصیده صونمش. بز بونلری تدقیق ایدر کن یالکنز شاعرك  
ترجمه حالنه و افکار خصوصیه سینه رهبر اطلاع اولابیله جک اقسامنی  
خلاصة کوستردک.

تورکجه قصائد آراسنده،

نیست اهل دردرا جز در کھت دارالشفای  
بی دوا دردی کزین در که نمی یابد شفا

مطالع علی و قرق بیتلی فارسی بر قصیده واردر. کیمه تنظیم و تقدیم ایدلمش  
اولدیغی مصرح دکل سه دهه، بعض ابیاتندن عثمانلی و یا صفوی پادشاهلرندن  
برینک طیب مخصوصنه ویرلدیکی آ کلاشیلیور.

فارسی قصیده دن صو کرا، ینه فارسی، عاشقانه و عارفانه بر ترکیب  
بندی واردر. بونی فارسی دیوانه ادخال ایتمه مه سینه سبب، مقدمه سنده ده  
دیدیکی کبی، او مجموعه اشعارینی صرف غرامیاتی متضمن غزللرله تدوین  
واملا ایتک ایسته مه سی اولسه کرک.

دیوانک قصائد قسمی، حضرت علی ایله ائمه اثنی عشرک دیگر  
ارکانی حقنده بر مدحیه ایله قاپانیور.

قصیده لر دن صو کرا بک و باده کلیر.

\*

\*\*

بنک و باده

المده کی مطبوع نسخه نك ۸۱ نجی صحیفه سندن ۹۹ نجی صحیفه یه قادار



اولان قسمنى بىك وبادە املا ايدر . بواوزون منظومەنىك ابياتىندە ويا  
اساسىندە رمز و تصوف آرامق عبىدر .

ھىجرىتىك ۹۲۰ سەنەسىندە (مىلادى ۱۵۱۴) شاھ اسماعىل صفوينىك ئىخت  
وتاچى تەلىككە يەقويان ھالدا رايە ھەزىمەتى اوزمانە قادارنشوۋ غلبات ايلە بدمست  
اقبال اولان مغلوب مغرورى سىر سىملىشىدىرەك ، يأسىك صوك دركە سەنە  
دوشورمشدى . واقعا بالذات تاسىس وبىشىنچى جەدى صفى الدينىك اسمەنە ارجاع  
واضافە ايلە تقدىس ايتىش اولدىغى دولت صفويە بوسبوتون منقرض اولمادى ؛  
تاچى حالا باشىندە دورويوردى . فقط پىك سەودىكى حرمى تاھىلى ھانم  
سليم اولك يدا سارتىنە دوشەرك ، مقربىن پادشاھىدىن تاچى زادە جەھىز جەھىز يە  
نىكاح ايلە تزويج ايدىلمىشىدى . تاچى زادە لىقىيە تاھىلى اسمى آراسىندە بىر  
مناسبت بولدىغى اچچون ، شاعر پادشاھىك ، فقط اوتار ئىخدا پىك سەودىكى نشا .  
ئىچىسىنى بوسورتە تەلپىف ايتىك خاطر يەنە كىلىش اولابىلىر . اسماعىل صفوينىك  
حرىمىلە برابر ، فوق العادە مزىن تىختى دە سىليم اولك دست اغتنامە كچەرك ،  
استانبول دەكى طوپقىوسرا يەنە نقل ايدىلى . شاھ ، ذاتىنە عائدا اولان بوشىلردىن  
باشقە ، تاسىس ايتىدىكى دولتىك حدود غەربىيە سەنە الحاق ايتىش اولدىغى بىرقاچ  
كوزل ولايتى دە اوبادەدە ابدىيا غائب ايتىشىدى . طالعك وتارىخىك شىمارىق  
بىرچو جوغى اولان ھالدا رايە مغلۇبى بوقادار فلاكتىدن صوكرا ، اولكى .  
وعلى العادە انسانلر - كې ياشايامازدى . اضطراباتىنە ، يعنى حياتىنە يا آنى ،  
يا تدرىجى صورتە ختام وىرە جىك بىر زەھرە محتاج اولدىغى حس ايتىدى .  
ايكنجىسىنى مشربنە داھا موافق بولمىشىدى . بادەنىك زەھر مسكرىلە اتلاف  
نفسە قرار وىردى . تىختىدە اوطوردىغى جىشىدىك دىراى قاتلى ، چالدران دە

بوزولديغى كوندن ، ئولومك خطوه ئىزىنى ايشىتىدىكى دىققەتلىرى قانداق ئالدىن  
دوشمىدى . و صوك اون سەنە بىر سورتلىك كچىدى . وفاتىدە اوتوز سكر  
ياشنىدى .

فضولى بىك ربابەنى بىر خوش پادشاهه خوش كورونمك واوونى  
اكاندىرمك ايچون وجوده كىتىردى . شو بىتلىك اتخاف ايدر :

باشد اين مدح شاه اسماعيل

ساقيا صبحدمدر ايله شتاب  
دوره كلسون چومهر جام شراب  
اضطراب ايچره ام خنارم وار [۱]  
بادە يە خىلى انتظارم وار  
غالب اولمش بىكا مهابت بىك  
وهم ايدوب ايلرم هرايشده درىك  
جام مى صون كه تادلىرانه [۲]  
مدح ايدم پادشاه دورانه [۳]  
اول صفا بخش جام جهم كه مدام  
تخت غىرىنه در چوباده حرام  
اولكه باشلر زمانده بزم فراغ [۴]  
پادشاهلر باشندن ايلر اياغ [۵]  
جام فيضن ايچن مسيحيانك  
فيض روح القدس تاپربى شك [۶]

- [۱] ايچره ام - ايچىندەيم .  
[۲] معلومدر كه اسرار ، وهم و تردد ، شراب ايسه جرات تشبث و يرر . شاعر او ايكى  
زهر مسكر ك تاثيراتنى شو ايكى بىتندە ، تصريح ايتىمىسزىن ، ائما سورتيله افهام ايدىيور .  
[۳] مدح ايدم - پادشاه دورانى مدح ايدەم ، مدح ايدەيم .  
[۴] باشلر زمانده - باشلادىغى زمانده .  
[۵] شاه اسماعيلك شراب قدحى پادشاهلر ك باشى ايمش .  
[۶] تاپمق - بولمق . شكل شايى ( طامق ) در .



می کی خلقه فیضی نشئه رسان  
 نشئه تک حکمی ایل باشنده روان  
 دوری بر بزمدر بهشت آیین  
 جام زرین صراحی هم زرین  
 بوصراحیدن اولین خوشحال  
 درد نسبت مدام اوله پامال [۱]  
 مجلس افروز بزمگاه خلیل  
 جم ایام شاه اسمعیل  
 آندن آسوده در غنی و کدا  
 خلدالله ملکه ایدا

راقی ایله اسرار آراسنده اوزون و مزعج بر محاوره و مجادله تصویر  
 ایتدکن صو کرا، زهر مایعک سم دیکره رجحانی تأیید ایله بحثه ختام  
 و بریور. هم ایام ک شو اثری نه یولده تلقی و شاعرنا کامه نصل مقابله  
 و معامله ایتدیکی معلوم دکل در. محقق اولان برشی وارسه، مجلس افروز  
 بزمگاه خلیل دیدیکی شاه اسماعیلک، وفاتندن اون سنه صو کرا بغدادده کی  
 تختی ده وریلیر کن، بواسطه محاللی فضولینک،

کرچه برقاپ کون فلک خیل بلا تعیین ایدوب  
 قلمغ ایستردی بوملکک رخت عیشتن تارمار  
 کفر مستولی اولوب قیلمشدی اسلامی زبون  
 جهل استیلا بولوب ایتمشدی علم اهلینی خوار

کی بیتلرله آلقیشلامش اولماسی در. یوقاریده ده دیمشدک که صفویلرک  
 حکومتی کفر مستولی صورتنده کوروب کوسترن شاعر، شیعی المذهب  
 عد ایدیله بیلیرمی؟ ..

[۱] بومصراعک ایلک کلمه سی اولان (درد) دالک ضمیمه، فارسی، طورطو معناسنه

فضولينك نك وباده يي ايسسته ميه رك يازمش ويازدیغنه بالاخره  
ندامت ایتیش بولوندیغنی ذیلنده کی شوآلتی بیت کوسترر :

طلب مغفرت زرب غفور

توبه ای کردکار عذرپذیر  
سوزلرمدن کم ایتیشم تقریر  
نطق ویردك که وصف ذاتك ایدم  
شرح کیفیت صفاتك ایدم  
نذراوصافی قیلوب عمدا  
بنك وصفنده اوله یم کویا  
الله الله بومحض عصیاندر  
غایت کفر وعین کفراندر  
چون فضولیدرر بنم لفیم  
عجب اولمز کر اولمنسه ادم  
وار امیدم که عذریم اوله قبول  
اولیه بویله جرملر مسؤل

بنك وباده یی بر زمان یازمش اولمقدن متولد عذاب وجدانی یی  
آچیقدن آچیغنه کوسترن شوآلتی بیت ، هیچ شبهه یوقدر که ، بالاخره  
واوعذابك تقاضاسیله کتابه علاوه ایدلمشدر . فضولی شاه اسماعیلدن  
اوتوز اوچ سنه صوگرا وفات ایتدی . بنك وباده شاعرك بالنسبه اوائل  
عمرنده یازلمشدر . فضولينك قلمندن زیاده لقبنه یاقیشان بواثر ، کشکه  
دیگر بعض آثار کی ، بوسبوتون محو و گمنام اولسه یدی ده اخلافه بریتی  
انتقال ایتسه یدی !.. سرخوش برپادشاهی اکلندیرمك اضطراری بلکه



بوتون مدت حیاتند، تک بر قدح شراب و بر نفس اسرار ایچمه مش اولان  
بویوک بر شاعره بش یوزه یاقین بیت و هذیان یازدیر مش .

\*  
\* \*

نک و باده نک صانکه عیب و قصورینی ستر ایتک و عفو ایتدیر مک  
ایچون ، او ابیات مزعجه بی نشانجی محمد پاشایه عراقدن کوندردیکی منظوم  
و منشور شکایتنامه تعقیب ایدیور . کلیات اشعاری آراسنه بونی احتمال که  
شاعر ادخال ایتشدیر . شکایتنامه نک ادبیات قدیمه مزده و امثالی آراسنده  
بی نظیر بر شهرکار بدایع اولدیغنی یوقاریده ده سویله مشدک . فضولینک  
دیگر بعض آثار کی ، شکایتنامه ده ضایع اولسهیدی ، لسانمز ، اک کوزل  
اثرلرندن برینی داها غائب ایتمش اولوردی . ایسته ربالذات شاعر ، ایسته ر  
دیگر بر قدر شناس اولسون ، شو اثری کیم دیوانه ادخال ایله ضیاعدن  
محفوظیتنی تأمین ایتمش ایسه بویوک بر خیر و همتده بولونمشدر .

شکایتنامه نک بعض اقسامنی ، فضولینک ترجمه حالی تحریر ایدر کن  
موضوع بحث ایتشدک . کرك استانبولك تمثیلات تالیه سنده ، کرك  
محوه ادبیات ده کی صورتلر تفهیمی اشکال ایدر جک خطالره مالی در .  
مصرک قورشون و استانبولك طاش باصهارلیله اولان نسخهلر ، اک صحیح  
صورتلری احتوا ایدیور . ادبیات مراقیلری بونلرله مقابله و تصحیح  
ایده بیلیرلر .

\*  
\* \*

شکایتنامه دن صو کرا کلن غزلیات ایله ترجیع بند و امثالی منظومه لری  
تحلیل ایله اطناب کلام ایتکه لزوم یوقدر . بونلری هر کس بیلیر .

واچلارنده شاعرك ترجمه حالنه متعلق معلومات و اشاراته ده تصادف ايتدم .  
فقط ليلى و مجنونه ي براز تفصيل ايله ايتماح ايتك ايترم .

\*  
\* \*

## ليلى و مجنون

فضولينك پايدار اثرلى ديوانيله *هريفة السعدا* سى و ليلى و مجنونه ناميله ، عرب و عجم شاعرلرينده منظوم داستانلر يازديرمش اولان ماجراى عشقك ، بركرده كندى قلميله ، نظماً وجوده كتيرلش اولان حكايه سى در . فضولى بي توركه چوق كوره رك ، ديكر عرقلره مال ايتك ايسته ينلر ، بو اترك قيمتى ويا شاعرك موفقيتندن متولد شرفى تقليل ايچون ، نظاميدن عينا منقول و مترجم اولديغنى ، فقط دليلسز ، ادعا ايدرلر . نظامينك ليلى و مجنونه نامنده كى ، حتماً فضولينك كندن بويوك ، اثرنى تورك شاعرى كورمشدر . ايلريده تدقيق ايده جكمز سبب نظم كتاب نده ، بويله بر اثر تنظيم ايتمه نك مشكلاتى آكلاديركن ، نظامينك اسمنى تصريح و اوچ بيتنى نقل ايتمش اولديغنى بزده كوره جكز . فضولى ليلى و مجنونه اثرنى نظاميدن نه نقل و ترجمه ايتمش ، نه اقتباس . ترتيب و قايعدن باشقه آرالرنده هيچ بر علاقه و مناسبت يوقدر [۱] . متن اثرى ايتماح و تحليل ايتمه دن بونقطه يي اثبات ايتك ايسته رم . تا كه قلا سيق ادبيا تمزك اك بديع و بي نظير آبد سى بزده اورده ي قاروسه كورونمه سين .

[۱] ادبيات ايرانيه ده تتبع و اختصاص صاحبي اولان غلطه سراى ليدسه سى فارسى معلمى على نهاد بك ترتيب و قايعده نظاميدن زياده ( هاتفى ) يه اتباع ايتمش اولديغنى سويليور . فضولينك اثرنى هپسنه ترجيح ايديور .



ایلی و مجنوبه ی او قویانلر، عمومیتله تصدیق ایدر که ال مؤثر اقسامندن  
بری مجنونک جیلانله حسب حالیدر. عیناً نقل ایدیورم :

بو مجنونک غزال ایله ملاقاتیدر  
وعشق بابنده آنوکه اولان حالاتیدر  
لوردی که بر آوجی دام قورمش  
دامینه غزاللر یوز اورمش  
بر آهواسیر دامی اولمش  
قان یاشی قره کوزینه طولمش  
بوینو بوریلو ایاغی باغلو  
شهلا کوزی نملو جانی داغلو  
احوالنه رحم قیلدی مجنون  
باقدی آکا دوکدی اشک کلکون  
کوکلینه قتی کلوب بوبیداد  
یومشق یومشق دیدی که صیاد  
رحم ایله بومشکبو غزاله  
رحم ایتمزی کشی بو حاله  
صیاد بونا توانه قیمه  
قیل جانکه رحم جانه قیمه  
صیاد صقن جفا یماندر  
بیلمز سنمی که قانه قاندر [۱]  
صیاد بکا باغشله قان  
یاندرمه جفا اودینه جان  
صیاد دیدی بودر معاشم  
آچن ایاغن کیدرسه باشم [۲]

[۱] بیلمز می سک که .

[۲] ۲۰ نجی صحیفه نک ۲ نجی حاشیه سنه مراجعت .

قتلنده بوصیدك ایتسم اھمال  
 اطفال و عیالہ نولور حال  
 مجنون آکا ویردی جملہ رختن  
 پاك ایلدی برکدن درختن  
 اول طرفہ غزالاك آچدی بندن [۱]  
 شاد ایلدی جان دردمندن  
 یوز اوردی یوزینہ قیلدی افغان  
 کوز سوردی کوزینہ اولدن کریان  
 کای بادیہ کرد و بادناورد  
 نازك بدنیله ناز پرورد  
 سن زینت هرکل زمین سن [۲]  
 کل کیبی لطیف و نازنین سن  
 ای سبزہ جویبار وحشت  
 رعنا سمن بهار وحشت  
 تنها قوینہ من زبونی  
 اوغل بکا دشت رهنمونی  
 کز برنجہ کون بنملہ همراه  
 انسان دیوب ایتہ بندن اکراه  
 یاشم کی کیتہ چشم تر دن  
 کسمه ایاغك بورهکزدن  
 سرچشمه چشم ایلہ منزل  
 سرمه نلزدن اولہ غافل  
 اولسون بیکم قرار کاهك  
 اشك و مژہ آبلہ کياھك  
 ای چشم نکار یادکاری  
 سہل ایلہ بکا غم نکاری

[۱] بندن — بندینی .

[۲] بورادہ ( کل ) کاف فارسینک کسریلہ فارسیده ( چامور ) معناسنه در .



قیلقدده خیال چشم لیلی  
 سن ویر من خسته یه تسلی  
 چون اول بشریتن اونوتدی  
 آهو هم آنکله انس طوتدی  
 آنک سببیه هم چوق آهو  
 صحرا ده آنکله طوتدیلر خو

شیمدی ده نظامینک همسه سنده کی لینی مجنونه ده بوبخته عائد اولان  
 پیتلری ینه عیناً شو صحیفه لره نقل ایدیورم :

صحرا کرفتن مجنون و دیدن آهوان و خلاص کردن ازبند صیاد

میرفت سرشک ریزورنجور  
 انداخته دید دامی ازدور  
 دردام فتاده آهوئی چند  
 محکم شده دست و پای دربند  
 صیاد بدان طمع که خیزد  
 خون ازتن آهوان بریزد  
 مجنون بشفاعت اسیرا راند  
 صیاد سواردید و درماند  
 گفتا که برسم دوستداری  
 مهمان توأم بد آنچه داری  
 دام ازسر آهوان جدا کن  
 این یک دورمیده رها کن  
 بجان چه کنی رمیده را  
 جانست هر آفریده را  
 چشمی و سیرینی اینچنین خوب  
 برهر دو نوشته غیرمغضوب  
 دل چون دهدت که برستیزی  
 خون دوسه بی کنه بریزی

آنکس که نه آدمی است کرکست  
 آهو کشی آهوئی بزرگست [۱]  
 چشمش که بچشم یار ماند  
 بویش که به نوبهار ماند  
 بگذار بحق چشم یارش  
 بنواز بباد نوبهارش  
 کردن مزانش که بیوفانیست  
 در کردن او رسن روانیست  
 آن کردن طوق بند آزاد  
 افسوس بود بتیغ پولاد  
 و آن چشم سیاه سرمه سوده  
 در خاک خطا بود غنوده  
 و آن سینه که رشک سیم ناب است  
 بی درخور آتش و کباب است  
 و آن نافه که مشک ناب دارد  
 خون ریختنش چو آب دارد  
 و آن ساده سرین ناز برورد  
 دانی که بزخم نیست در خورد  
 و آن پای لطیف خیزرانی  
 در خوردش کنگه نیست دانی  
 و آن پشت که بار کس نسجد  
 بر روی زمین زنی برنجد  
 صیاد بر آن نشید کوخواند [۲]  
 انکشت گرفت در دهان ماند  
 کفتا سخن تو کردمی گوش  
 کر فقر نبودمی هم آغوش

[۱] ( آهو ) نك بر معنای ده ( عیب و قصور ) در .

[۲] راغب پاشا کتبخانه سنده کی یازما نسخه ده :  
 صیاد بدین صفت که او خواند .



نخبیر دو ماهه قیدم این است  
 يك خانه عیال و صیدم این است  
 صیاد بدین نیاز مندی  
 آزادی صید چون پسندی  
 کر بر سر صید سایه داری  
 جان باز خرش که مایه داری  
 مجنون بجواب آن تهی دست  
 از مرکب خویشتن فرو جست [۱]  
 آهوتك خویش را بدوداد  
 تا کردن آهوان شد آزاد  
 او ماندویکی دو آهوی خرد  
 صیاد برفت و بارکی برد  
 میداد زد دوستی نه ز افسوس  
 بر چشم سیاه آهوان بوس  
 کین چشم اگر نه چشم یار است  
 زان چشم سیاه یاد کار است  
 بسیار بر آهوان دعا کرد  
 وانگاه زد امشان رها کرد

نظامینك شواوتوز بر بیتنی حرفیاً ترجمه ایدیورم .

مجنونك صحرا یولنی طوتماسی و آهولری کوره رك ،  
 صیادك بندندن قورتارماسی

مجنون کوزیاشرلی دو کهرک ، خسته کیدیوردی . اوزاقدن برطوزاق قورو-  
 لش کوردی . دامه برقاچ جیلان دوشمش و آل ، آیاقلری قیدوبندایچنده ، محکم  
 باغلانمشدی . صیاد ، آهولرك قانی دوکک طمعيله قالفارکن ، مجنون شفاعت ایچون  
 آتئی سوردی . آوجی سواری یی کوردی . واولدینی یرده قالدی . مجنون دوستانه

[۱] ینه او نسخه ده :

از مرکب خود سبك برون جست

دیدي که - سنک مسافر کم . بوايتديکک فنادر . طوزاغی آهولرک باشندن آیر . بو بر ،  
ایکی اورکک حیوانی قورتار . آهویي چون جاندن جدا ایدیورسک ؟ هر مخلوقک  
جانی واردر .

بویله کوزل بر کوزله بر اویلوق : ایکیسنک ده اوزرنده مغضوب دکل ، محبوب  
اولغه لایق یازیلی . کوککک نصل قائل اولویور که عناد وجدال ایدیور وایکی اوچ  
بیکنهاک قانی آقیدیورسک . آدام اولمایان کیمسه قوردددر . آهو تولدورمک  
عیبدر . کوزی چشم یاره وقوقوسی نوبهاره بکزه نی چشم یار حقیچون براق . و باد  
نوبهار ایله او قشا . بوینی اورما که بیوفا و او کردنه ایپ روا دکلدر . اوباغلی بویون  
پولاد قلیجله آزاد اولورسه یازیق و بوسورمه لی قارا کوز طوپراقده اویورسه خطا  
اولور [۸] .

خالص کوموشه رشک آور اولان اوسینه آتسه و کباب اولغه لایق دکلدر .  
صاف مسکی حامل اولان اونا فنهک قانی صوکی دو کولورسه انسانی قان طوتار . اونا زلی  
ساده اویلوق بیلیر سین که زخمه لایق دکلدر . او هزاران آغا جندن یاپلمش کی لطیف  
اولان آیاق بیلیرسک که مستحق اشکنجه دکلدر . کیمسه نک یوکنی چکمین اوصه یرتی  
یره وورورسه ک اینجینیر . مجنونک او قودینی بونشیده اوزرینه صیادک پارماغی آغزنده  
قالدی . جواباً دیدی که اگر ففر ایله قوجا قلاشمش اولماسه یدم سوزیکی دیکلردم .  
ایکی آیلق صید ایله طوتدیغم بودر . بر خانه عیالم وار . شکارم ایسه بو .

آوجینک آوینی بویالوار مالرله صالیو یرمه سنی نصل مناسب کوررسک ؟ شکاری  
همایه ایتک ایستیورسه ک سرمایه ک واردر ، حیاتی صاتین آل . مجنون او برپاراسز  
حریفک بو جوابی اوزرینه بیندیکی حیواندن یره صیچرادی . آهولر آزاد ایدمک  
ایچون جیلان قوشوشلو آتنی اوکا ویردی . مجنون ایله برایکی یاورو جیلان قالدی .  
آوجی کیتدی . و بارگیری برابر کوتوردی . مجنون آهولرک سیاه کوزلرینی تأسفله  
دکل ، محبتله اویوردی . بو کوز ، چشم یار اولماسه بیله ، او چشم سیاهدن یادکاردر .  
جیلانلره بر چوق دعا ایدرک اونلری دوشدکاری طوزاقدن قورتاردی .

[۱] لغت کتابلری (سرمه) بی فارسی و و اوسز قید ایدرلر . معناسنه نظراً تورکجه (سوومک)  
مصدرندن اسم اولمالی در . بناءً علیه تورکجه یازینیرکن فارسی املاسی محافظه فضله و لزوم سز  
تعصب اولور .



ایشته ایکیسینی ده کوردک . برینک دیکرندن ترجمه ویا اقتباس  
ایدلدیکنه دلالت ایدن تک بر مصراع یوق . حتی فضولی وقعه نك صورت  
جریاننی حکایه ایدر کن بیله نظامی یه تماماً اتباع ایتمه مش ؛ مجنونك جیلانه  
سویلدیکی سوزلر فضولینك اثر اختراعیدر . نظامینك ،

این چشم اگر نه چشم یار است  
زان چشم سیاه یادگار است

بیتیله فضولینك ،

ای چشم نیکار یادکاری  
سهل ایله بکا غم نیکاری

بیتی آراسنده بیله حس و تصورجه درین فرق وار . هله ،

کز بر نیجه کون بنمله همراه  
انسان دیوب ایتمه بندن اکراه

بیتی **فحس نظامی نك** مجموعنه معادل قیمتده در .

نظامینك بویوك بر شاعر اولدیننی انکار ایتیمورم . فضولینك داها  
حساس و مضمونلره تصرفده داها قادر اولدیننی سویله مک و کوسترمک ،  
اوته کینك قدرت شاعریتنی انکار ایتمک دکلدیر . عین موضوعه متعلق ،  
بری فارسی ، دیکری تورکجه یازلمش اولان شوایی اثرک هانکی مبحثی  
وصحیفه سی قارشیلانمیشدیر لسه آراده کی فرق تظاهر ایدر . و بوفرقت فضولینك  
لهنه در .

فضولی لیلی و مجنونه افسانه سنی ایسته میهرک نظم ایتدیکنی اثرینك  
مقدماتنده سویلیور . بوکا دائر اولان فصلک عنواننی بوسبب نظم کتابدر  
وباعت ارتطاب عذابدر شکلنده اختیار و تحریر ایتمش . بر کریزگاه ایله اوفصله  
باشلیور .

اسکی شاعر لرله مقلدلری ، اکثر یا مخیل بر وقعه یی کریز گاه اتخاذا  
ایده رک ، اونی تصویر ایتد کدن صو کره صددده انتقال ایدر لر . فضولی ده  
بو بخته شویله ابتدا ایدیور :

ساقی طوت الیم که خسته حالم  
غم ره کذرنده پایمالم  
سنسین من مبتلایه غمخوار  
سندن اوز که دخی کم وار  
مشکل ایشه دوشمشم مدد قیل  
می حرزی ایله بلایم رد قیل  
حل ایلیه کور بو مشکلاتی  
کم ایتمه قولکدن التفاتی  
بر کون که می سهیل تاثیر  
ویرمشدی مزاج پاکه تغینیر  
همرنک بهار اولوب خزانم  
دو نمشدی عقیقه زعفرانم  
جمع ایدی یاء - ه اتفاق  
ساز و مزه و شراب و ساقی  
پیوسته لبالب و پیایی  
نوش ایلر ایدم قدح قدح می  
ذوق اوزره می آر تورردی ذوقم  
شوق اوزره زیاد اولوردی شوقم  
اول بزم ایدی عافیت بهاری  
بن بلبل زار و بیقراری  
بر حده ایرشدی نشئه جام  
کیم قالمدی اهل بزمه آرام  
اسرار دل اولدی آشکارا  
مسدود اولوب دم مدارا



اولمشدی رفیق و همزبانم  
 آییننه طوطی روانم  
 بر نیجه ظریف خطه روم  
 رومی که ديدك قضیه معلوم [۱]  
 یعنی که قو دقایق اهلی  
 هر مسئله ده حقایق اهلی  
 هم علم فننده نکته دانلر  
 هم سوز روشننده درفشانلر  
 کم ایلر ایدی حقایق راز [۲]  
 شیخیدن واحمدیدن آغاز  
 کم سویلر ایدی اولوب کلامی  
 و صاف جلیلی و نظامی  
 بیله شلر ایدی که حسن گفتار  
 قدرم قدر نیجه بنده هم وار  
 چون وار ایدی مستلکده لاف  
 تا آکنه صدقم و خلاقم  
 بن خسته یی ایتدیلر نشانه  
 بررنکله تیر استحانه  
 لطف ایله دیدیلر ای سخن سنج  
 فاش ایله جهاننه برنهان کنج  
 لیلی مجنون عجمده چوقدر  
 اترا کده اول فسانه یوقدر

[۱] یوقاریده دیمشدک که غرب تورکلرینه دیکر تورکلر (روم تورکی) و (رومی) اطلاق ایدرلر: جلال الدین رومی، اشرف رومی کبی. فضولی عثمانلی شاعرلرک و بالخاصه استانبوللورک مظهر اولدیغی ناز و نعیمه بحق غبطه و اونلرک مواجهه رفاه و حضورنده کندی متروکیت و حرمانندن متولد مرارتلری داها چوق حس ایتمشدر. بوشاعرلرک بر قسمی اثرلریله، خیالی بک کبی اوزمانک اک بویوک شاعری عدایلن بعض ذواتی ایسه شخصاً طانیش و - مورخ عالینک دیدیکی کبی - الفت و صحبت و نیجه کونلر معاشرت قلمشدر.

[۲] بوراده کی (کم) لر (کیمی) و (کیمیسی) معناسنه ویا بونلردن مخفدر.

تقریرہ کتور بوداستانی  
 قیل تازہ بواسکی بوستانی  
 بیلدم بوقضیه امتحاندر  
 زیرا کہ بو بر بلای جاندر  
 سوداسی دراز و بحری کوتاہ  
 مضمونی فغان و نالہ و آہ  
 بر بزم مصیبت و بلادر  
 کم اولی غم صوکی فنادر  
 نہ بادہ سنہ نشاطدن رنگ  
 نہ نغمہ سنہ فر حدن آہنک  
 ادراکی ویرر خیالہ آزار  
 افکاری ایدر ملالی افکار [۱]  
 اولسیدی توجہی مناسب  
 توجیہنہ چوق اولوردی راغب  
 اولسیدی تصرفندہ راحت  
 چوق کامل آ کا قیلوردی رغبت  
 باللہ کہ نہ خوش دیمش نظامی  
 بوبابدہ ختم ایدوب کلامی  
 اسباب سخن نشاط و ناز است  
 زین ہر دو سخن بہانہ ساز است  
 میدان سخن فراخ باید  
 تا طبع دراو ہنر نماید  
 در کرمی ریک و سختی کوه  
 تا چند سخن رود بانبوه [۲]

[۱] ایکنجی (افکار) کاف فارسی ایلہ و فارسی در . بورادہ (افکار ایدر) یارالار

دیمک .

[۲] بو اوچ فارسی بیتک ترجمہ سی :

سوزک سبیلری نشاط ورفا ہدر . سوز بوا یکسیلہ حصول پذیر اولور . سوز میدانی واسع اولمالیدر کہ طبیعت اورادہ ہنر کوسترسین . قومک صیجاقلنی ایلہ طاغک قاتیلغی آراسندہ سوز نہ وقتہ قاداو غصہ و ملال ایلہ کیتسین .



برایش که قیلور شکایت استاد  
 شا کرده اولور رجوعی بیداد  
 کرچه بیلورم بو برستمدر  
 تکلیفی بونک غم اوزره غمدر  
 اما نیجه ایتک اولور اکره  
 بر واقعه در که دوشدی ناگاه  
 یکدرینه عذر دن شروعم  
 بوایشده توکله رجوعم  
 ای طبع لطیف و عقل والا  
 ادراک بلند و نطق کویا  
 دوشدی سفرم دیار درده  
 کمدر بکایار بوسفرده  
 هر کمد که وارد استطاعت  
 درد و غم و محنت و قناعت  
 اولدر بومسافر تده یارم [۱]  
 ذوق اهلنه یوقدر اعتبارم [۲]  
 مرکب کرک اولسه عزم راهه  
 بسدر بزه خامه و سیاهه [۳]  
 ورتوشه راه اولور سه مطلوب  
 مضمون خوش و عبارت خوب  
 عزم ایلنه لم تعلل ایتک  
 منزل کسه لم تغافل ایتک [۴]  
 ای بخت و فاسز اولما سن هم  
 همرا هلق ایت بزمله بر دم

\*  
\* \*

- [۱] بوراده کی مسافرت (سیر و سفر) معناسنه در .  
 [۲] بوراده کی (ذوق) دن (سعادت و رفاه) مدلولی مراد ایدلمشدر .  
 [۳] (سیاهه) انسانک یکون سپاهیلمغیدر که انواب و ائقال و کتب و سائر اشیا و اسبابک  
 تفصیلندن عبارتدر . (برهان قاطع)  
 [۴] بو بیتده ردیف اولان (ایتک) ، صغیر کافله ، (ایتمه ییک) دن مخففدر .

انكلیز لرك رومئو وولیت Roméo et Juliette ی نه ایسه بزمده  
لیلی و مجنونه مز اودر . فضولی ، لیلی و مجنونه ی تألیف ایتدیکی زمان ، نه  
رومئو وولیت یازلمش ، حتی نه مؤلفی شکسپیر دنیایه کلمشدی .

رومئو وولیت ایله لیلی و مجنونه ک موضوعلری آره سنده هیچ بر  
مشابهت و قرابت یوقدر . یالکز ، بر راجنبی ماصالی اولق صورتیه ،  
یکدیگره بکزر . رومئو وولیت ایتالیایه عائد بر افسانه در . انکلیز شاعری  
شکسپیر دن اوچ عصر اول ، ایتالیان شاعر اکبری دانتی آلیگری بوندن  
بحث ایتش و دیگر ایتالیان و انکلیز شاعر لر او افسانه دن منظومه لر ترتیب  
ایلمشلردی . اک کوزانی شکسپیر بر تیاترو شککنده وجوده کتیردی .  
بو کون هیچ کیمسه انکلیز شاعر اعظمنک بدیعہ سنی بر اثر ترجمه و یا اقتباس  
عدایده مز . رومئو وولیت دینیلنجه خاطره اک اول کلن شکسپیر در .  
حتی او معظم دانتی بیله بو خصوصده ذهنه تبادر ایتمز .

فضولی لیلی و مجنونه ی عشق آتشی و نشوئه تصوفله یازدی . سراپا  
عشق و تصوف . مقدمه منشورده سی شودر : [۱]

الهی لیلی سر حقیقت سرا پرده و حدتدن اقتضای ظهور ایدوب تجلی جمالیه  
فضای صورتی مزین ایتد کده و مجنون روحی سر کشته بادیه غفلت ایکن اول  
شعشعه جمالی کوروب عنان اختیاری الدن کتد کده اگر علاقه آباء علوی و رابطه  
امهات سفلی اول لذت جانفزایه و مسرت دلکشایه واقف اولمیوب فریب مواعظ  
کونه و حیلئه نصایح نمونه ایله محرک سلسله انقطاع پیوند وصال و مدبر وسیله

[۱] کرك استانبولده ، كرك تبریزده طبع ایدلمش اولان نسخه لره بومقدمه ، تفهیمی اشکال  
و عاداتا محال درجه سنه ایصال ایده جك قادار خطیآت ایله مالی ، درج ایدلمش . باصا و یازما ،  
متعدد نسخه لری مقابله ایله او مقدمه بی تصحیح ایتدك . اصلنه نه قادار مطابق اولدیغنی  
بیلمیورم ؛ فقط موجود نسخه لرك اك صحیحی بو اولدیغنی ظن ایدرم .



انفصال عقد اتصال اولمق ایتسه لر توقع اولدر که نه اول لیلی عالم آرایه بو تقدیر رفع  
حجاب جسمانیده موجب تأخیر اوله ونه اول مجنون جهان پیمایه بوتزویر نفی تصورات  
نفسانیده باعث تقصیر اوله . واکر بهانه فسانه ایله عشق حقیقی وحسن ازلیدن  
فضای بلاغت پیشه وبلغای فصاحت اندیشه جواهر اسراری رشته اظهاره چکوب  
و ثمره اغماضی شجره عبارتده کوستروب نقاب خفا وحجاب عنا رفع ایتک استسه لر  
ترقب اولور که حسن مساعدت سبحانی ولطف معاونت ربانی ایله حصول مرتبه  
وصوله وحضور درجه ظهوره متمد [۱] اولوب لیلی تخیلات خاصلرینه و مجنون  
حسن اخلاص لرینه اهانت تشنیع سفه دادن وذلت اعتراض بله دادن اطلاق تعرض لر  
اشعاره و تصور معایب لری گفتاره مثابه طعن بیهوده لیلی و منزله منع بی فائده  
مجنوندر ممتنع التأثير اوله . واکر بوفقیق مستهام فضولی بی سروانجام غایت قلت  
بضاعت ونهایت نقص امتعه فصاحت ایله استدعای اندراج سملک ارباب حقایق  
و تمنا ی انحراط سلسله اصحاب دقایق ایدوب خزانه حسن لیلی تسخیرینه و خرابه  
عشق مجنون تعمیرینه عازم اوله ترصد اولدر که اول طرار خامه ونقش نامه احسن  
وجهله میسر اولوب حکایت لیلی کبی عالمگیر ومحت مجنون کبی بقا پذیر اوله .  
اسکی ادبیاتمزی تدقیق وتبع خصوصنده کنج لر مرکز قسم اعظمی ،  
استقبالدن سلب امید ایده جک درجه ده ، اهل کوستریور . بویه  
کیدرسه لسانمزمک انافس قدیمه سنی اقوام منقرضه نك آثاری کبی ،  
بعض اصحاب اختصاصدن باشقه کیمسه آکلایامیاجق . مقدمه لیلی  
ومجنونی بو کونکو لهجه یه ممکن اولدینی قادار تحویل ، داها دوغروسی  
هر کسجه تفهمی قابل شکه افراغ ایتک جرئی بکا اواندیشه دن کلدی .  
شو برقاج سطری ، مؤلفک قلمندن چیقدیغی کبی ، پر حیات وحرارت  
نقل ایتکه امکان یوقدر . فقط معناسنه ده اابی اطلاع حاصل اولورسه  
کوزللیکی دها زیاده مشهود ومحسوس اولور ظن ایدرم :

الهی ، سر حقیقتک لیلای ، وحدتک حرم پرده سندن ظهور ایتک اقتضا



ایدوب، تجلی جلاله فضای صورتی تزیین ایتد کده ؛ و مجنونک روحی غفلت صحرا-  
سندده نه یا پاچغنی بیلمز کن ، او شـعـشـعـه جـالی کـوروب ، عنان اختیاری آندن  
کیتد کده ، علوی بابالرك علاقه سیله ، سفلی آنالرك رابطه سی [ ۱ ] جان آرتدیران  
اولدتله ، کوکل آچان اومسرتنه واقف اولمایوب ، مواعظ شکنده اغفال و نصایح  
طرزنده احتیال ایله ، پیوند وصالک سلسله انقطاعنی تحریک و عقد اتفاق وسیله  
انفصالی تدبیر ایتک ایستسه لر اومولور که ، بوتقدیر ، نه عالمی تزیین ایدن اولیلایه  
پردۀ جسمانیته قالماسنده موجب تأخیر ، نه جهانی اولچوب دولاشان مجنونه  
نفی تصورات نفسانیده باعث تقصیر اولور . اکر بهانه افسانه ایله عشق حقیقی  
و حسن ازلیدن صنعتلری بلاغت اولان فضلا ایله ، دوشونجه لری فصاحت اولان  
بلغا جواهر اسراری رشته اظهاری چکوب ، و ثمرۀ اغماضی شجرۀ بینانده کوستروب  
خفا نقابی و محنت و مشقت پرده سنی رفع ایتک ایستسه لر امید ایله انتظار اولونور-  
که حسن مساعدت سبحانی و لطف معاونت ربانی ایله حصول مرتبۀ وصوله  
و حضور درجۀ ظهوره واصل اولوب ، لیلی تخیلاتک ارباب اختصاصنه و مجنون  
حسنک اصحاب اخلاصنه بین سزلرك اهانت تشنیعندن و احقرک ذلت تعزیزندن- که  
اطلاق تعرضلرینی بیلدیرمک و تصور معایبرینی سویلک لیلایی بهوده طعن و مجنون  
فائده سز منع ایتک کبی در - ممتنع التأثير اولور . اکر بوفقیر متحیر فضولی دربدر ،  
قدرتنک غایت قلی و امتعۀ فصاحتنک صوک درجه ده نقصانیه برابر ، ارباب  
حقایق سلکینه دخول استدعاسی و اصحاب دقایق سلسله سنه سلوک تمناسیله لیلانک  
خزینۀ حسننی تسخیره و مجنونک خرابۀ عشقنی تعمیره تشبث و عزم ایتدی سه بکله نن  
اودر که ، او اثر تنظیم خامه و نقش نامه احسن وجهه وجوده کلوب ، حکایت  
لیلی کبی عالمگیر و محنت مجنون کبی بقا پذیر اولور .

لیلانک ده ، مجنونک ده ، فضولیجه برر رمز تصوف اولدیغنی شوهر  
قاج سطر افهام ایدیور . شاعر ، لیلانک شخصنده حسن ی تجیل

[ ۱ ] حکمت قدیمیه کوره ( آباء علوی ) افلاک و ( امهات سفلی ) عناصر اربعه در .  
بونلرك نتیجه اتعادندن موالید حاصل اولدی . بوراده شاعرک مقصدی ارواح ایله اجسادک  
ترکبندن عبارت و حقایق اشیادن بیخبر ، ظواهر بین و عادات پرست کیمسه لر اولسه کرک . بونلر  
لیلی حسن ایله مجنون عشق آراسنده مناسبتک نزاهت و علوبتنی ادراک ایده میهرک ، دخل  
و طعن ایله مقدساته حرمتسزلک ایتدیلر دیمک ایستیور .



و مجنونك ذاتنده عشقوى ترتیل ایتك ایسته مش . نه عرقه آباد علویه ،  
 نه رابطه امهرات مغلیه شاعرک عشقو حقیقی و حسن ازلی یه تعلق ایدن  
 انجذاب و ایمانه خلل ویره بیلدی . لیلی و مجنونه افسانه سنی فضولی وضع  
 اصلیسندن چیقارارق ، عادت و وحدت وجود فلسفه سنك پر وجد عشق  
 برداستانی شكنه ارجاع ایتكى كندی ذوق و مشربنه دهاملايم كورمشدی .  
 ایشته بویوك تورك شاعرینك اثرینه مستثنی قیمت و امثالنده بولونمایان  
 بر ممتازیت و یرن بوتصرفیدر .

حرارت عشقك دوره غلیاننده لیلا ایله مجنونی ، کیزلی برملاقات  
 احضار ایدرك ، برلشدیریور ، وقعهی شاعرک كندی قلمندن دیکله یه لم :

چون ناقه ده کوردی نشئه حال  
 قیلدی آگاهم بیان احوال  
 کای غالیه موی و عنبرین بوی  
 کل چهره و خار خار خوشخوی [۱]  
 ای باشی آچیق ایاغی یالن  
 بولش نیجه کز حرم وصالن  
 سودازده نیشه در دماغك  
 کوکسکده نه در بواسکی داغك  
 کیمدن سکا یتدی ظلم و بیداد  
 هر لحظه نه در فغان و فریاد  
 عشاق طریقیدر طریقك  
 کر عاشق ایسك بنم رفیقك

[۱] (خارخار) بوراده غصه و اندیشه دکلدر . (دیکن) معناسنه اولان (خار) ایله  
 (قاشینمق) دیمك اولان (خاریدن) مصدرینك امر حاضرندن متشکل ، وصف ترکیبی درکه  
 دیکنله قاشینان) معناسنی تضمن ایدر .

نالان غم عشق یاردنسن  
 سن داخی بزم قطاردنسن  
 بن کبی یوق آلدن اختیارک  
 بر اوز که آلدن در مهارک  
 چون دوشدی سنکله اتفاقم  
 رحم ایله بکا کور اشتیاقم  
 لطف ایله بنای کارخیر ایت  
 مجنوم اولان دیاره سیر ایت  
 بوشیفته یی یتور اول آیه  
 بودردی یتشدر اول دوایه  
 ناکاه کیدردی اولدی بیهوش  
 مطلق اوزین ایلدی فراموش  
 بیهوشلغنده دوشدی اول نور  
 همراهی اولان گروهدن دور  
 اول نوع ایدی ظلمت شب تار  
 کم اولمادی ساربان خبردار  
 چون کلدی اوزینه اول پریوش  
 اولدی بوقضیه دن مشوش  
 کوز آچی اوزینی کوردی ایتمش [۱]  
 همراهی براقش آنی کیتمش  
 درد ایچره مضاعف اولدی درد  
 دپرتدی عنان رهنوردی  
 چوق جهد ایله ایلدی تک و پو  
 چوق یول آرایوب کزردی هرسو  
 نه راه نه راهبر بولندی  
 نه قافله دن اثر بولندی

[۱] الفاک کسره خفیفه سیله ( ایتک ) آذری لهجه سننده غائب اولمق ، ( ایتورمک )  
 ویا ( ایتیرمک ) غائب ایتک معناسیله در . استانبول لهجه سنک بولکله یه احتیاجی واردر .



تنها یورر اولدی اول سمنبر  
 ظلمتده مثال ماه انور  
 چون سیر فلکده لیلی<sup>\*</sup> ماه  
 شب قافله بی ایتوردی ناگاه  
 لیلی صفتنده کون چیقوب فرد  
 جازه یه چکدی محمل زرد  
 دوشدی کذر اول سمن عذاره  
 مجنون حزین اولان دیاره  
 هریان نکران کزردی اول ماه  
 بر شخص حزین کورندی ناگاه  
 صورماغه علامه<sup>\*</sup> منازل  
 اول شخص حزینه اولدی مائل [۱]  
 لطفیله تکلم ایتدی آغاز  
 کمسین دیو بن یتوردی آواز  
 باش قالدیروب اول اسیر محزون  
 دوندردی جواب آکا که مجنون  
 لیلی دیدی ای اوزینه مغرور  
 حاشادیه اژدها سوزین مور  
 حاشا دیه زاع بلبلیم بن  
 یالاف اوره خارکم کلم بن  
 مجنون دیدی ای دریکنه  
 مجنونه بیلیرمیسک نشانه  
 اول شیفته نک ندر نشانی  
 کوردکده نه دن بیلور سن آنی  
 لیلی دیدی اول پری لقادر  
 رخسارله قدی دلربادر

[۱] (مائل اولمق) بوراده ، اونک سمتنه توجه ایتک ، اوکا دوغرو کیتماک معناسنه قوللانیامشدر .

سن شیفته سن اسیر ماتم  
 رخساری شکسته قامتی خم  
 سن خوار سن اول عزیز عالم  
 سن بی سروپاسن اول معظم  
 مجنون ایدر اهل عشق اولور خوار  
 حسن اهلنه در صفا سزاوار  
 لیلی دیدی ای بهانه پرداز  
 قید دل زارمه فسونساز  
 پیکر طوتالم دو کولدی غمدن  
 یا قامتک اولدی خم ستمدن  
 مجنونی دیدیلر اهل ادراک  
 اشعاری لطیف ولهجه سی پاک [۸]  
 سنده قنی اول ادای دلسوز  
 اشعار و حکایت دل افروز  
 مجنون دیدی اهل حال اولور لال  
 بسدرنم اشک شاهد حال  
 ترتیب عبارت و فصاحت  
 عشق اهلنه در دلیل راحت  
 راحتدن اولان بنم کبی دور  
 کر صامت اولا دکلی معذور  
 لیلی دیدی چون سکا شکم وار  
 مجنون ایسن ایله حالک اظهار  
 لیلی سورسک ایله بنیاد  
 بر شعر و کچن زمانک ایت یاد  
 ( بو مجنونک لیلی یه افسانه کنان اظهار حال زار ایتدیکی در )  
 مجنون حزین ایشیتدی سوکند  
 کوردی آنی شعره آرزومند

[۸] مجنونک وجودی ایستر مخیل اولسون ، ایستر حقیق ، نامنه عربجه ده پاک مؤثر  
 واستادانه اشعار شایعدرکه اکثر ابیاتیه بلغا استشهاد ایدر .



تفصیل غمینہ ویردی اجمال  
 قیلدی اکا عرض صورت حال  
 کای سبزه دردمه ویرن آب  
 سر رشته تابدن آچن تاب [۱]  
 صورمه نیجه کچدی روز کارک  
 عشق ایچره نه اولدی حال زارک  
 دلدار غمینی سویلیم آه  
 پابند وطن جفای بدخواه  
 چکدم نیجه کون جفای مکتب  
 هر روز مشقت ایله تا شب  
 آخر که چوق اولدی طعن اغیار  
 آیرلدی من شکسته دن یار  
 فاش اولدی شو عالمه فسانم  
 تدبیرمه دوشدی آتام آنم  
 که دغده طیب کورددم  
 که سعی ایله کعبه یه یو کورد [۲]  
 آچیلمدی هیچ بابدن باب  
 تدبیرمه عاجز اولدی احباب  
 که نوفله ایلام تضرع  
 فیضنده بولندی توقع  
 که ابن سلامه یار اولوب یار  
 ویردی من مبتلایه آزار  
 که زید پیامنه اینادم  
 هر وعد که ویردی طوغری صاندم  
 امید ایله عمرم اولدی ضایع  
 حالم تبه ایتدی ضعف طالع

[۱] بوراده کی فارسی (تاب) ک برنجیسی (طاقت) ، ایکنجیسی (بوکلوم قیوریم) معناسنه در.

[۲] (یو کورمک) قوشمق ، شتاب ایتمک معناسنه کلیر .

القصه وجودم اولدی برباد  
بر لحظه فلکدن اولدم شاد  
کوکلینه قیلوب فراق تأثیر  
بر طرفه غزل هم ایتدی تحریر

بو غزل مجنون دیلندندر .

آه کم بر دم فلك رأیجه دوران ایتدی  
وصل درمانیله دفع درد هجران ایتدی  
یاردن بیک درد دل چکدم بوهم بر دزدکم  
بیله دی بیک درد دم بر درده درمان ایتدی  
وادیؑ غربتده جان ویردم بنی اول شاه حسین  
یرکیجه خوان وصالی اوزره مهمان ایتدی  
دوستلر چاک کریبانم کوروب عیب ایلک [۱]  
کاول کلی کم کوردیکم چاک کریبان ایتدی  
فقر ملکن طوت کر استرسک کمال سلطنت  
کم بو ملکک فتحنی فغفور و خاقان ایتدی  
تیغ بیدادیلله هر دم قائمی دوکمک ندر [۲]  
ای فلك هر کم دم اوردی عشقندن قان ایتدی  
عهدو پیمان ایتدی یارم کم سکا یارم ولی  
یارلق وقتی وفای عهد و پیمان ایتدی  
عقل میدانی زندان بلا بیلمز هنوز  
کمه بر مدت جنون ملکینی سیران ایتدی  
سر عشقن ایتدی آنجق فضولی آشکار [۳]  
بومبارک ایشی هر کم ایتدی پنهان ایتدی

( بولیلینک مجنوندن خبردار اولدیغیدر )

( و متاع وصلنه نقد جانله خریدار اولدیغیدر )

[۱] ( عیب ایلک ) بوراده ، ینه صاغیر کافله ، ( تعیب ایتیک ) .

[۲] ( تیغ بیدادیلله ) شیمدی اولسه یدی ( تیغ بیداد ایلله ) یازیلیردی .

[۳] بومصراعده کی ( آنجق ) بوکونکی شیوه یه مغایر ؛ ملایم اولان ( یالکیز ) در .



چون بیلدی کم اولدیغنی لیلی  
 رخسارنه آقدی اشک سیلی  
 کریان دیدی ای کوزم چراغی  
 وحشیلره ایل بنله یاغی [۱]  
 سن بن دیدیکم حبیب ایش سن  
 درد دله طیب ایش سن  
 سنسن دون و کون دلمده ذکرم [۲]  
 کوکلمده اولان خیال وفکر  
 کرتانیه بیلدم روادری [۳]  
 مست من و مست ایشی خطادر  
 کسه که اوزندن اوله غافل  
 براوز که بی بیلکه نه قابل  
 اول دمکه دماغه یتدی بویک  
 کوز کوردی شعاع ماه رویک  
 جان بی خبر اولدی عقل ، شیدا  
 تن قیلدی بیک اضطراب پیدا  
 دریای تحیره اولوب غرق  
 اغیاردن ایتدم سنی فرق  
 معذور طوت ای صنم بو عالم  
 طعن ایله ویرمه انفعالم  
 سنسن بن ایدم شکسته خاطر  
 یوز شکر سکا یتشدم آخر  
 کلزار امیدم اولدی سیراب  
 یارب بو خیالدرمی یا خواب

[۱] بومصر اعده کی ( ایل ) قوم و قبیلله و ( یاغی ) دشمن معناسنه ، فصل سه لسانمزدن مهجور اولمش ، توو کجه کجه لردر .

[۲] « دون » کون وزنده و « کون » مقابلی در . کیجه یه دینیلیر . « دون و کون » یرینه شیمدی « کیجه کوندوز » دیوروز .

[۳] طانیای بیلدم سه .

عیش و طربم چراغی یاندی  
 بختم یو خودن مکر او یاندی [۱]  
 ای دل که ایدردك آه و ناله  
 دائم نکران اولوب وصاله  
 ها دولت وصل و ذوق دیدار [۲]  
 بالاله دخی ایتمه ناله وزار  
 ای دیده دو کوب سرشك کلکون  
 هر دم دیر ایدك که قانی مجنون  
 منظورك اولوبدر اول سمنبر  
 قیل مقدمنه نثار کوهر  
 ای جانکه چکردك انتظار  
 کورمك دیلیوب همیشه یاری  
 یتدك اكا کل چیق ایمدی تندن  
 کیت یاره کس اختلاطی بندن  
 دردینی دیر ایکن اول پریزاد  
 سوزیله بوشعری ایتدی بنیاد [۳]

. . . . .

خلق خوش و لفظی جان فزاسك  
 بویله کورینور که آشنا سن  
 بالاله نه دیاردن کلورسن  
 نه راهگذاردن کلورسن  
 کر لاله ایسك نه طاغدنسن  
 ورسوسن ایسك نه باغدنسك

مجنون حیرانك نهایت حیرتیدر  
 و لبلیدن استغنا ایله غفلتیدر

[۳] اویقودن .

[۲] (ها) ایشته .

[۳] بومصراعده کی (سوزی) فارسی و (سوزش) مرادفی در . فضولیتك لیلی لسانندن  
 سویلدیکی بش بیتدن متشکل غزلی نقل ایتمدم .



مجنون دیدی ای بکا آچن راز  
 لطفیله قیلن بنی سرافراز  
 کمسن بکا ظاهر ایله آدک  
 بوبادیده نه در مرادک  
 جان تازه لنور فصاحت کدن  
 بولهجه پر ملاحته کدن  
 شیرین شیرین تکلمک وار  
 حال دله ترجمک وار

بیگانه دن او ممزین بو حالی  
 برالفتدن دکل بو خالی  
 بهوده دکل بو کوکلم آلمق  
 کلک باشم اوزره صایه صالمق  
 عقل اولسه ایدی بنما همراه  
 احوالکدن اولوردم آگاه  
 غم کوکلی ایتسیدی بی تاب  
 کوز پرده سی اولمسیدی خوناب  
 غفلت خللندن آیریاوردم  
 البته کیم اولدیغک بیاوردم

چون بنده یوق احتمال ادراک  
 سن سویله اوزک که کمسن ای پاک  
 ( بوغزل مجنون دیلندندر )

او یله سرمستم که ادراک ایتزم دنیا ندر  
 بن کم ساقی اولان کدر می وصهبها ندر  
 کرچه جانان دن دل شیدا ایچون کام ایسترم  
 صورسه جانان بیلزم کام دل شیدندر  
 وصلدن چون عاشقی مستغنی ایلر بروصال  
 عاشقه معشوقدن هر دم بو استغناندر

حکمت دنیا و مافیها بیلن عارف دکل  
 عارف اولدر بیلیمه دنیا و مافیها ندر  
 آه و فریادك فضولی ایچید و بدر عالمی  
 کربلای عشقله خشنود ایسك غوغاندر [۱]

جواب لیلی

لیلی دیدی ای قرینه زووح  
 کام دل مبتلای مجروح  
 مژده که زمانه ویردی کامك  
 طولدی می عشرتیه جامك  
 مژده که میسر اولدی مقصود  
 سودا ایله آخر ایلدك سود  
 مژده که مرادك اولدی حاصل  
 مقصوده سنی حق ایتدی واصل  
 لیلی بنم آرزوی جانك  
 کام دل زار ناتوانك  
 مشتاق جمال ایدك همیشه  
 محتاج وصال ایدك همیشه  
 حالا که میسر اولدی دیدار  
 تقصیر و تعلل ایتمه زنهار  
 کور دولت و صلمی غنیمت  
 کل یانمه ایتمه فوت فرصت

لیلی یه بو صورتله عرض وصال و مجنونك یوقاریده کی غزلنه بر نظیره  
 انشاد ایتدیرد کدن صوکره ، فضولی ، اثرینك احتوا ایتدیکی الواح  
 تحسین واک کوزلارندن برینی ترسیم ایتکه باشلیور . و دییور که :

[۱] بوراده کی ( کر ، اکر ) دن مخفدر . ضرورت وزن ( اکر بلای عشقله ) بی

یوشکلده یازدیرمش .



( بولیلی به مجنونك استغناسیدر )

( واثبات صفای املاسیدر )

مجنون دیدی ای بت پر یوش

خاشاك ضعیفه اورمه آتش

یا قغه بنی یتر خیالاک

یوقدر بکا طاقت وصالک

زنهار کتورمه ای سمنبر

آینه عارضک برابر

بر ذره یه کم وجود یوقدر

آینه دن اکا سود یوقدر

اول کونکی کوزمده وار ایدی نور

کوزدن یوزیکی قاچوردک ای حور

حالا که نظاره ک اولدی مشکل

طور مق نه ایچون بکا مقابل

عشق ایتدی بنای وصلی محکم

معنیده بنی سنیکله همدم

رفع اولدی بو اعتبار صورت

حاشا که اولم شکار صورت

لدت رخ یار دلستاندن

جاندر بولان ای دریغ جانندن

جانم کیده لی بسی زماندر

جسممده کی شمدی اوز که جاندر

سندن حالا تنده جانم

کوزده نورم جکرده قائم

بندن بری ایلدک بنی سن

عرضه کیمه ایلم سنی بن

بنده اولان آشکار سنسن  
 بن خود یوخم اولیکه وار سنسن [۱]  
 دائم سکا بنده در تجلی  
 بن غیردن اولشم تسلی  
 کر بن بن ایسم نه سن سن ای یار  
 ورسن سن ایسک نه یم من زار  
 چون بن اولویم سنکله مملو  
 وحدت روشنده خوش دکل بو  
 کم طشره ده استیم نشانک  
 بر اوز که مکان بیلم مکانک  
 اول بو ایشی ایدنده بنیاد  
 بن طفل ایدم وزمانه استاد  
 ایتشدی سکا بنی مقید  
 کویا او قودردی درس ابجد  
 حالا قیلویم کمال حاصل  
 ابجد سبقن او قورمی کامل  
 چون یتدی کماله سر خط عشق  
 سر خط کوروب آنجق ایلرم مشق  
 رسوالنی چون بن ایتشم آد  
 سن هم بو سلوکی ایتمه بنیاد  
 طوت پرده عصمت ابجره آرام  
 رسوای بنم سن اول نکونام  
 مجنون بکا دیر لر اهل عالم  
 آنجق بکادر جنون مسلم  
 سن اوله فسانه خلایق  
 مجنون ایشی لیلی به نه لایق



بوساده ، بسیط ، ابتدائی ، یازلدیغی زمانک انسجام الفاظندن بیله ،  
اولدجه ، اوزاق و آشاغی قالمش سوز و مصراعرلرده دولاشان نفیخهدها ،  
دورت یوزسنه دن بهری ، کتابی متزاید بر شوق و رغبتله هر کسه او قودو-  
یور . مشکاپسندلک و قواعد پرستلک شاعرک حضور دهاسنده مهوت  
تحسس و حرمتکاردر . فضولی بو اثرینی ده حسیله یازدی . وحسک  
ابداع ایتدیکی هراثرکی ، فضولینک لیلی و مجنونه ی دائما ایقاظ تائرایده-  
جکدر . لسان و بیان نه شکل و طرزله کیرسه کیرسین ...

### حديقة السعداء

فرانسز شاعر دینداری لامارتین روماده کی سن پیهر کلیساسندن  
بحث ایدر کن دیورکه :

... خرستیانلق محوده اولسه ینه ( سن پیهر ) آیین عیسایی تعقیب ایده جک  
دینک عمومی ، ابدی ، معقول معبدی قایلردی . آلویررکه بودین انسانیتله واللله  
لائق اولسون ! [ ۱ ]

لامارتینک بو سطرلرینی ایلاک او قودیغ زمان ، فضولینک ، داها  
اول آشناسی اولدیغ همیقه السهراسنی تخطر ایتشدم . ونه وقت همیقه-  
السهراء خاطر مه کلسه ، لامارتینک اوسوزینی یاد ایدرم .

افلاطون ، کلام بالذات اللهه ، دیمشدی . بزده اونک مخلوق  
اولمادیغنه اعتقاد ایدرز . فی الحقیقه یر یوزنده دینلردن داها پایدار ، آثار  
موجوددر . معبدلری یقیلمش و ایمانلری وجدانلردن سیلینمش نه قدار  
اقوام واردر که ادبیاتیلله حالا و دائما یاشیور . خرستیانلغک قدس دن زیاده

[1] Graziella, p, 21.

حکمران اولدیغی روما شهرنده بتهرست شاعرلرک اثرلرینی نه نورات و زبور ئولدوره بیلدی؛ حتی نه انجیل شریف!.. عیسانک حواری اولی سین بیرک یاتدیغی طوپراقلر اوستنده لوقرمج له ویرئیل ک اثرلری ایکی بیک سنه دن بهری اوقونویور. پک دیندار قاتولیک اولان لامارتینک دیدیکی کی، خریستیانلق محو اولسه وعیسی ایله حواریونی یالکزتاریخده یاشار برر اسم قالسه، ینه لوقرمج له ویرئیل حافظه لرده ابدزنده وهردم تازه دوراجق. دیاربدا یعلک افقلری داخنده ئولوم دولاشاماز. کوزل له فانی کلمات متضاده دندر. سین بیر معبدینی مبطل آتیر شعر اولار. رق، انشاء ایتدی. شاعر معمار، اوراده کله یرینه طاشله افاده حسیات ایتشدی.

نصل که لوقرمج ک طبیعت یله ویرئیل ک سیریم Eneide ای میدان اعصاره رکز ایدلمش، مصون اندراس آبدلردر. بونلرک معمار شاعر. لری طاشه بدل کله ایله ارائه مرام ایتکی اختیار ایتدیلر. بدایع، نجیب و متحسس قلبلری، نه دینده اولور سه اولسون، تک بر نقطه ده جمع ایدر:

کوزل!..

استانبولک دور فتحنده خریستیانلرک اک بویوک کلیسای اولان آیا صوفیه یی، حتی آدینی بیله د کیشدیر مکسزین، معبد اسلامه تحویل ایتدیلر. ناقوس ایله اذانک، صلیب ایله هلالک مجادله ایدهمیه جکی یرلر وار سه اوده بدایعلک مظاهری در. قدسده کی قمامه کلیساسنک چیر کینلکی قارشیدنده، جامع عمرک کوزل لکنه منور خریستیانلر، حیران حیران، فیکراً تعبدا ایدرلر.



ایشته هر یقه السعداء بویله بر اثر در . اونی فضولی سنیلر ایچون یازمادی ؛ شیعیلر ایچون ده یازمادی . تام اون عصر دو کولمیش اولان کوز یاشلریله بوتون اعصار مستقبلیه و بوتون انسانیتیه برداستان الم و ماتم ابداع ایتمک ایستیوردی . فضولی اک کوزل موضوعی رفته کریم ده بولدی . حقیقی شاعر لر ، اثری موضوعندن زیاده سه ورلر . مقبری عبدالحق حامد فاطمه خانم دن و فضولی هر یقه السعداء سنک مقدس قهرمانی کریم دنک مظهر م شرییری ندن زیاده سه و م ش ایسه معذور کور ولسون . عراقک چیلغین کونشی ، کر بلا چولنه اون عصر اول دو کولن قانلری قور و تمش ، یاقمشدی . شاعر هر یقه السعداء یی یازار کن کر بلاینی کندی قلبنه نقل ایتدی . و قلمنی مبارک قلبنه باتیرا باتیرا اونی نظیر لوحه فجایی یار ایتدی . بوا اعتبار ایله دینیه بیلیر که هر یقه السعداء یالکز اون عصر ظرفنده دو کولمیش کوز یاشلریله دکل ، کر بلاده آقش اولان قانلرله ده یازلمش بر کتابدر .

شرق اسلامک همان هر لساننده بی حساب مرثیه مسینه تنظیم ایدلدی . سنی المذهب شاعر لر ، حتی خرسیتیانلرک عربی و هندک بتپرست فارسی ناظم لری ماجرای کر بلاینی پک مؤثر نشیده لرله ترنم ایتشلردی . فقط بوی پایان مرثیه لر آراسنده اک چوق اشهار و تاثیر ایقاع ایدن محتشم کاشانی نک منظومه نیله فضولینک هر یقه السعداء سی در .

محتشم کاشانینک مرثیه سنی بلکه یوز دفعه او قودم . و درس صورتند باشقالرینه ده او قودم . قلبدن قوپوب کلش بویله اثرلره ادبیات جهان آراسنده موقع و یرمه مک فضله تعصب و قدر ناشناسلق اولور . بونکله

برابر ، هم فضل تقدّم ، هم تقدّم فضل ، فضولیده در . ایکی اثر قار -  
شیلاشدیریلیرسه حقیقت توضیح ایدر .

محتشم کاشانینک نشیده سی دوقسان آلتی بیتدن مرکّب و سراپا  
منظومدر . *مربقة السعد* ده کتابک اوته سنه ، بهریسنه سرپیلمش کی  
دوران ابیات ، بریره جمع ایدلسه ، مرثیه محتشمک اون مثلندن فضله  
برنشیده اولور .

فضولی ایلی و مجنونه ک طرز ترتیبی نظامی و یا هاتفیدن اقتباس ایتدیکی  
کی ، *مربقة السعد* نك ده مأخذی حسین واعظ الطائفی نك روضة الشهدا -  
سی در . شاعرك معاصری و کاشان شاعر آدلی تذکره سنده ترجمه حالنک  
مجمول ، فقط موثوق صورتده محرری اولان عهردی بغدادی نك یوقاری یه  
نقل ایتدیکنز [۱] ،

... ودخی روضة الشهدای حسین واعظی بطریق ترجمه حدیقه السعدا نام  
یر کتاب درج قلنمش حقا بودر که کنیدی طرزنده مخترع و طریق معانیده مبتدع  
و شاهد فکری الفاظ پاک ایل و کون کی جاّه زرین معنا ایل اعیان ایچره متعین . . . الخ  
شهادت محقه سی تورک شاعرك فضل متفوقنی تأیید ایدر .

مورخ عالی (کنه الاخبار) نده دیورکه :

... فارسی و ترکی مکمل دیوانی و عربی و دری و رومی [۲] السنه ده قصاید  
بلاغت نشانی اولدقن ماعدا حدیقه السعدا نام کتابی یعنی امام حسین بن علی  
شهادتنده واقع بر مؤلف [۳] بلاغت منابی واردر که من وجه روضة الشهدادن  
راجحدر زیرا که احراق و تأثیر جهتنده مؤثر قطعه لری واضحدر . . .

[۱] صحیفه ، ۲۱

[۲] (دری) لسان فارسینک مقبول و مستعمل لهجه سی ، (رومی) سلجوق و عثمانلی

و یا غرب تورکجه سی .

[۳] مؤلف ، لامک فتحیله ، تألیف ایدلمش ، اثر .



حسن چلبی ده تذکره سنده شو حکم مصیبی ویریور :

... مولانا حسین واعظك روضة الشهدا سن ترجمه ایدوب حقیقه السعدا نام ویرمشر انصاف بودر که ترجمه دیمك دکلدر فی الحقیقه اول حقیقه انیقه رشیه به شول دکلونمال بلاغت دکلدر که [۱] حسین واعظ برك وبارن کورمشر واول قدر ریاحین فصاحت اکلدر که بوی دلجویی مشام منشیان جهانیه ایرمشر ..

فی الحقیقه فضولی ایلی و مجنونه ده مقتدرالری کچدیکی کبی، صریقه السعدا - ده دخی روضة الشهدای فرسخلرله کریده براقمشر. شایان دقتدر که کرك نظامی ایله هاتفی، کرك حسین واعظ ایله محتشم کاشانی لسان فارسینک ادوار تکاملنده اثرلرینی وجوده کتیرمشر دی. فضولی ایسه تورکجه نک هنوز بک ناقص و افکار و حسیاتی تمامیه افاده ده قاصر بولوندیغی بر دوزده او آبدۀ پایداری ابداع ایتدی. کندی ده صریقه السعدا نک مقدمه سنده سویلیور :

... اما جمیع مدته مجالس و محافلده تقریر اولنان وقایع کربلا و کیفیت احوال شهدا فارسی و تازی [۲] عبارتنده بیان اولغین اشراف عرب و اکابر عجم تمتع بولوب اعزۀ اتراك که جزء اعظم ترکیب عالم و صنف نوع بنی آدم اولوب سطر زائد صحایف کتب کبی موقوف مجالس دن خارج قالوب استیفای ادراک حقایق احوال دن محروم قالورلردی بوسیدن اقتضای عموم ماتم آل زبان حال ایله بن خاکساره تعرض ایتدی و دست تعرضله کریبانم طوتدیکه ای پرورده خوان نعمت شاه کربلا فضولی مبتلا نوله کر برطرز مجده مخترع اولسک و همت طوتوب بر مقتل ترکی انشا قیلسک که فصیحای ترکی زباننده استماعدن تمتع بوله لر وادراک مضموننده عربدن و عجمدن مستغنی اوله لر

[۱] ککلدر که .

[۲] تازی - عربی .

## قطعه

تکرار ذکر واقعه دشت کربلا  
مقبول خاص وعام وصغار و کبار در  
تقریر ایدنلره سبب عز و احتشام  
تحریر ایدنلره شرف روز کار در

بو فقیر و حقیر که بو نصیحتی اصغا قیلدم و بو خدمتک محض سعادت اولدیغنی  
محقق بیلدم عدم استطاعت و قلت بضاعتدن احتراز واجتناب ایتیموب ترتیبنه توجه  
قیلدم اگرچه عبارت ترکیده بیان وقایع دشواردر زیرا اکثر الفاظی رکیک  
و عباراتی ناهموارددر امیددر که همت اولیا اتمامه مساعدت و انجامنه معاونت قیله

## قطعه [ ۱ ]

ای فیض رسان عرب و ترک و عجم  
قیلک عربی افصح اهل عالم  
ایتدک فصیحای عجمی عیسی دم  
بن ترک زبانندن التفات ایله کم

الهی واقف کیفیت حال و عالم دقایق افعال سن بیلورسن که سندن غیری معین  
و مظاهر م یوقدر و اطراف و جوانبده حاسد و معاندم چوقدر عمیم مکار مکدن و کریم  
مراحمکدن توقع بودر که بو بنای مجدد تعمیرنده و بو ملک مؤبد تسخیرنده الفاظ  
و معانیدن جمیع مصالحم مهیا قیلدسن و ارباب جسد و اصحاب عناد عجوم ایتدکجه بکا  
معین و مساعد اولهسن انک علی کل شیء قدیر .

شاعر **هدیفة السعد** انک سبب تألیفیه زماننده کی تورکجه نک عجز بیانی  
بو صورتله تصریح ایتدکدن صو کره ، کتابنه مأخذ اولان آثاری تعداد  
ایدیور . حسین واعظه یالکز اقتدا ایتدکده در . بوجهت طرز افاده سندن  
عیاناً منفهم ایکن کوپرولو زاده مدرس محمد فوآد بکک ،

[۱] دوغروسى (رباعى) اولاجق . فضولى طبعى (قطعه) یازمامشدر . المده کی مطبوع  
نسخه نک خطیاتی اولدجه فضله بولونویور .



... حدیقه السعداء حسین واعظک « روضه الشهداء » سنک توسیع و تعدیل  
ایدیلهرک ترجمه سیدر [۱] .

دیهمه سی نه قادار مصیب اولور بیلیم ؟ .. فضولی یوقاری یه نقل ایتدیگمز  
سطرلرده دوام ایله دییور که :

... حالا السنه عربده مذکور اولان مقتل ابوحنیف و مصرع طاووسیدر که [۲]  
سید رضاء الدین ابوالقاسم علی بن موسی بن جعفر بن محمد الطاوسی کمال تحقیق و تدقیق  
ایله اسناد معتبردن نقل ایدوب اهتمام ایتمش و افواه عجمده مشهور اولان کتاب  
روضه الشهداء که حضرت افصح المتکلمین مولانا حسین واعظ تتبع تواریخ و تفاسیر  
ایدوب دقتله یازمغین روایتلری درجه صحته یتمش و بن خاکسارک نیتی اولدر که  
اصل تألیفده روضه الشهداءیه اقتدا قیلوب سائر کتیده اولان نکات غریبهلری [۳]  
ممکن اولدجه اکاقلاده قیلم و حدیقه السعداء ایله موسوم ایدوب اون باب و بر خاتمه ده  
صورت تألیفه اتمام و یرم [۴] ان شاء الله تعالی ( اواکی باب ) انبیا احوالن بیان  
ایدر ( ایکنجی باب ) حضرت رسولک قریشدن چکدیکی جفالری بیان ایدر ( اوچنجی  
باب ) حضرت سید المرسلین وفاتن بیان ایدر ( دردنجی باب ) حضرت فاطمه الزهرا  
وفاتن بیان ایدر ( بشنجی باب ) حضرت علی المرتضی وفاتن بیان ایدر ( آلتنجی  
باب ) حضرت امام حسن احوالن بیان ایدر ( یدنجی باب ) حضرت امام حسین  
مدینه دن مکه یه کلدیکن بیان ایدر ( سکزنجی باب ) حضرت مسلم عقیلک وفاتن  
بیان ایدر ( طقوزنجی باب ) حضرت امام حسینک مکه دن کربلا یه کلدیکن بیان  
ایدر ( اونجی باب ) حضرت امام حسینک شهید اولدیغن بیان ایدر ( اون برنجی  
باب ) مخدرات اهل بیتک کربلادن شامه کلدیکن بیان ایدر [۵] .

[۱] ( یکی شرق ) کتبخانه سنک طبع ایتدیردیکی دیوان فضولی یه محمد فواد بکک مقدمه سی ،  
صحیفه ، ۱۹ :

[۲] میماک فتحیله ، ( مطلع ) وزننده ( مصرع ) محل مصارعه ، دوکوش یری معنا سنه .  
[۳] کرک بوراده کی ( نکات غریبه لر ) ، کرک بر سطر آشاغیده کی ( موسوم ایدوب )  
یا کلش و بو خطالر شاعراک ذاته دکل زمانه راجعدر . لزوم مبهم اولماقجه مصادف اولدیغم سهو  
وذهوللره اشارت ایتیمورم .

[۴] آذری لهجه سنده بعضی اسملر ( ایتک ) یرینه ( ویرمک ) مصدریله ترکیب ایدر .  
مثلا موش طرفلرنده ( سن اونک ترکی ویره منسک ) دبرلرکه ( اونی ترک ایده منسک ) مقامنده در .  
بوراده کی ( اتمام ویرم ) ده او یله : اتمام ایدیم دیماک .

[۵] حدیقه السعداء ، استانبول ۱۲۸۶ طبعی ، صحیفه ، ۸ - ۷

مهریقه السهرابی فضولی ، قعر قلبندن جوشوب کلن تأثرلرله یازدی .  
و صحیفه لرنده دولاشان صرصر شیوندی . بوقادار بویوک برکتابی یورولمايان  
و یازلدجه آرتان تحسّس و هیجان ایله تحریر ایچون یالکیز علم و عزم  
کفایت ایتمز ؛ عشق لازم در . بیتمز توکنمز برعشق : صنعت عشقی ...  
و فضولینک عشقی . یالکیز آل عبايه محبت ، ملهم ابداعی دکلدر .  
الهاملرک عینی نفیخه لرینه ایلی و مجنونه ده صیق صیق تصادف ایدیلیر .  
یوقاریده ده دیمشدک : صمیمی و بویوک شاعرلر ، اثرلری موضوعندن  
زیاده سه ورلر . واونلرده حاکم اولان یالکیز عشق صنعت و صنعتدر .

\* \*

مهریقه السهرابک بویوک مزیتی جوشغونلغی lyrisme در . اويله  
اولماسه یدی عبدالحق حامدک ، جناب شهاب الدینک ، محمدعا کفک لسانلرنده کی  
نشوة بیان ایله مست و برازده مشکلیسند اولان بو کونکو ذوق ادبیز  
فضولینک کتابی هم استخفاف ، هم استثقال ایدردی .

مهریقه السهراب تورکجه ، فقط باشقا زمانلرک ، باشقا اقلیملرک لهجه  
سیله یازلمشدر .

فضولینک زماننده استانبولده سویله نوب یازیلان تورکجه ، چغتای  
و آذری لهجه لرندن داها مترقی ایدی . فضولینک ارتحالندن یتیش ایکی  
سنه اول وفات ایدن سنان پاشانک لسان نثری و آلتمش اوچ سنه اول منتقل  
اولان احمد پاشانک طرز نظمی عراقلی شاعرک شیوة بیانندن دوز کوندر .  
فضولی وفات ایتدیکی زمان باقی اوتوز یاشنده ایدی .  
عراق چولارنده غریب ال دیار و بیقرار بر تورک عشیرتندن یتیشه رک ،



مدت عمر نده استانبوله اصلا کله مش بر آدام ، تورکک اک بویوک مرکز  
عرفانده و ایران و یونانک محاسنیه ایشله ن و سوسله ن تورانی برلسان  
ولهجه ده ، بر قسم اسلاف و معاصرینی درجه سنه چیقاجق قادار انتظام  
الفاظ کوسترمدی سه ، بو ، شاعره دکل ، مکان و زمانه عائد بر قصوردر .  
استانبوله کیلر ، پری صنعتله باش باشه ، فرح و فخور یاشار و یازار کن ،  
فضولی ، عراقده بری برینی متعاقب ده وریلن تختلرک طراقه انهدامنی  
قصیده لریله بسته له مکه مجبور ایدی . شودورت یوز سنه ظرفنده آذری  
لهجه سی بطائتله ، استانبولک کی ایسه ، اوکا نسبت ایدلدیکی تقریرده باش  
دوندوروجی سرعتله ترقی ایتدی . باقی ، نفی ، وجدی ، نائی ، نابی ،  
ندیم ، راغب پاشا ، شیخ غالب ، عزت منلا ؛ متوسطلردن ضیا پاشا ،  
غالب ، عارف حکمت ، نامق کمال ، عونى بکک عثمانلی تورکجه سنک  
قلاسیق لسان نظمینی یک زیاده اینجه لتدیله .

فضولینک اقتدا و تمسّق ایتدیکی ایلک اساتذّه لسان آذری لهجه سیله  
یازانلردر . بغداد فتحندن صوکره ، استانبول تورکجه سنک فضولی یه  
اولان نفوذی ، مثلاً بک و باره ایله لیلی و مجتوبه مقایسه ایدیلیرسه ، عیاناً  
کورولور . برنجیسنی شاه اسماعیل صفوی ، ایکنجیسنی سلطان سلیمان  
قانونی ناملرینه اتحاف ایتشدی . هله بغداد قصیده سنده لسانی ، بوقصیده  
یازیلیر کن یدی ، سکز یاشلرنده برچوجوق اولان باقینک اسلوبی درجه -  
سنده استانبوللورد . فضولی کبی بردهای مستثنی صاحبنه احراز موفقیت  
ایچون برایکی نمونه و برقاج ممارسه کفایت ایتمش .

صریقه السهره او قونور کن شو یازدیغمز جهتئر نظر دقته آلینمق  
ایجاب ایدر .

بونکله برابر فضولينک شاعر لکي ، تورکجه نك - کندی تعبير نجه -  
اکثر الفاظي رکيبک و عباراتي ناله موار اولديغي بر زمانده ارينه نصل بر فيض  
و روح نفخ ايتمش که حالا هر صنف خلقک اعصابندن جريانلر ، اهترازلر  
کچيريور .

الفاظي مي ؟ ..

او زمانده ، حتی اوندن اول يازلمش داها منسجم الکلمات آثار  
منشوره وار .

افکاری و صورت ترتیبي مي ؟ ..

بونلرده ده اوقادار ابتدائي و طفلانه شيلر کورولور که فضولي کبي  
بر علامه شاعر دن بويله زله لرك صدورينه انسان حيرت ايدر . مثلاً شو  
سطرلره دقت اولونسون :

... شواهد النبوه ده امام زين العابدين دن نقلدر که امام حسين مکه معظمه دن  
کوفه يه توجه ايتد کده هيچ منزله يتمزدیکه يحيای . مظلومک ماجرا سن ذکر ايتمیدی  
و بيورردیکه روز کار غدارک عدم مروتن و فلکک کمال مرتبه و قاحتن کور که  
يحيي کبي صالحک سر سعادتمندن بر فاجره يه هديه ايتمش وسعد بن جبیر عباسدن  
روایت ايدر که بر کون حضرت رسول عليه السلام خبر واقعه کربلا دن متألم اولوب  
تفکر ايدر دیکه آیا اول غریبلرين انتقامن اول ظالملردن کیم آلور حضرت عزتدن وحي  
کلديکه يار رسول الله يحيي بن زکریا ايچون يتمش بيک و بر روايتده يوز يتمش بيک  
کافر قتل اولندی شهدای کربلا ايچون يتمش کره يتمش بيک منافق قتل اولسه  
کر کدر ... [۱]

حضرت عزت دن کلن وحي فضولي نه قادار مترددانه يازييور ! ...  
سعد بن جبیرک عباسدن اولان روايتنی هريقة السعرا سنه درج ايدر -  
کن ، وحي الهينک قيل وقال مورخينه علاقه دار اولاماياجغنی سويله مهلی



و بروايتره يي كتابنه نقل ايتمكدن امتناع ايدرك ، كندندن اول اويدو-  
 رولوب ، سياه نسيبت ايدلمش بريالانك شائبه سندن ، شكلاً اولسون ،  
 حضرت عزت ي تنزيه ايتمه لي ايدى . ديمك كه هريقت السعرا نك لسان  
 نثرونظمي كبي ، محتوياتي ده بحق انتقاددن مصون قالاماز . او حالده  
 بواثري دورت عصر دن بهري ياشادان و ياشادجه كوزلاكني آرتديران  
 خاصه واسرار نه در ؟ ..

صميميني و يوقار يده ده ديديكمز كبي ، هوشفونلفي ! ..

ادبيات بشرده پك آزار بوقادار صميميت و هييجان ايله يازلمش .  
 انسان او قور كن ، ظن ايدر كه ، كلمه لر سطرلرده و سطر لر صحيفه لرده  
 چير پينيور . بوقادار ممتد بر هييجان ايله صار صيلان بر آدامك نصل اولوب ده  
 نوله مش و ياشامش اولديغنه انسان نه قادار حيرت ايتسه سزادر . يالكز كر بلايه  
 عائد ماجرايه منحصر دكل ، بو ماجرايه توطئه و كرزكاه اتحاد ايتديكي  
 ديكر وقعه لري حكايه ايدر كن ده عين حرارت بيان ، عين خفقان ...

قصه اسماعيلي نقل ايدن شوسطرلري مثال اولارق ، لاعلي التعيين ،  
 آليورم :

... القصه چون خليلك قلبي محبت اسمعيل مملو قيلدي واقعه سنده ديوان  
 قضا دن حكم اولديكه اي محرم سرا پرده خلت واي مقتداي امت اكر جاده محبتمده  
 ثابت قدمسك بندين غيريدن رغبتى كوتور و مفتوني اولديغك جكر كوشه كك رشته  
 حياتنه تيغ انقطاع يتور

شعر

اويله كم معشوقى عاشق غيره دمساز استمز  
 عاشقن معشوق هم غريله همراز استمز

ابراهیم اول اوینخودن بیدار اولدقده هاجره ایتدی ای همسر مهربان اسمعیله  
تجدید لباس برله زیور ویرکه دوست مهمانی اولور هاجر بحسب الاشاره اول  
خورشید آسمان لطافتک سنبل کیسوی مشکبارین شانعلیوب و اندام لطیفن البسه  
الوانله مزین قیلوب مهیا قیلدقده ابراهیم ایتدی بررسن و بر تیغ دخی همراه الله  
هاجر ایتدی یا خلیل الله صحبت احباب سبب رابطه اتصال اولور تیغ که آلت قطعدر  
آنده نه مناسبت و مجمع اصحاب محل حل اشکال اولور رسن که آلت عقددر آنده  
نه واجبدر خلیل الله ایتدی شاید بر قربان ایتک لازم اوله و باغلمغه و کسمکه تیغ  
ورسن ضرورت اوله القصه ابراهیم واسمعیل هاجره وداع ایدوب روانه اولدقده  
هاجر ورطه تفکره دوشوب متحیر قالدقده ابلیسکه محرک ساسله فساد و مؤسس  
بنای عدوان و عناددر فرصت بولوب عزم قیلدیکه خاندان خلتیه رخنه براغه و معدوره  
نبوتن خلیک حیلله ایله ییقه بر پیر صالح صورتنه متمثل اولوب هاجرک خدمتنه  
کلوب ایتدی ای صالحه بیلور میسن ابراهیم واسمعیل قنده کیتدیلر هاجر ایتدی  
دوست صلاهی ضیافت اورمش آکا اجابت ایدر لر . ابلیس ایتدی ای غافل غلط  
خیال ایتمش سن ابراهیم اسمعیلک قانن دوکمک ایستر تیغ ورسندن اندیشه نه  
اولد یغن بیلمدکی و صورت حالندن کیفیت مأن ملاحظه قیلمدکی و بو گفتاردن  
ابلیسک مدعاسی بوایدی که جماعت نسا رقت قلبله مشهوره در و طائفه عورت قلت صبر  
و ثباتله موصوفه در هاجر بو خبردن متأثر اولوب اضطراب قیله و خلیلک عزیمتنه  
مانع اوله هاجر ایتدی ای پیر خرف [ ۱ ] عجبدر که سن ابلیس اولمیه سن زیرا  
خلیل اغیار قتلندن فرار ایدر کن اسمعیل که یار وفادارد در جفا سن روا کوررمی  
ابلیس ایتدی ای هاجر واقعه سننده بو امره مأمور اولمشدر هاجر ایتدی خلیل  
کاذب دکلد در فرمان اله بو خصوصیه صدور بولوب جانب حقندن اشارت بویله  
اولد یسه زلال تیغ بلا چشمه آب بقادر و قطره خون اسمعیل لاله کازار عز و علادر

شعر

جانله بزدن اکر خشنود اوله جانانمز  
جانه منتدر آنک قربانی اولسون جانمز

[ ۱ ] ( خرف ) عریجه ده ( معتوه ) مراد فی ، ( بوناق ) مقابله در . آذری لهجه سننده ،  
بوکله نک تلفظ اصل یسنی براز تحریف و تغییر ایدرک ، ( خ ) ایله ( ر ) نک کسره ثقیله لر یله ،  
( قیریق ) وزننده ( خریف ) دیر لر : فلان آدم خریفلادی ؛ یعنی عته کتیردی ؛ بونادی .



ابلیس هاجردن نومید اولوب خلیل الله رهگذارین طو توب ایتدی ای عاقل  
زمان وای افضل اهل جهان نه روا که کلزار نبوتک نهال نورسن زینت کلشن اقتدار  
ایکن وسوسه خواب و خیال ایله آزرده تیشه جفا قیله سن و صدف رسالتک کوهر  
تابنا کن زیور افسر عز و اعتبار ایکن دغدغه فکر محال ایله کرداب بلایه صالوب  
متحیر و متأسف اوله سین

## شعر

باغبانا زینت کلزار اولان شاخ کلی  
کسمه فوت زینت کلزاردن اندیشه قیل  
شاد ایدوب اغیاریکی آزرده قیلمه یاریکی  
ذبح یار و طعنه اغیاردن اندیشه قیل

حضرت خلیل بیلدیکه اول ابلیسدر دیدی ای مدبر [۱] اکر چه میوه نخل  
حیاتم وجوهر کنجینه ذاتم اسمعیلدر حقا که اکر هرک اعضای ترکیم بر اسمعیل  
اولسه و جمله سنک قطعنه امر معبود صدور بولسه توقف ایتم و طریق تخلف طو تمیم

## شعر

درد عشق یار کو کلم ملکذک سلطانیدر  
حکم آنک حکمی درر فرمان آنک فرمانیدر

ابلیس لعین آندن دخی مأیوس اولوب اسمعیلی طفل کوروب فریبه قابل  
تصور ایدوب ایتدی ای کل کلزار نبوت و نهال حدیقه رسالت عزیمتک نه یکادر  
اسماعیل ایتدی دوست ضیافتخانه سنه ابلیس ایتدی حاشا ابراهیم سنی ذبح ایتک  
تدارکنده در اسمعیل ایتدی ای پیر همراه اکر بنم قلم آکا امر اولنمسه دخی  
آنک اطاعتی بکا امر اولمشدر انقیادنده مردم یوقدر خصوصاً که امر اولمش اوله

## شعر

جانمی جانان اکر ایسترسه منت جانمه  
جان ندرکیم آنی قربان ایتیم جانانمه

[۱] (مدبر) (ادبار) مصدرندن اسم فاعل، اوغورسنز دیمکدر.

خلیل ایتدی ای اسمعیل بو بدبخت شیطاندر حیلہ سندن حذرایت اسمعیل  
جانب ابلیسہ سنک اجتناب آتوب دفع ایتدکن صکره والد صالح و ولد خلف  
اتفاقله منایه کلدیلز ابراهیم تیغ چکوب رسن چوزوب ایتدی ای فرزند عزیز  
ناظم کارگاه حکمت و مصور صور تخانه فطرتدن ذبحکه حکم اولوبدر صلاحک ندر  
اسمعیل ایتدی ای والد بزرگوار بفرمانه موجب نه اوله خلیل ایتدی محبت قبول  
مشارکت قیلمز و محبتده مشارکت مناسب اولمز غالباً طغیان محبتک موجب تحریک  
غیرت حضرت عزت واقع اولدی و هوای افراط مودتک دریای محبوب حقیقتی  
متحرک قیلدی اسمعیل ایتدی ای عزیز

شعر

عجباً للمحب کیف ینام  
کل نوم علی المحب حرام [۱]

دیشلر معشوق عاشقی همیشه بیدار و جلوۀ حسنندن خبردار استر که دعوی عشقله  
آلودۀ غفلت و آسودۀ خواب راحت اوله سن عجمیدر که بویله خواب پریشان  
کوروب پریشانلق بوله سین الفصه هر تقدیرله اسمعیل اول واقعه یی کندویه شرف  
روز کار بیلوب و اول سعادتیه مباحات قیلوب ایتدی ( یا ابت افعل . اتؤمر [۲] )  
ای پدر بزرگوار اسمعیله بدل وار و حضرت جلیله عوض یوقدر واحد مطلق دامن  
طوت یوقسه اسمعیل کبی چوقدر ابراهیم ایتدی ای فرزند کرامی نه وصیتک وار  
اسمعیل ایتدی ای پدر عزیز اوچ وصیتم وار بری اولیکه زمان قتله اعضای  
جسمی محکم باغلیه سنکه اقتضای الم تیغ ایرشد کده جسم ضعیفی اختیار سزاظرابه  
صالوب حرکاتمدن سکا بر آسیب ایرشوب بکا موجب عصیان اولیه

شعر

چکمزم غم دوکسه قائم تیغ برانک سنک  
وهمم آندندر که پر خون اوله دامانک سنک

و بروصیتم دخی اولدر که زمان ذبحده رخساره زردی

[۱] سهونک نصل او یودیغی سزاوار تعجبدر . هراویقو سهونه حرام اولور .

[۲] باباجغم ، مأمور اولدینگ ایشی کور .



پریوزینه براغوب بنی بسمل ایده سن اولیه که مطالعه صفحه رخسارم ایتد کده  
 محبت طبعی اجرای حکمته تأخیر و یروب قتلنه مانع اولوب سنی تقصیر طاعته  
 متهم قیله و بروصیتیم دخی اولدر که دارالسعادتکه مراجعت قیلد قدده والدۀ مهربانمی  
 تسلی ایدوب رعایتی واجب بیله سن وصبر و شکر طریقنه هدایت قیله سن وصایا  
 تمام اولد قدده ابراهیم اسمعیلک الارین و ایقلرین محکم باغلیوب خلق مبارکنه تیغ  
 بی دریغ اورد قدده ملائکۀ زمین و آسمان خروشه کلوب تعجب ایتدیلر که یارب  
 بونه بندۀ عظیم الشاندر و مخلص عدیم الاقراندر که ره محبتده آتش سوزانه بر اقسه لر  
 تفاوت قیلماز ...

یار بی!.. بونه سوزش بیاندر که ابتدائی کلمات و رکیک عبارات آراسندن  
 آتش سوزان کی ادراکی و ذوقی، طاتلی طاتلی یاقیور.  
 فضولیدن یتیش ایکی سنه اول وفات ایتیش اولان بویوک نثر سنان  
 پاشانک - نوغنده بی همتا - نضرعاتی استانبولک لهجه سیله یازلش، داها  
 زیاده پر انسجام و بوگونکو شیوهیه موافق ایکنینه صریقه السهره  
 درجه سنده جاذب و مؤثر دکلدر.

### مثلاً نضرعات ک،

... قننی یوسف دوراندر که زلیخای زمانه دامننی چاک ایتمه مش اوله وقتنی  
 سلیمان زماندر که دیو جهان آنی هلاک ایتمه مش اوله هانکی جسمدر که انجام جامی  
 سرنکون و کیمه دولت ایرشدی که عاقبتی دیکر کون اولدی ...  
 کبی بر طمطراق و موسسه اداسطرلری صریقه السهره دن یوقاری یه نقل  
 ایتدیکمز،

... هاجر ایتدی دوست صلاهی ضیافت اورمش آکا اجابت ایدرلر ...

جواب صافدلانه سی قادار روحه تأثیر ایده میور. سنان پاشا نضرعاتی  
 دوشونه رک، فضولی ایسه صریقه السهره یی دویاراق یازدی. سنان پاشانک

کوزلری استغراق ، فضولینکیکی ایسه یاشلر ایچنده . بری فیلسوف ،  
دیگری شاعر .

هريفة السهرادن نقل ايتديكمز پارچا كتابك منتخب قسمی دكلدر .  
ذاتاً انتخاب ايديله ميه جك بر صحيفه سی بولو نمایان بو كتابك بعض اقسامی  
فوق العاده لکه ارتقا ايدر . مثلاً پدري نك شهادتی متعاقب ، شامه کتیریلن  
امام زين العابدين ، جامعده منبره چيقوب ، يزيدك افعاله عتاب و خطیب  
شائمه اعطای جواب ايدر کن ، فضولی نه مؤثر بر لوحه ترسیم ايتمشدر !..  
شاعرك قلمندن ديکليه لم :

... اول بلبل کلزار فصاحت و اول طوطی شکرستان بلاغت کلمات حکمت  
آثارین یزید پلید مؤثر کوروب خلقتک تغیر عقیده لرندن احتراز ایدوب مؤذنه  
اشارت قیلدیکه قامت کتوروب حضرت امامک کلماتن قطع ایده مؤذن ایاغه طوب  
روب ایتدی ( الله اکبر ) حضرت امام ایتدی ( لاشک فيه ولا شبهة ولا شیء  
اکبر منه [۱] ) مؤذن ایتدی ( اشهدان لا اله الا الله ) حضرت امام ایتدیکه ( اشهد  
بها لحي ودي [۲] ) مؤذن ایتدی ( اشهدان محمداً رسول الله ) حضرت امام  
عمامة شریفن فرق مبارکندن آلوب مؤذن اوکنه براقوب کيسوی معنبرلرین  
پریشان ایدوب ایتدی ای مؤذن بو ذکر ایتدیکک محمد حقیچون برساعت صبر  
ایت مؤذن خموش اولدقده شهزاده رخس فصاحتی میدان عبارتیه براغوب حرارت  
عصمت و جرأت امامت برله احتراز واجتناب ایتیموب دیدی ای یزید کمراه ولعین  
بورسول کریم که ذکر ی زیور منابر در آیا سنک جد کمیدر یا بنم وبوصاحب شان  
عظیم که وصفی ورد اکابر و اصاغر در آیا سکامی اقریدر یا بکا اگر درسک که  
بیلیمزم بوکمال تجاهلدر واکر درسک که بیلورم آیا نه خیال غلط و اندیشه باطلدر  
بوکه زخارف دنیا ی بی اعتبار ایچون سرای عاقبتک ویران ایدوب نقد رسول  
اللهی تشنه و حیران هدف سهام بلاوسپر تیغ جفا قیلوب و مخدرات اهل بیتی نامحرملرله

[۱] بونده هیچ شک و شبهه یوق . هیچ برشی اوندن بویوک دکلدر .

[۲] بوکا اتم وقائمله شهادت ایدرم .



شهردن شهره كزديروب مبتلاي محنت غربت قيلدك اكر خلقتكده اثر اسلام وار ايسه ندر بو استخفاف نقباي اسلام واكر يوق ايسه ندر بومسجد ومحرابي آلوده قلوب عادت باطله قيام واقدام ايتك ... [۱]

ماجرای کر بلايه آغلایان کوزلرک منابع ایمانی قوروسه بيله ، بويوك تورک شاعرينک سلسبيل بيانی قیامته قادار جاری برسر شک ماتم قالیر . بدایع ، انسانیتک عقیده مشترک سی بولوندجه ، یعنی دنیاده ذکا سونمدهجه ، **حديقة السعداء** آغلایاجق و آغلاداجق بر شعر سرشک در .

\*  
\* \*

**حسين واعظ الطائفي** نك روضة الشهداء سنی سلیمان قانونی دوری شعر اسندن جامی بك تورکجه يه **مهادتنامه** اسميله نقل ايتمشدر . بر نسخه سنک نور عثمانیه کتبخانه سنده ، ۳۹۳۸ رقميله مقيد و محفوظ بولونديغنی علی جانب بك خبر ويردی . تدقيق ايتدم . کتابی **ابراهيم بن حسين دزقولي** نامنده بر خطاط نسخ خطيله استنساخ ایدرک ، تبييضی هجرتك بيك سنه سی ربیع الاولنده اتمام ايتمش . عين خطاطك یازيسيله ، ينه بغدادده و ۹۹۸ سنه سنده استنساخ ایدیلن بر نسخه يه ده تحرياتم اثناسنده وبایزیدده کی **کتبخانه عمومی** ده تصادف ايتدم . فهرست رقمی ، ۵۸۳۸ در .

**روضة الشهداء** مترجمی جامی بك استانبولده ، داود پاشا محله سنده دنیایه گلش اولديغنی تذکره لر یازیور . **مهادتنامه** مقدمه سنده شو ایکی بیت ایله نفسنی تزکیه وتعریف ایتمکده در .

بلا میخانه سینک درد نوشی (۱)  
 صفا کاشانه سینک پر خروشی  
 خرابات اهلینک بی ننگ و نامی  
 شراب عشق مستی یعنی جامی (۲)

مقدمه سندن آکلاشیلدیغنه کوره مهارنامه صاحبی جامی بک میاهی  
 اوغلونلری زمیره سندن اولوب ، دیوان مصرده خزانة عامره کاتبلرندن  
 ایمش . او صیراده مدهش بر طاعون مصره استیلا ایدهرک ، دورت دانه  
 یتیشمش ویا یتیشه جک اوغلو بومرضله وفات ایتدیکی کی ، کندیسنه ده  
 باشقه بر خسته لق عارض اولمش .

وفات ایدن اوغللرینه آغلار کن ، شو بیتلری انشاد ایدر :

در ، دکادر بو آقن چشم فکارمدن بنم  
 کریه ایلر هر سرمو روزکارمدن بنم  
 بر مصیبتدر بکا ایرن که هر ماتمزده  
 کندویه ویرر تسلی حال زارمدن بنم  
 طاشی طاش اوزره قوماسون عاقل ودانا اولان  
 عبرت آلسون هر کشی دارو دیارمدن بنم  
 جوی خون آقیتسه چشم اشکبارم یریدر  
 کتدی اول سروسپیلر چون کنارمدن بنم  
 قنلو یاشلر آره سندن چقدی یریردود آه (۳)  
 سرولر پیدا اولوبدر لاله زارمدن بنم

ماتمزده شاعر ، کندی خسته لغندن افاقت بولونجا ، کتابلریله تکرار  
 اشتغال ایتمهک باشلامش . و کیف ما اتفاق ألنه کچن روضة الشهدای اوقو-

(۱) درد ، ایلک دالک ضمیله ، طورطو معناسنه .

(۲) (جامی) بکک ترجمه حالی عاشق چلبی تذکره سنده در .

(۳) قنلو یاشلر .



یارق متسلی اولمش . تورکجه یه ترجمه ایده جکی صیراده ، امر پادشاهی  
ایله ، کعبه یی تعمیر ایتدیرمکه کوندرمشلر . اتمام وظیفه دن صوکر  
استانبوله دونه رک ، کتابی ترجمه ایتشدرد . دیورکه :

... مولانای سالف الذ کرک (۱) تحریر اتدوکی نسخه فارسینک چهره حالی  
حسن عباراتله حالی در لکن خط وخال الفاظ مسجعه و زیور خیالات رنگین  
و نکات واجب التحسیندن خالیدر بو فقیر قلیل البضاعه دخی مولانای مشارالیه  
اثرنجه کتدم لکن اثنای حکایاتده بعض آیات ضروری الذکر واحادیث شریفه  
و آثار وامثال مشهوره الحاق اندم و مشاطة بنان لطافت بیانله عروس طروسه  
مناسب اولان پیرایه الفاظ مسجعه برله زینت وردم و چهره آینه کردار ابکار  
افکاره کلکونه حسن تعبیر ایله صورت وردم و جابجا ایراد اولنان ترکی مقطعات  
ورباعیات و ابیات و غزلیات کلیاً بو حقیر کم استطاعتک نتیجه خاصه فکرتی و ثمره  
شجره باغ قریحتی در .

فضولی ایله جامی بک عینی عصرک شعراسندندرلر . استانبوله دو غمش ،  
سلیم ثانی یه شهرزاده لکنده ، کوتاهییه والیسی ایکن انتساب ایتمش و کعبه یی  
تعمیره پادشاه طرفندن مأمور ایدلمش اولان جامی بک شیعی المذهب  
اولماسنه کیسه احتمال ویره من . روضة الشهدای بو ذات اهتماملرله سراپا  
ترجمه ایتدکن صوکره ، فضولی نه دن اوموضوعه دائر و مأخذلرینه  
متفوق بر صریقه السعراء یازمقله متشیع عد اولونسون !..

\*  
\* \*

### فضولینک فارسی دیوانی

یوقاریده ده دیمشدک که ، فضولینک فارسی دیوانی ، بو گونه قادار

طبع ایدلمه مشدر [۱]. یازما نسخه لرده يك نادر بولونور . بنم تدقیق  
ایتدیكم نسخه علی کمال بك مرحومك ایدی . شیمدی نره ده قالدی بیلمم .  
تدقیقاتی وقتيله شو یولده نشر ایتشدم :

فضولینك ألمده کی فارسی دیوانی ، آبادی کاغده محرر ، صحیفه لرك  
یازیسز کنارلری خارج قالمق اوزره ، اون دورت سانتیمتر و طول و تقریباً  
دوقوز سانتیمتر و عرضنده یوز سکسان بر صحیفه لك بر کتابدر . هر بیتك  
مصر اعلری یان یانه ، یالکز مقطعلری اوست اوسته ، یاخود آلت آلت  
یازلمش ، هر صحیفه اون بش بیتدن متشکل ؛ صوك صحیفه سی یالکز اوچ  
بیتی مسطور ، ناتمام بر غزل ایله قالمش اولدیغندن ، اون بیتی احتوا  
ایدییور . باشده کی اون صحیفه یی ده سطرلری آراسنه مصر اعلر ، بیتلر سرپد .  
یرلمش طمطراقلی بر مقدمه منشوره دولدورمش . بو حساب و تخمینه کوره ،  
کتابك مجموع محتویاتی ایکی بيك بش یوز آلمش بیت اولمق ایجاب ایدر .

دیوان شو اوچ بیت ایله بردن بره انقطاع ایدیور :

دی شنیدم جانب کلشن گذار افکنده  
درکل از رشك رخت ضد خارخار افکنده  
عرض عارض کرده درباغ برفصل بهار  
نقش باغ از چشم نقاش بهار افکنده  
لاله هراست بشکفته زطرف جویبار  
یا تو بر آینه عکس گذار افکنده (۲)

(۱) صحیفه ۹ .

(۲) ایشیتدم که دون یولکی کلشنه دوشورمش ، سنك یوزیکه حسدن کله یوزغصه و کدر  
ویرمشسك . موسم بهاره یاناغکی عرض ایدهرک ، نقاش بهارک کوزندن باغك نقشی  
دوشورمشسك . ایرماغک یانندن قیرمزی لاله می آچیلمش ، یوقسه سن چهره كك عکسنی  
یرآینه یه می دوشورمشسك .



بوراده دیوان بیتمش . اون ایکی صحیفه قادار یازلامش کاغد ، کتابک  
صوکنده مسطر سز دورویور .

غزلیات حروف هجاء صیره سیله ترتیب اولونمش . ها حرفنده یالکز  
یدی بیتلی برغزل ایله ، یوقاریده کی ناقص غزل وار . خطاطک بر صحیفه یی ،  
حتی برغزلی اتمام ایتمه دن براقش اولماسنه نظراً ، ناکهانی بر عارضه ایله  
کتابک استنساخی اتمام ایدیه مه مش . حرف یادن ایسه هیچ برغزل یوق .  
توحید ، نعت ، قصیده ، ترجیع و ترکیب ، مسدس و مخمس ، قطعه ،  
رباعی ، مفرد کی اقسام شعرده بوسبوتون مفقود . بواعتبار ایله المده کی  
کتابه دیوانه دن زیاده ، مجموعه غزلیات نامی ویرلک داها مناسب اولور .  
ها حرفندن نه قادار غزل قالدینی مجهول بولوندینی کی ، هانکی  
تاریخده ، کیمک قلمیله استنساخ ایدلمش اولدینی ده معلوم دکل .

بونقصانلرله برابر کتاب ، کرچکدن برخزینۀ نفائسدر . ایکی بیک  
بش یوز آلتمش بیت !.. همده بری برندن کوزل بیتلر . بویوک شاعر مزک  
بویوک کوکلی اوقادار یانیق که حالنی تقریره برلسان ، ایکی لسان ، اوچ  
لسان عادتاً کفایت ایتمه مش ؛ جوشدقچه یازمش ، یازدقچه جوشمش ...  
نهرلر ، عمانلر ، یانار طاغلر کی جوشمش . بوفارسی دیواننده ده اوپله  
کوز یاشلری ، اوپله اینجیلر وار که انسان باقمق ، اوقومق دکل ، ایچمک  
ایستیور .

\*  
\* \*

دیوانک مفصل و منشور مقدمه سی شو سطرلرله باشلار :

الله الله چه خزانه ایست معانی که از ابتدای خلقت اشیا اصحاب شرایع واهوا  
باختلاف مذاهب و آرا در احکام صواب و خطا بمراد و مدعا ازان صرف می نمایند

و چه سلسله کیست کلام که درهای آن خزانها را دانه دانه چه سان بسلسله ضبط کشید که هیچ معنی بی آن صورت نمیکرد و قطعاً نمی پذیرد

نیست مستغنی بسان جان و تن  
از سخن معنی و از معنی سخن

ترجمه سی :

الله الله ! .. معانی نصل بر خزینه در که ابتدای خلقت اشیادان بهری شریعتلرله بونلره مخالف طریقتلر اصحابی اختلاف مذاهب و آرایه و احکام خطا و صوابده مراد و مدعا یه اوندن صرف ایدرلر . و کلام نصل بر دیزیدر و او خزینه نك اینجیلرینی سلسله ضبط نه صورتله دانه دانه چکمشدر که هیچ بر معنی اونسر صورت بولماز و قطعاً صورتده قبول ایتمز . جان ایله تن کبی سوز معنادن ، معنی سوزدن مستغنی دکل .

بوندن صو کرا قلب انسانك کلامدن التقاط ایتدیکی جواهر فوائدی ینه بویله پر جوش و خروش برقچ سطرله بیان ایدرک ، سوزك سماوی منبع و قدسیتنی بر کرده کندی قلمنه شو قطعه ایله اعلان ایتدیریور :

بحقارت نتوان کرد نظر سوی سخن  
سخن آنست که از چرخ برین آمده است  
دل مامیل سخن چون نکند کان کوه  
خاصه از بهر دل ما بزمین آمده است

ترجمه سی :

سوزه نظر حفار تله باقیلاماز . سوز سمان کمشدر . کوکلز سوزه نصل میل ایتمز که او کوه بالخاصه بزم ایچون یر یوزینه اینمشدر .

بو طرز و مآله ایکی صحیفه قادار یازی یازد قدن صو کرا ، فقیر مستزاهم فضولی بی سرانجام قارئین اشعار یله حسب حاله باشلیور ؛ و نظر اعتبارینی هنکام صباوتنده کارخانه عالمه عطف ایدرک ، معشوقه تحصیل معارفی



منظور و پرستیده اتخاذ ایتدیکنی سویلیور . ذاتاً فضولینک قناعتنه کوره ،  
علمسز شعر تملسز بنادر . بونی دیوان تر کیسنک مقدمه سنده ده شو  
صورتله تکرار ایدیور :

... مشاطة همتم روا کورمدیکه مخدره حسن نظم پیرایه معارفدن خالی  
منصه دهرده جلوه قیله وصراف استعداد علوفطرتم رضا ویرمدیکه رشته سلك  
شعرم جواهر علمدن عاری کردن بند عالم اوله زیرا که علمسز شعر اساسی  
یوق دیوار کبی اولور و اساسسز دیوار غایتده بی اعتبار اولور پایه شعرمی حلیه  
علمدن معرا اولغی موجب اهانت بیلوب علمسز شعردن قالب بیروح کبی تنفر  
قیلوب برمدت نقد حیاتم صرف اکتساب فنون علم عقلی و نقلی و حاصل عمرم بذل  
اقتباس فوائد حکمی و هندسی قیلمغین مرور ایام ایله لالی اصناف هنردن شاهد  
نظمه پیرایه لر مرتب قیلدم و تدریجاً تبع احادیث و تفاسیر ایدوب فضیلت شعره  
خدمت اسنادی نقص همت اولدیغنک حقیقتن بیلدم ...

زماننده عقلی ، نقلی ، معلوم و مدون علمی تحصیل ایتمش اولدیغنی  
فضولی - ظاهرده متفاخرانه ، حقیقتده معصوم و محق برادا ایله - سویله -  
مکده و فارسی دیوانسک مقدمه سنه بو مناسبته شو قطعه یی ده درج ایتمکده در :

قانع بهر چه هست مشو زانکه در طلب  
حرص تو قدر و مرتبه افزون کند ترا  
کاری مکن که در طلب رتبه کمال  
تقصیر اهتمام تو مغبون کند ترا

ترجمه سی :

موجود ایله قناعت ایتمه که طلبده کی حرصک سنک قدر و مرتبه کی آرتدیرر .  
ورته کمالی طلبده تقصیر اهنمای ایش ایدینه که بو ، ینه سنی آلداتیر (۱) .

(۱) نامق کالک بومالی او قشایان ،

یوکسل هنرکله قانع اولما

احسان خدایه مانع اولما

بیقی فضولینک قطعه سندن داها قوتلی و داها کوزلدیر .

افسانه لیلی و مجنونه نده مجنونه سویله تدیکی ،

ترتیب عبارت و فصاحت  
عشق اهلنه در دلیل راحت  
راحتدن اولان بنم کبی دور  
کر صامت اوله دکللی معذور

سوزلرینی فضولی فارسی دیواننک مقدمه سنده ، باشقا بر طرز بیان ایله  
تکرار ایتد کدن و هر شاعری محیطک رفاهیلله ارباب کمالک مقارنت و اختلاطی  
کماله ایصال ایده جکنی سویله د کدن صو کرا ، کندی زمان و مکانی شو  
صورتله تعریف ایدیور :

... ازمن سودازده توقع این فن عجب است که مولد و مقام عراق عرب است  
زیرا که بقعه ایست از سایه سلاطین دور و بواسطه سکان بیشعور نا معذور  
بوستان نیست سروهای خرامانش کرد باد های صرصر سموم و غنچه های  
ناشکفته اش قبه های مزار شهیدان مظلوم بزمکاهیدست شرابش خون جگرهای  
پاره و نغمه اش نالهای غریبان آواره نه نسیم راحتی را بصحرای محنت فزایش  
گذاری و نه بیابان پر بلایش را زسحاب رأفت امید تسکین غباری درچنین ریاض  
ریاضت غنجه دل چگونه کشاید و بلبل زبان چه سراید .

ملیکی که درو نیست ز راحت اثری  
هرگز فرحی نکرده بروی گذری

ترجمه سی :

بن سودازده دن بو فنی اومحق غریبدر . زیرا طوغدیغم و مقیم اولدیغم یرعراق  
عربدر . عراق عرب ، حاکمک کولکه سندن اوزاق قالمش و شعور سز سکنه سنک  
آیله خراب اولمش بر اولکه در . بر بوستاندر که صالینان سرولری سام یلنک  
قاصیرغالری و آچیلماامش غنجهلری مظلوم شهیدلر مزارینک قبهلری در . برعیش  
وطرب مجلسیدر که شرابی جگر پاره لک قانی و نغمه سی ایشی ، کوچی اولیان غریبلرک



ناله‌لری در . نه محنت آر تديران صحراسندن بر راحت روزکاری کچر ، نه بلالره دولو بیاباننده غبارك صوسزلغنه امید تسکین اولابیله جك سحاب شفقتدن نشان وار . بویله محرومیت باغچه لرنده کوکل غنجه سی نصل آچیلیر ؟ .. و دیل بلبلی نه شاقیرر ؟ .. بر مملکت که ایچنده راحت یوقدر . و اوزرندن انشراح اصلا کچمه مشدر (۱) .

ایشته فضولینک بیچاره عراقی بزه بو حالده کلدی .. یداهالمزده دورت یوز سنه بو حالده قالدی . وینه بو حالده ، فقط هجرانی مؤبدآ کوکلر مزه یادکار ایدهرک ، کیتدی . شیمدی ایسه بی نصیب حضور ، بزه اوزاقدن کوز یاشلریله متحسرانه باقیور .

کوچدی مجنون خانه دهری بکا ایصارلادی  
بر خراب اودر قالیر دیوانه دن دیوانه یه

یتتی ، صانکه فضولینک دار و دیارینه نوبت بنوبت تملک ایدنلر لسانندن سویله نمشدر .

فضولی مولد و مقامنی بویله مجمل و جانلی صورتده تصویر ایتدکن  
صوکرآ ، تصوف جهتنه صاپیور ؛

... صحبت سلاطین سرمایه حسد ، نشوة شراب موجب عذاب ابد ، مصاحبت  
تدما مانع خلوت خیال ، کثرت مال باعث غفلت اهل حال ...  
اولدیغنی سویلیور .

استادم جناب شهاب الدین ، هرذکایه غذا اولان بی نظیر یازیلرینک  
برنده استرزا ، ذاتک حقوق طبیعه منمندر ، دیمشدی . فضولی ده کندی

(۱) ( فضولینک غیر مطبوع اشعاری ) نامیله فائق رشاد بک مرحومک طبع ایتدیردیکی  
رساله ده عراق عربک اووقتکی احوالنه تعلق ایدن بوسطرلرک انتشارینه استبدادک سانسوری  
مساعده ایتمه مشدی .

ذکاسنک او حقندن فرصت دوشدکجه استفاده ایتمکده هیچ قصور ایتمه مش .  
مصاحبت نرمانک و کثرت مالک ضرر لرینی قید و تعیین ایتد کدن صو کرا ،  
... المنه لله دیاری داری که ازین آفتها دور ... (۱)

دیور .

\*  
\* \*

فضولی ، فارسی دیوانک سبب ترتیبی شو صورتله ایضاح ایتمکده در :  
یولی بر کون بر مکتبه او غرامش ؛ اوراده بر عجم دلبرینه راست  
کمش ؛ بودلر شاعر دن بعض ابیات ایسته مش ؛ شاعرده عربجه ایله  
تورکجه دن بر قاچ بیتنی او قودینی کی ، بوا بیاته قصائد و معنیاتندن بر طاقم  
لطائف ده علاوه ایتمش ؛ فقط عجم کوزلی ،

— بونلر بنم لسانله دکل ؛ بکا فارسی ، همده عاشقانه غزلار او قو .

دیمش . ایشته غزلیات فارسیدن مرتب بودیوانک سبب ترتیبی او عجم  
کوزلی ایتمش .

فضولی بونی ، هیچ شبهه یوق که ، تشبیب طریقله سویلیور . حقیقی  
بروقعه اولدیغنه صافدرونلرله ، شعرانک بو کی عادات و تعاملنی بیلمینلردن  
باشقا کیمسه اینانماز . شوندن یالکیز بو حقیقی آکلیورز که دیوان فارسینی  
صرف غزلیات عاشقانه دن عبارت اشعارندن ترتیب ایدهرک ، ترکی دیواننده  
مندرج فارسی ترکیب بند ایله قصیده سنی بیله بورایه نقل ایتمه مش . عجمجه  
باشقا اشعاری وارمی ، یوقمی ؟ . بونی تعیین ایتک بزم ایچون ممکن دکلدرد .  
شوقادار که المزده کی نسخه نک ترتیب اصلی یه موافق اولدیغنه حکم ایده بیلیرزم .

(۱) اللهه شکر ، بر مملکتک وار که بو مصیبتلردن اوزا قدر .



شاعرك يالكر تور كچه اشعاريني تدقيق ايتمش اولان رضا توفيق بك ، فضولى يه حافظ سیرازی مقلدی دیور [۱] . فضولىنك طرز يله حافظك طورى آراسنده ، هيچ ... اما هيچ بر مشابعت و مناسبت يوقدر . فارسى اشعارينه كلنجه : ايرانى دوستلرم كو جنمه سينلر ، فضولىنك فارسى غزللرى حافظك ككندن داها عاشقانه و داها جوشقوندر .

بو ادا عايله نه فضولى يي بويوتمك حدناشنا سلغنده بولونويورم ، نه حافظى كو چولتمك قدر نادانلغنده . اعتقاد مچه فضولى بويوتمكه حافظ هيچ بر زمان كو چولمش اولماز . ايكيسى ده - تعبيرك غراقتى معذور كورولسون - نامتناهيدكه بگزهرلر . فضولىنك ايكي بيك بش يوز آلتش بيتى آراسندن بر غزل انتخاب ايتمك ايسته دم . هپسى برى برندن كوزل . قوجا كتابى - جزئى بر تنقيح ايله - همان عينا نقل ايتمك وجوبى قارشيسنده متحير قالم . تفأل ايدر كى آچديغم بر صحيفه سندن شو غزلى كليشى كوزل آليورم :

مراى شمع ميل كزيه شد در هجر يار امشب  
توبنشين كزیه جانسوز را با من كذا را امشب  
بياد شمع رويش خواهىم از سرتا قدم سوزم  
برو اى اشك و آب از آتش من دوردار امشب  
فكندى وعده قتل بفر دايك ميترسم  
كه دير آيد سحر من جان دهم در انتظار امشب  
نهان از خلق دارم عزم كويش حسبه الله  
مرا رسوا مكن اى ناله بى اختيار امشب  
مرادر كزیه امروز نقداشك شد آخر  
نميدانم چه سازم كر رسديارم نثار امشب

(۱) عبدالحق حامد وملاحظات فلسفيه سى ، مؤلفى رضا توفيق ، صحيفه ، ۴۹۷ .

متاع خوا برا بر بوده اند از مردم چشم  
مکر بخت بد افکنده است سوی من گذار امشب  
فضولی راقراری بود شبها بر سر آنکو  
چوراندی از سر کویت کجا کیرد قرار امشب

### ترجمه سی :

ای شمع ، هجر یار ایله بکا بو کیجه آغلامق میلی کلدی . سن او طور ؛ جان یاقان  
کریه یی بو کیجه بکا براق . شمع روینک یادیله باشند آیاغه قادار یاغی ایسته رم .  
کیت ، ای کوز یاشی ، صویکی بو کیجه بنم آتشدن اوزاق طوت . بنی تولدورومک  
وعدینی فردایه براقشسک ؛ قورقارم که سحر کج کلیرده بن بو کیجه انتظار ایچنده  
تولورم . اونک سمتنه کیتدی کمی خلقدن کیزلیورم ، ای اختیار سز ناله ، بنی بو  
کیجه رسوا ایتمه . بو کونکو آغلاشده نقد سرشکم بیتدی ؛ یارم بو کیجه  
کلیرسه صاچیش ایچون نه یا پا جغمی بیلمیورم . کوز بیکمدن اویقو متاعنی غصب  
ایتدیلر ، غالباً کوتو بختک یولی بنم طرفه دوشمش . فضولی کیجه لری محله کده  
قرار قیلمش ؛ اورادن قوغار سهک بو کیجه نره ده قرار قیلسین .

\*

\* \*

فضولینک سبب تخلصنی ایضاح ایدن افاداتی آراسنده کی بر قطعه سنی ،  
فارسی یازما دیواننک مقدمه سندن نقل ایله بو کتابه درج ایتشدم [۱] .  
فائق رشاد بک مرحوم طرفندن طبع و تمثیل اولونان و فضولینک غیر  
مطبوع اشعاری ، نهایتنه او مقدمه ده علاوه ایدلمش اولدیغندن ، خطالی  
اولدیغنی ایضاح ایتدیکم او قطعه یی بو مقدمه ده ، مصحح بولدم . نقل  
ایدیورم . بو صورتله تصحیح ایدلمه سنی رجا ایدرم :

کرد بدنامی ترا از اختلاط خلق دور  
عزتم شد موجب مشغولی کسب هنر



منت ایزد را که شد نیک آنچه بد پنداشتم  
خار من کل خاک من زر گشت سنک من کهر

### صحت و مرض

فضولینک (صحت و مرض) آدلی فارسی بر اثر منشوری بولوندیغنی  
تذکره لر، کندی زمانندن بری یازار لر . تورکجه یه مکرراً ترجمه و طبع  
ایدلمش اولان بورساله نیک متن فارسیسی حسین زاده دو قنور علی بک بکا  
اعاره ایتمک لطفنده بولوندی . ۱۲۴۲ سنه هجریه سنده (میلادی، ۱۸۲۶)  
کوزل تعلیق یازی ایله استنساخ ایدلمش یازما برنسخه ایدی . بو کتابی  
دو قنور علی بکه، اصلاً تبریزی، بالاخره باکوده متوطن، ارباب دانشدن  
عبدالرحیم طالبوف نامنده بر ذات اهدا ایتمش .

کتابک نه ایلمک صحیفه سنده، نه باشقه طرفنده صحت و مرض عنوانی  
محرر دکلدی . یالکیز جلدینک اوستنه یاشدیرلمش بر بیاض کاغذ اوزرینه  
روهنامه یازلمشدی . اعتقاد مجه بواسم، او اثره داها مناسبدر . چونکه  
موضوعنی صحت و مرض دن زیاده احاطه وافاده ایدیور . تورکجه یه ترجمه  
ایدیلیرکن اک باشده کی شو بر قاج سطر اهمال و ترک ایدلمش :

حمد یحد احدیرا سزا است که ریاض بدن را بآب جوی عشق پرورده و حسن -  
رامظهر عشق و عشق را زیور حسن کرده و درود ببعده معتمدیرا رواست که علم  
او عقل را پیرایه و عقل او علم را سرمایه است صلی الله علیه و آله اما بعد معتکف زاویه  
انکسار فضولی خاکسار را ...

ترجمه سی :

حمد یحد، ریاض بدنی جوی عشق صویاه بسلهین و کوزلاکی عشقه مظهر  
و عشقی کوزلاکه زیور ایدن رب احده سزا و دعای لایعه، علمی عقلا پیرایه و عقلی

علمه سرمایه اولان ملاذ امن وامان صلی الله علیه وآله حضرتلرینه روادری .  
 بوجیهی ادادن صوکران زاویه انکسارک معتکفی فضولی خا کساره ...

رساله صحت و مرصه ک ویا روحنامه نک مترجمی حقننده کی استیضاحه  
 ابن الامین محمود کمال بک افندی معلومات آتیه بی لطفاً و تحریراً اعطا ایتمشدر در:

فضولینک ابراز بویورولان (روحنامه) نامنده کی فارسی عبارت رساله سنک  
 ترجمه سنی کوردیکی سویله مشدم . (صحت و مرض) نامیله موسوم اولان بو  
 رساله - مقدمه ده بیان اولوندیغنی وجه ایله - لیب افندی به ترجمه ایتدیریلوب  
 طبع ایدلک اوزره ایکن، طلب واقعه بناء عبدالحق منلایه ویرلمشدر [۱] . مشارالیهک  
 وفاتیه استرداد ایدیله مدیکی کبی ، مسوده سی ده محترق اولدیغندن ، ۱۲۷۳ ده  
 لیب افندی به تکرار ترجمه ایتدیریلهرک ، بویوکجه قطعه ده ۱۶ صحیفه اولارق ،  
 طبع ایدیلشدر . هانکی تاریخده ، هانکی مطبعه ده طبع اولوندیغنی محرر دکلدر .  
 غلطه کومروکی تحریرات باش کاتبی الحاج محمد راغب بک ده کوچوک قطعه ده ،  
 ۳۶ صحیفه اولارق ، ۱۲۸۲ تاریخنده و جریده حوادث مطبعه سنده باصدیرمشدر .  
 مترجم لیب افندی ، تقویم وقایع و مطبعه عامره ناظر استبقی در . ۱۲۸۴ ده  
 وفات ایتمشدر .

لیب افندی روحنامه بی ، شیوه قدمایی تعقیب ایله ترجمه ایتمشدی .  
 داها آچیق اسلوب ایله اولان دیگر برترجمه سی ۱۳۲۷ سنه هجریه سنده  
 طربزوننده طبع اولونمشدر .

اثرک موضوعی روح ک به به دیارینه سیاحتیه مصادف اولدیغنی احوال  
 کونا کون تشکیل ایدر . کاشکی روحنامه نامیله ترجمه ایدلسهیدی ! .  
 چونکه صحت و مرصه بو کتابده اصل دکل ، فرعدر . علم النفسدن منافع -  
 الاعضایه قدار بر طاقم مباحث بو کوچوک رساله به متصوفانه برلسان ایله ،

[۱] عبدالحق منلا ، بویوک برادری بهجت افندیدن صوکره سلطان محمود ثانی به  
 مراظبا اولمش و بوماریتی عبدالمجیدک دور سلطنتنده دوام ایتمشدی . شاعر اعظم عبدالحق  
 حامد بکک پدری خیرالله افندی عبدالحق منلانک یکانه مخدومی در .



رمن و خیال شکننده درج ایدلمش . فضولینک حس و شعورینه حاکم  
اولان حسن و عشق بو شاعرانه اثر منشور دده ترتیل و تجیل اولونویور .  
ذاتاً فضولینک منشور ، منظوم هراثری حسن و عشقه عرض ایدلمش  
بر عبادت حسیه و فکریه در . روینامه نك ترجمه سی موجود اولدیغندن ،  
فضله ایضا حاته لزوم کور مدم .

\*  
\* \*

### محاوره رندوزاهد

بوده فضولینک لسان فارسی ایله محرر و روینامه دن چوق مفصل  
بر اثر منشوری در . متعدد قطعه ورباعیلر کتابك هر طرفه سرپيلمش .  
اصلی کور مدم . تورکجه یه هجرتك بیک ایکی یوز اون دو قوز تاریخنده  
ترجمه ایدلمشدر ( میلادی ، ۱۸۰۴ ) . مترجم ، کندی شخصی وهویتنی  
یالکز شوسوز لرله تعریف ایدیور :

... بوبادیه نورد هوس یعنی ( سالم ) زاروبیکس که او ان طفولیت و وقت بیفدرتی  
وطاقتدن الی هذا الان تحصیل معارف و هنر ده سعی و کوششه صرف اوقات الخ ...  
مترجم سالم افندی اثرینی سلیم ثالثه تقدیم ایتمش و کندی تعبیر نجبه ،  
علی فوق الطامول مظهر احسانه و عطا اولمشدر . فطین افندی تذکره سی نده  
مندرج ( سالم ) آدلی شعرانك هیچ برینی بو اثرك مترجمیله تألیف ایده -  
مدیکمدن ، ینه ابن الامین محمود کمال بك افندی یه مراجعت ایتدم . مدقق  
بی همال شو سطرلری ارسال بویوردیلر :

سالم ۱۲۱۵ ده ( منظومه خسرو و شیرین ) یازوب ، سلطان سلیم ثالثه

تقديم ايتديگنى ، مظهر احسان اولديغنى ، برمدت ( خدمت اکابرده مستخدم وینه سریعاً مبتلای دوری و الم اوله رق ) انزوا ایلدیکی ائناده - که ۱۲۱۹ سنه سی در - فضولینک ( محاوره رند وزاهد ) نامنده کی اثرینی فارسیدن تورکجه یه ترجمه ایتدیگنی مقدمه ده سویلیور .

بروسه لی طاهر بکک ( عثمانلی مؤلفری ) نده و کوپرولو زاده فوآد بکک ( فضولی حیات و اثری ) عنوانلی اثرنده ( ۱۲۱۵ ده اسکداری مصطفی سالم افندی ) طرفندن ترجمه ایلدیگنی سویلیور . بوذاتک ( اسکداری ) و ( مصطفی ) اولدیغنی نره ده کوردکارینی بیلمم . البته بریرده کورمشلردر که یازمشلردر .

خدمات اکابرده برمدت مستخدم اولان غیر معروف بر ( سالم ) ک دکل ، اکابردن معدود اولان ( سالم ) لک بیله ترجمه خالترینک ضبط اولونمادیغنی معلومدر . مجهول صرفدن استخراج معلوم ، هذیان محوم قبیله ندر . بنابراین هر صورولان شیئه جواب ویرمه یئر معذور کورولمه لی درلر ...

بو سالم کیم اولورسه اولسون ، ذاتی اولمقدن زیاده اضافی بر اهمیتی حائز ایدی . بونک ایچوندر که کیم اولدیغنی او کر نمک ایسته مشدم . محاوره رند وزاهد دن احتمال که ذوق آلانلر واردر . و متن فارسیسی تحری ایدلسه استانبولک عمومی ، خصوصی کتبخانه لرنده بلکه بولونور . فقط بن بو اثرده فضولینک روحنی حتی روحنامه ده اولدیغنی قادارده بولامادم . هر یقه السعرا ایله لیلی و مجنونه ک باغری یانیق شاعری ، محاوره رند وزاهد ده براز متصوف ، براز خیال پرداز ، براز مضمونساز ، براز ناصح و پک چوق عقلادر . بونک ایچوندر که نه اصلنی استانبول کتبخانه لرنده تحری ، نه ترجمه سنی بو صحیفه لرده تحلیل ایتدم .



## فارسی ساقی نامه

تورکجه کلیات آثاری آراسنده فضولینک اوچیوز یکر می یدی بیتدن  
 متشکل بر فارسی ساقی نامه سی وار . بوساقی نامه پی شاعر فارسی دیوانه  
 ادخال ایتمه مشدی . دیوانک ینه فارسی مقدمه منشوره سنده دیدیکی کی ،  
 بودیوان صرف عاشقانه غزللردن مرکبدر . فارسی برقصیده ایله ترکیب  
 بندینی بیله غزل اولمادقلری ایچون ترکی دیوانه درج ایدن فضولینک  
 بو ( ساقی نامه ) پی مستقل رساله شکیلده تدوین ایتمش اولدیغنه قوتله  
 احتمال ویریه بیلیر . چونکه مصرله استانبولاک اسکی و شایان اعتماد  
 طبعلرنده یالکیز قصیده ایله ترکیب بندی محتوی نسخه لره تصادف اید .  
 لکده در . ساقی نامه استانبولاک تمثیلات متأخره سنده مندرج بولونویور .  
 ساقی نامه *شهرنامه فردوسی* وزننده ، یعنی بحر متقاربیه تنظیم ایدلمشدر .  
 ناظم اثر ، یدی جام چکدکدن صوکر ، هر جامی متعاقب آلات  
 موسیقیه دن بریه مناظره ایدیور . اوتوز سکر بیتدن عبارت اولان  
 مقدمه سی ، شاعرک عشرتدن نه پی قصد ایتدیکنی و مشرب و مذهبی  
 کوستردیکی ایچون ، اعتقاد مزجه ، آثار مهمه سندن در . بونک ایچوندر که  
 متنی ایله ترجمه سنی برلکده بوصحیفه لره نقل ایتکی موافق کوردک :

سراز خواب غفلت چو برداشتم  
 لوای فراست برافراشتم  
 فکندم باثار حکمت نظر  
 بمعموره صنع کردم کذر  
 ندیدم به از میکده منزلی  
 چوپیر مغان مرشد کاملی

باو دوش نالیدم از جور دور  
 که بر من چرا میکند دور جور  
 خردمند پیری پسندیده رای  
 ز کارم چنین کشت مشککشای  
 که در رشته آرزویت کره  
 ز عقلست بر دور تهمت منه  
 خرد را خیالات بیهوده است [۱]  
 خلاف قضا هر خیالی که هست  
 به تغییر آن هست توأم الم  
 اگر رستی از عقل رستی ز غم  
 بدار الشفای مغان آر روی  
 مداوای آن علت از باد جوی  
 مطیع است دوران بدور قدح  
 زدور قدح جوی دائم فرح  
 منه بردل از دور دیرینه داغ  
 مچین جز کل می ازین هفت باغ  
 ز سیر کواکب مشو تلخ کام  
 مجو جز می جم ازین هفت جام [۲]  
 طرب کن چو خورشید کیتی فروز  
 بزین قدح هفته هفت روز  
 چو یکشنبه آید چنان می بنوش  
 که یکشنبه دیگر آبی بهوش  
 گراز بهر صرف میت نیست زر  
 بکو بشکند قرص مهر و قر  
 دوشنبه بخور تا دوشنبه شراب

[۱] بومصراع مطبوع نسخه ده ( خرد را خیالات بیهوده هست ) شکننده یا زلمش سده  
 یا کلیدش در . دوغروسی کوستردیکمزکی اولوق محتمل .  
 [۲] بومصراع ( مجو جز می جام ازین هفت جام ) شکننده مطبوع ایسه ده ، برنجی  
 ( جام ) ك ( جم ) اولماسی دها معنیدارد .



زمی ریز بر آتش غصه آب  
 ورت نقل باید ز کردون بخواه  
 که از بهر تو بشکند قرص ماه  
 چونوشی سه شنبه می ارغوان  
 بدیگر سه شنبه رسان دور آن  
 و کر زاهد از منع گوید سخن [۱]  
 اشارت بمریخ بدمست کن  
 زمی چار شنبه چویابی نشاط  
 مچین تاد کر چار شنبه بساط  
 طلب کن که گردد بیزمت ندیم  
 عطارد بتار یخهای قدیم  
 کرت پنج شنبه بکف جام هست  
 منه تاد کر پنج شنبه زدست  
 به مستیت جزمی که رفت از خیال [۲]  
 ز بر جیس هشیار دل کن سؤال  
 بجمعه بجمعی زار ناب دل  
 بخور تاد کر جمعه می متصل  
 ورت ساز باید اشارت نمای  
 که خینا کری زهره آرد بجای  
 چو شنبه شود بخود از بادیه باش  
 وزان تاد کر شنبه افتاده باش  
 و کر باید از هر کز ندت امان  
 زحل را بدر بانی خود نشان  
 بساقی کلرخ اشارت نمای  
 ره بسته را بر دل من کشای

[۱] سوزمقابلی اولان (سخن) سینک ضمی و خانک فتحیله او قوندیغی کبی ، سینک فتحی  
 و خانک ضمیله ده مستعملدر . بوراده قافییه ایکنجی شکلنده قرائت ایدلمکی ایجاب ایدیور .  
 [۲] بومصراع ( به مستیت جزمی که رفعت از خیال ) صورتنده ترتیب ایدلمش سه ده  
 وزن ومعنی ایجابی مطبوع مأخذ مرده ( رفعت ) ک ( رفت ) اولدیغی صراحة کوستریور .

که بردار بار از دل این فقیر  
 فتاد است اورا بمی دستگیر  
 می ده که گیرد خرد نور ازو  
 نه آن می که گردد خرد دور ازو  
 می ده که زو شرع گیرد نظام  
 نه آن می که در شرع باشد حرام  
 ز ساقی بارشاد پیر مغان  
 چو جامی گرفت من ناتوان  
 از آن جام دل نشئه شوق یافت  
 فرح بر فرح ذوق بر ذوق یافت  
 برویم در معرفت باز شد  
 دل خالیم مخزن راز شد  
 عفی الله ای ساقی تیز هوش  
 که کردی نظر بر من درد نوش  
 ز می قفل بکشادیم از زبان  
 که ظاهر کنم بر تو راز نهان  
 کنون غافل از من مشو می بده  
 لبالب بدار و پیایی بده  
 بسبع المثانی که تاهفت جام  
 پیایی بده کاسه پر کن تمام

ترجمه سی :

غفلت او یقوسندن باشمی قالدیردیغم وقت فراست سنجاغنی رکز ایتدم .  
 آثار حکمته باقدم . و معموره صناعه کچدم . میخانه دن آبی بر منزل و پیرمغان  
 کبی بر مرشد کامل کورمدم . دون کیجه اوکا جور دوردن اینلیه رک شکایت  
 ایتدم . دیدم که : « بکادوران نه دن ظلم ایدیور ؟ » مدوح الرأی بر اختیار مشکلی  
 شو صورتله حل ایتدی ، دیدی که : « سنک رشنه آرزو کده کی عقده ، عقلمندر ؛  
 دورانی اتهام اتمه . قضا و قدره مخالف اولان هر خیال ، عقل ایچون خیالات



بیهوده دندر . حکم قضای تغیرہ تثبث ، المله توأمدر . عقلدن قور تولورسہک ،  
 غمدن خلاص اولورسہک . آتشپرستلرک دارالشفا سنہ [ ۱ ] توجہ ایت . سن دردیکہ  
 شرابدن دوا آرا . دوران ، دور قدحہ مطیعدر . فرحی دائماً قدحک دورندہ  
 آرا . کوکلکی بوکھنہ فلککہ داغدار ایتہ . بویدی باغده [ ۲ ] شرابک کلندن باشقا  
 برشی طوپلاما . ییلدیزلرک سیریلہ تلخکام اولما . وجام جمدن باشقا بویدی قدحدن  
 برشی آراما . جہانی تنویر ایدن کونش کی آلتون قدحلہ ہفتہ نک یدی کونی  
 ذوق وصفاسور . بازار کلنجه ، اویلہ شراب ایچ کہ کلہجک بازارہ آنجق آیلاسک .  
 اگر شرابہ ویرہجک آلتونک یوقسہ ، سویلہ ، کوک آیک ، کونشک قرصنی قیرسین .  
 بازار ایرتہ سندن بازار ایرتہ سنہ قادار شراب ایچ . وغصہ آتشنک اوستنہ شرابدن  
 صودوک . اگر سکا مزہ لازم ایسہ فلکدن سنک ایچون قرص قری قیرماسنی  
 ایستہ . صالی کونی قیرمزی شرابی ایچرسہک اونک دورینی کلہجک صالی بہ قادار  
 تمید وایصال ایت . اگر زاهد ، منع ایچون سوز سویلرسہ ، بدمست اولان  
 ( صریخ ) ہ اشارت ایت [ ۳ ] . اگر شرابدن چارشنبہ کونی نشاط بولورسہک  
 کلہجک چارشنبہ بہ قادار عشرت سفرہ سنی قالدیرما . ( عطارد ) ک اسکی تاریخلریلہ  
 کاوب بزمکدہ ندیم اولماسنی ایستہ . اگر پنجشنبہ کونی الکدہ جام اولورسہ  
 بوقدحی کلہجک پنجشنبہ بہ قادار آلدن براقا . سرخوشاغکدہ شرابدن باشقا شیلری  
 اونودورسہک کوکلکی اویانیق اولان ( مشتری ) دن صور . جمعہ کونی ارباب  
 دلدن بر جمعیتلہ تا کلہجک جمعہ بہ قادار بلافاصلہ ایچ . اگر سکا چالنی لازم اولورسہ  
 سازندہ وخوانندہ لکی اجرا ایتہ سنی ( زہرہ ) یہ اشارت ایت . جمعہ ایرتہ سی  
 اولونجه شراب ایلہ کند کدن او قادار کج کہ کلہجک جمعہ ایرتہ سنہ قادار یرہ سرلمش  
 قالاسک . ضررلردن سکا امان لازم ایسہ ( زحل ) ی کندیکہ قاپچی ایت .  
 کل یاناقلی ساقی یہ اشارتلہ ، دی کہ : ( قاپالی یولی کوکلہ آچ . و بو فقیرک  
 کوکلندہ کی یوکی قالدیر . اودوشکوندیر ، اوکا شراب ایلہ دستگیر اول . بکا اویلہ  
 بر شراب ویر کہ عقل اوندن نور آلسین . عقلی کندیسندن اوزاقلاشدیران شراب

[ ۱ ] ( آتشپرست ) ویا ( عجوسیلر ) دیمک اولان ( مغان ) ک ( دارالشفا ) سندن  
 شاعرک مقصدی میخانہدر .

[ ۲ ] یعنی ییدی کوک . بر بیت آشاغیدہ کی ( ییدی قدح ) دہ بویلہ .  
 [ ۳ ] ( صریخ ) اعتقاد قدماہ کورہ ، حرب الہیدر . ( عطارد ) ک ( منشی فلک ) ،  
 ( زہرہ ) نک ( الہ حسن ) و ( مشتری ) نک ( قاضی فلک ) اولدقلرینہ اعتقاد ایتدکلری کی .

دكل) . پيرمغانك ارشاديله ساقينك آلدن بن ناتوان قدحى آئينجه ، او قدح دن  
دل نشوة شوق ، فرح اوستنه فرحله ، ذوق اوستنه ذوق بولدى . معرفتك  
قاپيسى يوزمه آچيلدى . وبوش كوكلم مخزن اسرار اولدى . اى كسكين عقللى  
ساقى ، الله سنى عفوايتسين كه شراب طورطوسيله كفاف نفس ايدن بكا باقدك .  
ديلمده كى كليدى شراب ايله آچدك كه سكا كيزلى سرمى اظهار ايديم . آرتق بنى  
اونو تيارق ، لباب دولو قدح لرله ، برى برينى متعاقب وير . فاتحه شريفه حقيچون  
يدى قدح موجود اولدجه ، كاسه يى تماميله دولدورارق متصل وير [۱] .

بومقدمه ده **فوق العاده دينه جك** برشى يوقدر . يالكز شاعرك  
عياشلقدن نه يى قصد ايتديكى كوسترديكى و بنت العنبدن تحاشى ايله ،  
شراب دن مقصدى ، عقلك كنديسندن نور آلدغى وقاچمادىغى ، باشقا  
وغيرمادى برمايع مبارك ، يعنى **عشور** اولديغنى سويليور . عشق ، دائما  
عشق .

بو ساقى نامه ، فضولى يى بعض اشعارندن استدلال ايله ، مألوف  
عشرت ظن ايدهرك ، اتهام آلتنده بولوندوراجق اولانلره قارشى مدافعه  
ايدن بر اثر در .

\*  
\* \*

## فضولينك عربى ديوانى

فضولينك عربى ديوانى كورمدم . جميل زهاوى ومعروف الرصافى  
كى ، بر حيات عرب شاعرلرينك اك بويوكلرندن اولان ذوات ، فضو-  
لينك عربجه ده ده بك مقتدر براستاد بيان اولديغنى بكا سويلديلر . كرك

[۱] ( فاتحه شريفه ) اصلنده ( سبع المثانى ) در . بوراده كى ( هفت جام ) ايله يدى  
قات كو كى قصد ايديليور . ذاتاً ساقى نامه نك بومقدمه خارجنده كى ايكى يوز سكسان دو قوز  
بيتى يدى آلت ترنمله مناظره يى متضمن در .



معروف الرصافي ، كرك جميل زهاوی افنديلر ، سعدی ايله حافظك  
عربجه نظمى يالكر فضولينك اشعارى دوننده دكل ، حد ذاتنده ده  
دكر سز بولدقلىرىنى كتم ايتيورلردى . بو خصوصده مطالعه درمیان ایتك  
وحكم ويرمك صلاحيتم خارجنده اولديغندن ، او ايكي بويوك عرب  
شاعرينك رايلىرىنى نقلی ایتكله اکتفا ایتدم .

\*  
\* \*

### فضولينك ديكر اثرلىرى

يوقاریده بحث ايتديكمز آثارندن باشقا ، فضولينك ( ترجمه حديث  
اربعين ) ايله ( شاه وكدا ، انيس القلب ، رساله سما ) ادلى اثرلىرى اولديغنى  
( تذاكر شعراء ) اصحابى ايله مؤلفلىر سويليورلر . شاعرك ديكر مخلصاتى  
آراسنده ، اهميت سز قالان و برقىمى ضياعدن مصونيتنى بيله تأمين  
ايدمه مش اولان آثارى ، فضولينك حیات ادبيه سنده ، يالكر اسما  
ياشامقده در .

\*  
\* \*

## فضولينىڭ لسانى واسلوبى

... كۈنش ظلمتدن دوغدىغى كې ،  
اكثر اقوامك اك بويوك شاعرلىرى  
جهالت زمانلرنده ظهورايدە كلىشدر .

بوسوز ، نامق كالكدر . استاد اكرمك تعليم ادبيات يئە اولان  
معظم تقريضنده درميان ايدر . وطنپرور اديب اعظم ، حادثه يي قيد ايله  
اكتفا ايدەرك ، سببىنى ايضاح ايتيور . فى الحقيقه همان هر لسانك اك  
بويوك شاعرلىرى ، اكثر يا اولسانك اوائل تشكلىنده ، ظهور ايتمشدر .  
بونلرك ابتدائى ، بسيط بر لهجه ايله ابداع ايتدكلرى اثرلر ، دائماً ممتنع -  
التنظير قالدى . يونانى ارميروس ، لاتىن لوفرهج و وىرئيل ، عربك  
معلقات شاعرلىرى ، فرسك فردوسى سى ، ايتاليانك داتة الكيرى سى ،  
انكليزلرك مكسيميرى كې ، بزم فضولى دخى لسانمرك - كندى تعبير نجه -  
بيان وقايع دشوار واكثر الفاظى ركيك و عباراتى نالهموار اولدىغى بردورنده ،  
ممتنع التقليد و مخلص اثرلر ينى ابداع ايتمشدر .

ديرلركه : ايتاليان كمانى اشهرى ياغانينى ، بعضاً كاننك تك برتلى  
اوزرنده خارقه لر كوستررمش . استاد ، بونى البته بر موسيقى جانبازلىغى  
ويا عوامفريبانه بر صنعتفرو شلق اولمق ايچون اختيار ايتمزدى . أئنده كى  
آلت ترنمك محدوديت و عجز ينى تعديل ايچون ، صنعتكارك روحى داها  
زياده جهد و قدرت صرف ايتمكه مجبور اولدجه ، كانك بوتك و بيكس



تلندن اووقته وبلکه بوکونه قادار ایشیدلمهش حیرت آور و غشی آور  
نغمه لر دویولدی .

نامق کمالک سبینی ایضاح ایتهدن قید ایتدیکی حادثه ، بنی سنه لرجه  
دوشوندورمشدی . لاتین اشعاری حقنده عمومی بر فکر ایدینک مقصديه  
بر زمان او قومش اولدیغم فرانسه زجه کوچک بر کتابک ، عادتاً نظر کریز ،  
بر قاج سطری ، ذهنمده پا صلا نمش ، قالمش اولان عقده بی حل ایتدی . [۱]  
میلاد عیسادن بر عصر قادار زمان اول دنیا یه کلمش اولان لوقره  
دورنده لاتین لسانی یونانجه نیک تحکمی آلتنده ورشد واستقلالانی اعلان  
ایدمه مش ، هنوز ایترائی بر حالد ایدی . طبق فضولینک دوری ولسانی  
کبی ... لوقره لایموت اثرینی لاتینجه نیک تکمیل ایتک شویله دورسون ،  
تشکلانی بیله اتمام ایدمه مش اولدیغی بر دورده وجوده کتیردی . هر  
قومک آباء اولین شعری ، روحلرینک محسوسات شدید سنی آلا رنده کی  
آلت بیانک ، یعنی لسانک افهام ایتکه یتیشه مه دیکی ومضطر قالدیغی زمانلر ،  
کندیلرندن صو کر اکلن لهجه لری دوز کون وزنکین صنادید بیانی عاجز  
وحیران بر اقا جق الهاملره مظهر وایشته اوزمان فوق العاده وخارق العاده  
اولورلر . بزم فضولینک ده سر موفقیتی بودر .

اکثر الفاظی رکبک و عباراتی ناهموار اولان بر لساندن اونک صرصر

[1] Il (Lucrèce) a le charme des primitifs qui, ne disposant que d'un instrument imparfait, font effort pour lui faire rendre ce qu'ils sentent vivement, ont souvent des trouvailles heureuses et frappent plus fortement que leurs successeurs, servis par une langue plus maniable et une versification plus correcte.

تحمسائی او یله درین شعر لر قوپاروب آلدی که بزبو کون دوز کون و آهنگدار  
لهجه مزله بو بدایعک قارشوسنده ، مهوت و حیران ، عجز مزی اقرار  
ایتمکدن باشقا برشی یاپامیورز .

مشکلاتی اقتحام ایله محالاتی ویا اووقته قادار محال ظن اولونان شیلری  
دائرۀ امکانه ادخال ایتک : ایشته هر داهینک یاپدیغی بودر . روحک  
تقاضای تحسسی قارشیدسنده بشرک عجز بیانی هیچ برشاعر بزم عبدالحق  
حامد قادار موفقیتله تصویر ایده مدی . مقبر مقدمه سنده کی شو بر قاج  
سטרک معناسنی ، قرق سنه لک حافظه آشنا لغندن صو کره ، آنجق شیمدی  
آکلیا بلیورم :

... فقیرک بر اثری اولدیغی چون مقبری شعر دییه تلقی ایتک ایستین ، او قورسه  
مطالعہ سنده بزم شاعر لکمدن بر نشان بولماز . آنجق دوشونور ایسه بر فریاد  
دویار که بونی بر شعر ظن ایدر . او فریاد ، بشرک عجزیدر .  
اک کوزل ، اک بویوک ، اک دوغرو شعر بر حقیقت مده شه نک تضییق  
آلتنده هیچ برشی سویله مه مکدر . مقبر ایسه خطابت ایدیور .  
انسان ، بعض کره ، خاطرینه کان بر خیالی طانیاماز ؛ او قدر کوزلدر .  
ذهندن اوچان بر فکره یتیشه من ؛ او قدر یوکسکدر .  
قلبنده دوغان بر حسی بولاماز ؛ او قدر دریندر . بو عجز ایله بر فریاد قوپاریر ؛  
یاخود پک قارا کلق برشی سویلر ؛ یاخود هیچ برشی سویلیه مزده قلمنی آیاغنک  
آلتنه آلوب ازر . بونلر شعر در .  
مقبر کوکمدن دوغمش بر تأثری حاوی ایکن بعض طرفلرنجه بزم ، روایت  
اولونان ، شاعر لکمه بوسبوتون اجنبی در . او قویان بر برینه بکزه من ایکی لسان  
بولور که مقبرک بلکه ایکی آدام طرفندن یازلدیغنه ذاهب اولور .  
هله یازدیغم شیلرک بعضیسی او قدر بزم دکادر که معنالرینی کندیم ده آکلایامام ...  
بزم کبی فانیلر ایچنده شعری آکلایش اولانلر نادر دکادر . فقط



مقبر مؤلفی کبی اعظم دها ، کمال صمیمیتله اعتراف ایتدیکی وجهله ،  
 بعضاً کندی شعرلرینک معنالرینه بیکانه داورانیرکن ، شاعری آکلارلر...  
 و آکلادیرلر . بوشاعر ، بزم کبی اذاعل و تفاعل آراسنده چیرپینوب  
 تپینن عجزه بیان دکل ، بشرک عجزندن ، فریاد سکلنده ، انسانیتله الواح  
 بدایع ابداع ایدن عبدالحق حامد کبی ، فضولی کبی فوق البشرلردر .  
 لسانلر نه قادار تسکامل ایدرسه ایتسین ، بو عجز تبلیغه هر زمان و مکانده  
 وصیق صیق تصادف ایدیله جک . مکرکه - نعوذبالله ! .. - بویوک  
 شاعرلرک سلسله و رودی منقطع اولو .

فضولی چوق عالم و شعرندن زیاده معلوماتی شهرایتمکله محظوظ  
 اولوق ایستر برشاعردر . فقط عشق ، شاعرک عنان هوساتنه صاریلاروق ،  
 اونو دائما میدان محبتده قوشدوردی .

صبرم آلوب فلک بکایوز بیک جفا ویرر  
 آز اولسه هرمتاع اکا ایل چوق بها ویرر

بیکی ، تدقیق و تعمیق ایدلسه - فضولیدن ، بیلیم قاچ یوز سنه صوگرا ،  
 علم صورتنده تدوین ایدلمش اولان - اقتصادک عرصه و طب قانونی  
 مجملات تعریف ایدن برسانحه فکریه در . فقط فضولینک عاشقلغی ، فلکله  
 اولان داد و ستد مظلومانه بی بوفکره مزج ایدهرک ، اونو سنوحت  
 قلبیه نک کوزلاری درجه سنه اصعاد ایتمش .

اعتقادمجه فضولینک روحنی اک درین و بارز صورتده کوسترن آثارندن  
 یری شو غزلیدر :

ای خوش اول مست که بلز غم عالم نه ایش  
 نه چکر عالم ایچون غم نه بلور غم نه ایش  
 بر پری سلسله سی عشقنه دوشدم نا که  
 شمدی بلام سبب خلقت عالم نه ایش  
 واعظ اوصاف جهنم قیلور ای اهل ورع  
 وار آنک مجلسنه کور که جهنم نه ایش  
 اوقی سینه مدن آتوب قالمش ایدی پیکانی  
 آه بلام سبب آه دمام نه ایش  
 ای فضولی مزه ساقی وصیها بلدک  
 توبه قیل تابله سن زرق وریا هم نه ایش

شاعر ، پری سلسله سی عشقنه بغته دوشد کدن صو کرا ، سبب  
 خلقت عالم نه اولدیغنی بیلمش . سینه سی تیرجانانک افتراقیله دمام آه  
 ایدیور . اوکا کوره ، هسی برواسطه در ؛ غایه عشق . عالمک خلقتی ده ،  
 خالق ده عشق ، هپ عشق .

\*  
\* \*



## فضولی یه کیملرک نفوذ و تأثیری اولدی .

بویوک ، کوچوک هر شاعر ، شخصیت معنویه سنک تشکل و تکمیلندن اول ، طبع و استعدادینه مالیم شعرای متقدمه نك نفوذینه از چوق تابع قالمقن قور تولاماز . بواویله بر قاعده در که استثناسی یوقدر . محیطنه مربوط اولمایان دها بولونمادیغی کی ، اسلافنک بعضیسنه مدیون اولمایان داهی ده کوستریله مز . فضولی بی بزبو کون وادی خاص صاحبی بر استاد طانیورز . بو استاد ، شوخصوصیته واصل اولق ایچون نه قادار عمومی یوللردن کچدی !.. فضولینک تربیه ادبیه سنی *éducation littéraire* تورکجه قادار و بلکه تورکجه دن زیاده عرب و بالخاصه عجم ادبیاتیه ادباسندن آلدیغی انکارایدیله مز . اونک زمانده عرب و فرس لسانلری بز ممکندن دها متکامل ایدی . فضولینک فارسی اشعارنده کی انسجام الفاظ ، تورکجه آثارنده کوروله مز . بو نقیصه ، شاعرک دکل ، آلت بیانک اودورده کی نقصانندن متولد بر قصوردر . فضولینک دهاسی ، یالکیز تورکجه ده دکل ، فارسیده ده ذاته خاص بروادی آچدی . اولسانده کی غزلیاتنده ، ایرانک کندیسندن اول کلن صنایدی سختندن هیچ برینک طوری کورولمز . تورکجه ده ایسه مجددلکی موجودلک درجه سنده در .

فضولی کندی وادیسنی کندی آچمادیسه ده ، کندی تو کتدی . بوکا سبب ده غرب لهجه سنک آذری لهجه دن زیاده و سرعتله تکامل ایتمه سیدر . فضولی بیله بغداد ایله استانبول عینی بایراق آلتنده برلشد کدن صو کرا ،

و حتی بقدر قصیده سنده کورولدیکی کبی ، داها اول بزم لهجه یی ترجیح  
واختیار ایتشدی . بئک و باده ایله لیلی و مجنونه مقایسه ایدیلیرسه بوافراق  
و تکاملک شکلی ظاهر اولور .

فرس ادبیاتندن ایتدیکی استفادۀ فکریه ده اونی عجم مقلدی در که سنه  
دو شورده مدی . مثلاً ،

کورمه مشدر کرچه کیمسه جان بدندن کیتدیکن  
ایشته بن کوردم که شیمدی کندی جانمدر کیدن

بیتک ایکنجی مصراعی سعدینک ،

دورفتن جان از بدن کویند هر نوعی سخن  
اینک بچشم خویشتن دیدم که جانم میرود

بیتندن حرفیاً مترجمدر . اوقادار که فضولینک بوییتی کورمه دن او مصراعی  
یازمش اولدیغنه احتمال و یریه من . فقط فضولینک مصراع اولده کوستردیکی  
تصرف ، کندی بیتنی ترجمه و اقتباس در که سندن چیقارارق ، اکمال  
و تصحیح درجه سنه ایصال ایتشددر .

تذاکر مہر صاحب لری فضولینک عبسیر نوایی وادیسنده تنظیم اشعار  
ایله شاعر لکه باشلامش اولدیغنی قید ایدر لر . بنجه اونده نواییدن زیاده ،  
نسیمی ایله صبیبی نک و برده احمد یاسا نک نفوذ لری محسوسدر .

بیانی محمد افندی تذکره سنک فضولی حقننده کی نوایی ایله ترکی مایینده

براسلوب بریع اختیار ایتشددر حکمی واقعه تطابق ایدر [۱] .

[۱] بیانی محمد افندینک بوراده کی (نوایی) دن مقصدی جغتای لهجه سی ، (ترکی) دن ده



نسیمیڭ ،

کافر کورنجه زلف ورخك دیدی ای نكار  
آمنت بالدی خلق اللیل والنهار

لبكه اهل نظر جان دیدیلر کرچك ایمش  
آغزیکه نقطه پنهان دیدیلر کرچك ایمش  
جنت اهلی که یوزك باغنه ای جنت و حور  
روضه خلد ایله رضوان دیدیلر کرچك ایمش

کل کل که قام و صوم و صلاتك قضاسی وار  
سن سز کچن زمانلرك اما قضاسی یوق

صالنوب ناز ایله کل کل که بنم دیده لرم  
ایغك توزینه ای خسرو خوبان صوصادی [۱]

ییتلری عادتاً بر زمان فضولی به عشق تقلید اولمشدر .  
حبیبی نك نفوذی ایسه داها بارز حس ایدیلیر . فضولی دیواننده کی ،

دون سایه صالدی باشمه بر سروسر بلند  
کیم قدی دلربا ایدی رفتاری دلپسند  
کفتاره کلدی ناکه آچوب لعل نوشخند  
برپسته کوردم آنده دوکر ریزه ریزه قند  
صوردم مکر بودرج دهندر دیدم دیدی  
یوخ یوخ دواي دردنه انکدرر سنك [۲]

پارچه سیله باشلایان مسدسی حبیبی نك ،

دون کوردم اول نکاری طربناك وارچمند  
کافوراليله دسته لمش عنبرین کمند

[۱] ایغك - آياغك .

[۲] یوخ یوخ - یوق یوق .

بقدم شکنج طره سینه زار و مستمند [۱]  
 بر شخص ناتوان او تورر کردند بند  
 کیمدر بومسکین اول نه رسندر دیدم دیدی  
 زلفم گندی طوتغنی جانکدرر سنک [۲]

مصر اعلیله ابتدا ایدن نشیده عاشقانه سینه مقلدانه نظیره در .  
 بوندن باشقه فضولی ینه حبیبینک ،

کرسنکچون قیلمسم چاک ای بت نازک بدن  
 کورم اولسون اول قبا اکنمده پیراهن کفن [۳]

مطلعلی غزلانی ده تخمیس ایله دیوانه درج ایتدی .

احمد پاشایه نسبت ایدیلن مشهور ،

زهی تصور باطل زهی خیال محال

مصر اعنی فضولی شو صورتیه تضمین ایتشددر :

همیشه دوستم اولدر دیرم که مال و یروپ  
 قیالور طبیعتی بسته علاقه مال  
 عبادت حق و کسب علوم ایچون مطلق  
 قوماز ملاحظه ضبط مال بنده مجال  
 مدام دشمن اکا سویلرم که مالم آلوب  
 بکامیسر ایدر نعمت فراغت بال  
 حضور قلب ویرر رونق عبادت حق  
 فراغ خاطر اولور موجب حصول کمال  
 فغان که دوستمی دشمنمدن ایتتم فرق  
 کمال جهل ایله اوقات صرف اولورسه وبال

[۱] بقدم - باقدم .

[۲] طوتغین - طوتغون ، اسیر .

[۳] کور - قبر ؛ اکن - آرقانک اکیلن طرفی ؛ صیرت .



بووجه ايله اوزى اهل معرفت صانورم

زهى تصور باطل زهى خيال محال [ ۱ ]

ينه احمد پاشانك ،

چين زلفك مشكه بگز تدم خطاسن بيلمدم

كى پریشان سويلدم بويوز قاراسن بيلمدم

جانم بر مر حبا صوندى ازدن چشم يار

شويله مست اولدم كه غيرك مر حباسن بيلمدم

نخى خوار ايله كه عزتى سن ويرمش ايدك

لطفكه اولمه پشيمان كه بودر شان كرم

كاربان دل و جان اولدى روان سن كيدلى

نه غريب اولمشم اى مونس جان سن كيدلى

بيتلىرى ، فضوليدن جوق زمان اول ، صانكه اونك لسانندن سويلنمش  
كې در .

نثرده ايسه شاعر ، بوسبوتون كنديسنه خاص و ممتنع التقليد بروادى يه  
صاحب بولو نوپور . اعتقاد مجه فضولينك نظمى بله كه تنظير ايديله بياير ؟  
فقط نثرينى تقليد ايتمك محالدر .

\*  
\* \*

شعرده مخلصى مضطاي اولان شاه اسماعيل صفوى نى كوپرولو زاده  
محمد فؤاد بك ، تورك ادبياتنك اولياى نعى وعادتا فضولينك مقتدارلى  
عدادينه اصعاد ايدىيور . بيلمم نه دن ؟ .. شاه اسماعيله فؤاد بك فضله  
توجهكاردر :

... ( حبيبى ) ايله عيني زمانده آذرى ادبياتنك [ ۲ ] اك يوكسك و خصوصى

[ ۱ ] فائق رشاد بكك طبع ايتديرديكى ( فضولينك غير مطبوع اشعارى ) ، صحيفه ، ۳۲-۳۳ .

[ ۲ ] يعنى ( آذرى لهجه سيله اولان تورك ادبياتنك ... )

سیمالرندن بری ده ، شهبه سز ، ( صفویه ) دولتنگ مؤسسسی ( شاه اسماعیل صفوی ) در ( ۹۳۳ - ۹۰۷ ) [۱] . ( شیخ صفی الدین اردبیلی ) دن بهری پارلاق برهاله قدسیته محاط اولان بوتورک عائله سی ، شاه اسماعیلک یوکسک وعزمکار شخصیتی سایه سنده شیخلکله شاهلی مزج ایدهرک ، ایران ، خراسان و آذربایجان و عراق حوالیسنده قوتلی بر دولت وجوده کتیرمش اولویور . [۲]

بوراده تاریخ یازمادیغمز ایچون شاه اسماعیلک یوکسک وعزمکار شخصیتی حقنده فضله سوز سویلک ایسته مه یز . لهاله قریمینده محاط اولان بوتورک عائله دن ، شاه اسماعیلک باباسی شیخ ویا سلطانیه میره اوزون حسنک همشیره زاده سی و دامادی اولماسهیدی ، او لهاله قریمیت بر تخت سلطنتی تولید و در آغوش ایتمه که کفایت ایدرمی ایدی ؟ .. بونک ده جای تدقیقی فضولینک تاریخچه حیاتی دکلدر . یالکیز شاه اسماعیل صفوینک شاعرلکی حقنده برقاج سوز سویلک ایسته رز :

شاه اسماعیل ، محمد فوآد بکک دیدیکی کبی ، آذری ادبیاتنک اک یوکسک و خصوصی سیمالرندن بری دکلدر . اشعارینک کزیده ابیاتی تدقیقی اولونسون ، علی العاده ورکیک الیان برناظم اولمقدن بر قاریش یوقاری به حیقماز . دیواننک الفاظ و معانیسی اک دوز کون ، تعبیر آخر واصحاه اک آز پریشان و در بدر اولان شو برقاج بیتی او قونسون :

جمله اشیاده ظهور ایدن کلامدر بنم  
خلفت ارض و سما سر قیامدر بنم  
واقف اولدم چون زمین و اسمانک سرینه  
جسممک سلطانی یم عالم غلامدر بنم

[۱] ۹۰۷ سنه هجریه سی شاه اسماعیلک تاریخ جلوسی در . ۸۹۰ سنه سنده تولد ایتمشدی :

میلادی ۱۴۸۵ . وفاتنده اوتوز سکز یاشنده ایدی .

[۲] کوپرولو زاده محمد فوآد بک ؛ فضولی دیواننه مقدمه ، صیفه ؛ ۱۱ .



ای که یوقدن بوجهانی وار ایدن پروردگار  
یری ثابت کوکاری دوار ایدن پروردگار  
کنت کنزاً آتی وصفکده اولمشدر نزول [۱]  
وارلغنه کن فیکان اقرار ایدن پروردگار

بز ازلدن تا ابد میدان کلمشدر دنوز  
شاه مردان عشقنه دنیا به کلمشدر دنوز

کتمسون عشق که برکنج نهان الدن کیدر  
بلکه سن کتسهک یا نمدن بنده جان الدن کیدر  
غائب اولدی کل یوزک چشممدن ای روح بیان [۲]  
قورقارم که سنبل عنبر فشان الدن کیدر

تامنم کوکلده جانا حسرت جانانه در [۳]  
حق بلور کیم آغلامقدن کوزلرم پیمانه در

شریعت شرطنی بلدم طریقت یولنه کلدم  
حقیقت بحرینه طالدم علی المرتضی کورددم  
حقیقت علمنک سرن نه بلسون هر طهارتسز  
بوسره ایرمدی منکر آنک قتلن روا کورددم

بو بیتلری سراپا او قود یغمدیو انچه سندن اعتنا ایله ، عادتاً مشکاپسندان  
اتخاب ایتدم . تورک ادبیاتنک الیو کسک و خصوصی شاعری اولایلمک  
ایچون ، شویله برقاچ پریشان موزونه یازمق عجبا کفایت ایدرمی ؟ . کوپرولوزاده  
محمد فواد بک ، فضولیده نسیمی و حیدری کبی ، شاه اسماعیلک ده نفوذ ایدسنی  
احساس ایتمک ایستیور . صنعتجه هیچ برتفوقی اولمیان شاه اسماعیل ، زمانه  
فضولی به متقدم دکلدرد . بری بالنسبه کنج ثولش ، دیکری دها چوق یا شامش .

[۱] ( اولمشدر نزول ) یرینه ( ایتمشدر نزول ) دنیلسه یدی خطاسز اولوردی .

[۲] تدقیق ایتدیکم نسخه ده ( بیان ) یازیلی ایدی . معناسز اولماقدن باشقا ، ( روح روان ) ،  
ترکیبی کبی خاییده اولماق منتهی ده وار . بونکله برابر ، اصلی ( روح روان ) ایکن سهواستفساخ  
ایله ( روح بیان ) اولمقده محتملدرد .

[۳] تامنم — بن موجود اولدجه .

## فضولی بی اخلاف نصل تقدیر ایتدی ؟..

فضولینک شهرتی ، هر حقیقی شهرت کی ، زمان ایله آرتمشدر . بو محققدر که عراقلی شاعر کندی عصرندن زیاده بو کون تقدیر اولونویور . اودورده یازیلان تذاکر شعرا ، مزایاسنی ثنا ایتمکده امساك کوسترمه . مکاه برابر ، شاعرك بعض قصائدیه شکایتنامه سی ، قدرینک حیاتنده بحق آ کلاشیلما مش اولدیغنی کوسترمکده در .

فضولینک زمانی ادراک ایتش اولان شاعر مشهور باقینک خط دستیله محرر بر مجموعه منتخبانده جناب فضولی سر نامه سیله بعض غزلیاتنک مندرج بولوندیغنی کورمشم . علی امیری افندی مرحومک کتابلری آراسنده ( ملت ) کتبخانه سنه وقف ایدمش اولان بو کتابی ، واقفک وفاتندن صو کرا آرادم سه ده بولا مادم . ان شاء الله ضایع اولما مشدر .

نفعی دیواننده فضولی یه دائر ایما یوق . فقط نابی ، اونک ،

کرم قیل کسمه ساقی التفاتک بینوالردن  
الکدن کلدیکی خیری دریغ ایتمه کدالردن [۱]

مطلعلی و دوقوز بیتلی غزلانک بش بیتنی تخمیس ایتدیکی کی ، ندیم ده  
ینه فضولینک ،

بن کدا سن شاهه یار اولمق یوخ اما نیلیم  
آرزو سر کشته فکر محال ایلر بی



بیتندہ کی ایکنجی مصراعی ،

گردش کوردجہ ساقی ملایم مشربک  
آرزو سرکشتہ فکر محال ایلر بنی

صورتندہ شوخانہ تضمین ایتشدہ .

ضیا پاشا خرابات ک مقدمہ منظومہ سندہ شوبلہ دیور :

آثار فضولی عراقی  
وادی غزلہ حی و باقی  
یانقدر او عاشق کتابی  
نظمندہ قوقار جگر کبابی  
ایتمز غزلندہ فکر صنعت  
صنعت اولور آندہ بی صنعت  
پیرو لری اولماز آکا امثال  
تقلید اولنور می قال ایله حال

نامق کمال ، بر مکتوبندہ ،

... شعراً دورادیمز سلطان سلمان زمانندن باشلیور [۱] . اما نصل  
باشلیور !.. کونش شرقدن ، مهتاب آره صیره غربدن دوغدینی کی باشلیور .  
شرقدن ظهور ایدن شاعر من فضولیدر ، غربدن ظهور ایدن مقتبس [۲] مخلوقمن  
ایسه باقی در ... [۳]

دیور .

رجائی زاده استاد اکرم قدمادہ بر قاج شاعر ادلی رساله سندہ فضولینک  
ذاتنه و خصوصیت احوالنه دائر معلومات تاریخیه نک تذکرہ لردہ کورو .

[۱] ادیب اعظمک مبدأ شعر من حقندہ کی بوفکری دوغرو دکل در .  
[۲] بورادہ کی ( مقتبس ) اسم فاعل صیغہ سیلہ در . ( ب ) نک کسریلہ او قوناجق .  
[۳] مجموعه ابوالضیا . جزء ۱۰ . صحیفہ ۲۹۳ .

لمدیکندن شکایتی متضمن بر مقدمه دن صو کرا ، شاعر حقنده شو حکمی  
ویریور :

... مشارالیهک یالکز بولندیغی زمانه نسبهٔ دکل ، حالا دخی ادباً بر موقع  
عال العالی حائز اولدیغی مسلمدر . مشهور و متداول و نام نامیسی هیچ بروقتده  
اونوتدیر مامغه کافل اولان آثار منشوره و مظلومه سی ایچنده بالخاصه ( لیلی نامه ) سی  
- زمان و مکانک ایجابات طبیعیه سندن اوله رق ، بعض کهنه و غریب تعبیراتندن  
و عجمانه تشبیهات و تصوراتندن قطع نظر - لطافت اسلوب و نزاکت حسیات ایله  
مشحوندر .

( لیلی و مجنون ) نک اوچ عصر صکره پایختده وجوده کلان بر عثمانلی  
تیا تروسنده اک اول ساحهٔ تماشایه وضع اولنق بختیارلغنه نائل اولشی مشارالیه  
مخصوص و غبطه رسان اسلاف و اخلاف اولغه شایان مظهریتلردن صاییلیر ، که  
بوصورنله فضولی عصر مزک تاریخ ادبیاتی ایچنده دخی اک مرین صحیفه لری نام  
لایموتانه سنه تخصیص ایتدیر مکه موفق اولمش دیمکدر .

کلیات آثاری ، برچوق منظوماتی دخی حاوی اولان ( حدیقه السعدا ) سی  
ایله اوچ لسانه شامل اولق اوزره بر مکمل دیوان اشعارندن و یوقریده بحث  
اولونان منظومه سیله ( صحت و مرض ) نامنده فارسی عبارتده سندن عبارتدر [ ۱ ] .

استاد اکرم ، فضولی حقنده کی سطرلره شو حاشیه بی ده علاوه  
ایدیور :

فضولینک ( خسه ) نامیله ده بر اثری اولدیغی بر ( تذکره الشعرا ) ده کو-  
رلدی . فقط مراجعت اولنان کتبخانه لک هیچ بریسنده بولنه مدی .

ابوالضیا مرحوم نمونهٔ ادبیات ده دیور که :

آثاری دقتله او قونورسه آکلاشیلور که فضولی وجداننه تابع اولدیغی زمان  
ناقابل تقلید موجددر . یازارکن آغلار ، کولر ، آغلادیر ، کولدورر .

[ ۱ ] فضولینک ( دیوان ترکی ) سنده فارسی و عربی بعض اشعار و ابیاتی وارسه ده ،  
شو ایکی لسانه کی آثاری آیری آیری تدوین ایتدیکندن ، دیوانی بردکل ، اوچدر .



افکارینه اتباع ایتدیکی زمان تقلیده دکز برمقلددر . قافیه یاپار ، سجع  
آرار ، صوغوق شیلر یازار ، دیکانلمز سوزلر سویلر ..  
لسان وجدانیله ،

دوست بی پروا ، فلک بی رحم ، دوران بی سکون ؛  
دردچوق ، همدردیوق ، دشمن قوی ، طالع زبون .  
یولنده سوزلر سویلر .

قلم فکریله ،  
صوده عکس سروصانک کیم قوپاروب باغبان  
صویه صالمش سروینی سروخرامانم کوروب  
کبی یاوه لر یازار .

وجدانی سویلدیکی سوزلرده بدیعه همان هیچ رعایت ایتمز . فکری یازدیغی  
شیلرده بدیعدن بشقه برشی دوشونمز . مع مافیه فکرو وجدانک اجتماع ایتدیکی  
اثرلرده واردر . آنک اک بیوک مثالی ایسه شودرج ایتدیگمز مکتوبدر [۱] .  
مثلا : « سلام ویردم رشوت دکلدردیه آلمدیلر . » عباره سی صحیحاً  
فضولی یه یاقیشیر سهل ممتنعلدندر .

مثلا : « انه من سلمان وانه بسم الله الرحمن الرحيم » آیتنک ایرادی صحیحاً  
فضولی یه یاقیشیر اقتباساتدندر .

مثلا : « بنامت ممسوخ کبی مقطوع الامل ، اول آیت منسوخ کبی ممنوع العمل »  
ترصیی صحیحاً فضولی یه یاراشیر صنایع بدیعه دندر .

فقط مثلا : « دیدم بونه روی غضب وچین ابرودر دیدیلر بزم عادتمز متصل  
بودر » عباره سنده کی ابرو ، آهو ، ماهو کی تصنعکارانه قافیه لر ، صحیحاً هیچ  
بروقت فضولی یه قاقیشماز .

حاصلی فضولی تاریخ ادبیاتجه سنان پاشادن صکره کلانلرک برنجیدسیدر ؛  
فقط افکار حکمتده آکا شا کرد اوله ماز ؛ طبیعت شاعرانه ده آکا اوستاد اوله بیلیر .  
اگر وجدانی قدر فکرنده انتظام اولمق لازم کاسه یدی ، لسانزده کرک

[۱] - نشانچی محمد پاشایه بغداددن کوندردیکی شکایتنامه مشهور .

شعر و كرك انشاجه اوستادكل اولق ، هر كسدن زياده آكا لايق ايدى ... [۱]  
 « نمونه ادبيات » مصنفى ، فضولى حقنده بوسطرلرى يازار كن ، بر  
 شاعرى محيطيله تدقيق و آترلرني محاكمه ايتمك نظريه سى بزرده شايع دكلدى .  
 جداً قيمتلى اولان تاليفنده ، طرز قديمى نه اولورسه اولسون ، ييقمق  
 جهتنى همان ثابت دينيله جك برفكر ايله تعقيب ايدن استادى نامق كاله  
 اتباع ايتديكى ايجون ملاحظاتنى هپ بونقطه دن يوروتمشدر . نضمرعاتى  
 فارسيدن عينا مترجم بولونديغنه كوره ، سنان پاشاده ايران تاثيراتندن  
 آزاده برموجد صاييلاماز .

عبدالحق حامد ، فضولى به اك اول شاعر اعظم عنوانى توجيه  
 ايدرك ، ليلي و مجنونه ده كى ،

بن عقلمدن ايسترم دلالت  
 عقلم بكا كوسترر ضلالت

بيتنى مقبره درج ايدر كن ،

بر شاعر اعظمى بو هجران ،  
 ايتمش بيليرم بويولده نالان :

ديمشدى . مقبر شاعرينك قدر شناسلغندن دوغان بو عنوانى ، ملتك  
 نعمتشناسلغنى عبرالحوه هامر اسمنه وصف و ترديف ايتدى .

معلم ناجى افندى ( اسامى ) سنده فضولى بي شويله تعريف ايدى يور :

[۱] بوندن صوكرا ( نمونه ادبيات ) ده فضولينك ترجمه حالنه متعلق روايات قسماً  
 خطالى و قسماً ده محتاج توثيق و جالب تردد بولونديغندن نقل ايدلمدى . پديريله اوغلندن  
 باشقا اقرباسندن هيچ كيمسه نك نامى تاريخه انتقال ايتمه مشدر ؛ ۹۷۵ ده وفات ايتديكى محقق  
 و ۹۱۰ ده تولدى مستبعد اولديغنى كى . رحمه الله افندى ايله كريمه سنده عائد روايته هيچ برآورده  
 تصادف ايتدم . يوقاريكى صحيفه لرده بوكا دائر تفصيلات وارد .



( فضولی ) ( ملا محمد ) بغداد جو ارندہ واقع [ ۱ ] ( حالہ ) قصبہ سندن نشأت ایتدیکندن ( بغدادی ) وصفی آلمش اولان شاعر در کہ وادی مخصوصندہ یکانہ در . هنوز مثلی کلمہ مشدر . دیوانی ، ( لیلی و مجنون ) منظومہ سی ، ( حدیقه السعدا ) سی معروفدر . بعض مکتوباتی ده وارددر . نظم و نثری کندینہ مخصوص بر لطافتی حائزدر . حالہ غزلیات عاشقانہ سی او قدر لطیف و مؤثر در کہ تعریف قبول ایتمز . صنعت ایله ساده لکی کمال سوزشلہ امتزاج ایتدیر مشدر . بونک نہ قدر بیوک بر مزیت ادبیہ اولدیغنی اصحاب ذوق تقدیر ایدر . ( ۹۷۱ ) ده آرامگاهی اولان کربلا ده ارتحال ایلشدر .

فضولینک ۹۷۱ ده ارتحال ایتدیکی نصل محقق ایسه ، کربلا ده وفات ایتدیکی ویا مدفون بولوندیغنی اودر جہ ده شہہ لی در [ ۲ ] . فضولینک تاریخ ولادت کی ، محل ارتحالی ده مجهول بولونویور .

معلم ناجی افندینک فضولی حقندہ کی وادی مخصوصندہ یکانہ در . هنوز مثلی کلمہ مشدر . سوزی محتاج توضیحدر . او وادی ، غرب لہجہ سنک نفوذیلہ ، هر کون براز داها غائب ایدہ رک ، موقعی بوسبوتون استانبول تورکجہ سنہ ترک ایتدی . بوندن باشقا اودورک طرز رؤیت و تحسسی ده اسلوب بیانی کی ، بوسبوتون د کیش مشدر .

( اسامی ) تألیف ایدلدیکی زمان صحرا دن مقبرہ قادار عبدالحق حامدک برچوق آثار بدیعہ سی انتشار ایتشدی . اگر فضولینک شاعر لکده هنوز مثلی کلمہ مش اولدیغنی صورت مطلقہ ده ذکر ایتمش ایسه ، بوکا سبب ، معلم ناجینک عبدالحق حامدی کوردمہ مہ سی در . شخص و مسلک اختلافاتی بعضاً انسانہ بویله حقسز حکملر ویردیرہ بیلیر .

[ ۱ ] بو محله ( واقع ) دیمک یا کلیش ، دوغروسی ( کائن ) در .

[ ۲ ] ۵۴ و ۵۵ نجی صحیفہ لرہ مراجعت .

شمس‌الدین سامی بك ( قاموس الاعلام ) نده شاعری شویله قید

ایدیور :

فضولی ( محمد بن سلیمان ) اعظم شعرادن اولوب حله‌ده دنیایه کلمش ، و بغدادده نشئت ایتمش اولدیغندن ، بغدادی نسبتیله مشهوردر [ ۱ ] . ترکی و فارسی اشعاری اولوب ، اشعار ترکیه‌ده ایکنجی علی شبرنوی دینکه شایسته‌در . کندینه مخصوص متین بر طرز افاده‌سی وارددر . قانونی سلطان سلیمان خانک فتح عراقینه عزیمتلرنده فضولی صدر اعظم ابراهیم پاشایه و اونک واسطه‌سیله درگاه پادشاهی‌یه بعض اشعار تقدیمیه ، مظهر النفات شهر یاری اولوب ، وقفدن توظیفی حقنده برات عالی دخی صادر اولمشدی که اجرای احکامیچون بعده درسه‌عاده ورو دنده اوقاف مأمور لرینک واقع اولان معامله‌سی حقنده بر مقاله بلیغه‌سی وارددر [ ۲ ] . بلیغ خمس‌ه‌سی وارددر که بوندن ( لیلی و مجنون ) منظومه‌سی اک زیاده شهرت بولمشدر . مرتب دیوانی وحسین واعظمک ( روضة الشهدا ) سنک ترجمه‌سی اولمق اوزره ( حدیقه السعدا ) عنوانیله مشهور وبك مؤثر برتألیفی وارددر [ ۳ ] .

اهل بیت جناب نبوی ، اولان وفرت محبتی هر اثرنده نمایاندر . ۹۷۰ تاریخنده ارتحال ایدوب تر به‌سی حله‌ده زیارتگاهدر [ ۴ ] . مذکور ( لیلی و مجنون ) منظومه‌سیله ترکی دیوانی ودیکر بعض آثار ( کلیات فضولی ) عنوانیله جمع وطبع ونشر اولمشدر . ترکی وفارسی اشعارندن برایکیشر بیت ایراد اولنور :

[ ۱ ] بغداددن نشئت ایتدیکنی توثیق ایدن روایت یوق . ( بغدادی ) نسبتی یوقاریده ایضاح ایتشدک : صحیفه ، ۱۴ .

[ ۲ ] مقاله دیدیکی نشانجی محمد پاشایه اولان مکتوبدر . ( النفات شهر یاری ) حقنده ( ۲۵-۳۶ ) نجی صحیفه‌لرده تفصیلات کافیه ویرلشدی .

[ ۳ ] ( حدیقه السعدا ) ایله ( روضة الشهدا ) آراسنده کی مناسبت کتابمژک متعدد محملارنده ایضاح وتعیین ایدلشددر .

[ ۴ ] مزارینک ( حله ) ده بولوندیغنی ( قاموس الاعلام ) مؤلفنک نره‌دن آلمش اولدیغنی بیلمیورم . بیلدیکم ، حله‌ده فضولینک زیارتگاه اولان بر قبرینک بولونمادیغنی در .



هر کورن عیب ایتدی آب دیده کریانی  
ایلام تحقیق کورمش کیمسه یوق جانانی  
قنغی بتدر بیلزم ایمانی غارت ایدن [۱]  
سنده ایمان یوق که سن آلدک دیهم ایمانی

تادر دلت اندیشه بیداد نیاید  
هر کر زمن دل شده ات یاد نیاید

توفیق فیکرت رباب شکسته سنده کی آنک تصاویر سلسله سینه فضولی  
ایله ابتدا ایتشدی. مثلاً نرجم ایله دیگر بعضیلر نده یک زیاده موفق اولان  
شاعر، فضولینک سیای معنویسنی اراهه ایتک خصوصنده بویوک بر  
قدرت کوستره مه مشدر. منظومه سنی عیناً نقل ایدیورز :

کوزنده شعله نما مهر آتشین عراق ،  
باقیدلر نده هویدا حزین براستغراق ،  
دهایه ناصیه صافی مرکز اشراق ،  
صولوق دوداقلری پرلرزش سرود فراق ...  
اثرلرنده بوسودالی چهره در ظاهر ،  
بوچهره بنجه فضولی یه پک مناسبدر .  
بوچهره ، چهره غم ، چهره محبتدر ؛  
محبتک اوکا تأثیری پرغرا بتدر :  
سهور ، وسه و دیکی هپ درد ، هپ مصیبتدر  
صفاسی ، نشئه سی یوقدر ، بوتون کدورتدر .  
فضای روحنه برأبر کریه طاریدر ،  
کولومسیور سه امین اول که اضطراریدر . [۲]

[۱] مشهوری و فصیحی ( غارت قیلان ) در .

[۲] توفیق فیکرتک بو استدلال و حکمی دوغرو دکلدر. کرب آثارندن ، کرب معاصرلرینک

شهادتندن آکلیورز که فضولی - یوقاریده ده ایضاح ایتدی کمزکی - ( شوخ طبع و شیرین صحبت )  
ایندی . درد معیشت بو خلقتده اولان شاعری مدت حیاتنده ایکلتهدی ، دوردی .

زمان زمان قاپیلیر غملی بر تسلایه ،  
 طالب کیدر نظر قلی لیل سودایه ؛  
 دو کرسه خاکنه بر سرونانین ، سایه ؛  
 اولور بو ، روحی ایچون بر نشاط بی غایه .  
 بوتون املاری کوکلندن ایلش ابعاد ،  
 نه ویرسه لر آکاشا کر ، نه قیلسه لر آکاشاد!... [۱]

لسان حسرتی لکن شکایت افشاندر ؛  
 دوشونجه فرقته عالم کوزنده زنداندر ؛  
 جهان کلدیکنه آن با آن پشماندر .  
 رفیقۀ سفری بر پری کریاندر ؛  
 اونک پینده کزر دائما خرابه لری ،  
 اونک کوزیله هپ آغلار کورور سحابه لری .  
 یوزنده ، شیمدی باقارسک ، امیدلر کورونور ؛  
 نه در امیدی ؟ .. او بوندن ده بی خبر کورونور ؛  
 حیاته قارشى نکاهنده بر کدر کورونور ،  
 حیاتی عشقنی تمید ایچون سه ور کورونور ...  
 نه وارسه عشق ایچوندر ، اونکله در بیدار ؛  
 برر لطیفه سیدر عشقنک خزانله بهار .

اسیری اولدینی حسن خیالپرورده  
 چکر محاسنه پیشنده بردونوق پرده ؛  
 بوتون بدایع خلقت کورونسه بر پرده ،  
 دونه قالیرینه چشمی او حسن اسمرده ...  
 او حسن اسمره مفتونانی ازلدندر ،  
 اونک غمیله فضولی حیاته دشمندر .

\* \*

« ایشم قرا کیجه تا صبح ناله و فریاد .  
 « نه ویرسه لر آکاشا کر . نه قیلسه لر آکاشاد!... »  
 ( رباب شکسته ) حاشیه سی



## فضولینک اجانب نزدنده کی شهرتی

فضولی، اجانب نزدنده لائق اولدیغی شهرت و اعتباری بولامامشدر. فرانسه، آلمانجه واک صوک طبعنه قادار، انکلیزجه اک مفصل آنسیقلوپه دیلر بویوک تورک شاعرینی اهامال ایدیوردی .

۱۹۱۱ سنه سنده، پارسده طبع ایدلمش اولان Dictionnaire des écrivains et des littératures ادلی، دو قوز یوز یکر می اوچ کوچوک صحیفه دن متشکل برلغته، اثرک مؤلفی اولان (فره دریق لولیه Frédéric Loliée) مقدا مستشرق هامر طرفندن آلمانجه یه ترجمه ایدلمش اولان (کل و بابل) منظومه سنک صاحی قره فضلی نی فضولی ظن ایدهرک،

FUZULI, poète turc du XVI<sup>e</sup> s., appelé aussi FAZLI et surnommé Kara ou le Noir; m. en 1563. Aussi longtemps que les Turcs garderont quelque souvenir de leur littérature ils citeront comme un de leurs ouvrages classiques: la Rose et le Rossignol de Fuzouli. Le savant orientaliste Hammer a traduit en allemand cette charmante allégorie [1].

دیور .

[۱] ترجمه سی :

فضولی، اون آلتنجی عصرک تورک شاعری . ( فضلی ) ده تسمیه اولونور . و ( قارا ) لقبیله ملقبدر . ۱۵۶۳ ده وفات ایتدی . تورکلر کندی ادبیاتلرینک خطره سی عافظ - ایتدیکه ، فضولینک ( کل و بابل ) نی قیلاسیق اثرلرندن بری اولارق ذکر ایده جکلردر . علامه مستشرق ( هامر ) بولطیف منظومه رمزیه یی آلمانجه یه ترجمه ایتمشدر .

لغت صاحبك عمومہ مستشرق دیدیكى (هامر) ده غالباً قره فضلى ي  
 فضولى و كل و بېلى ي فضولىنك اثرى ظن ايدىرك ، بوتون بر اروپايى  
 تغليط ايتشدر . آلمانجه بيلمديكم و كل و بېلى ك اولسانه اولان ترجمه سنى  
 تدقيق ايتديرمديكم ايچون سهو واقعك منشئى تحقيق ايدىمدم .  
 استوچيالى مستشرق و و بزم ادب ايتمزه بك واقف مستر (كيب) اول ،  
 انكليزلسانيه تدوين ايتمش اولديغى تاريخ ادب ايتمزه ده فضولى ي شويله تعريف  
 ايدىيور :

فضولى ( ۹۷۰ م ۱۵۶۲ ) بغدادلى و سلطان سليمان دورينك اون شا-  
 عرندن بريدر [۱] . تذكره لر حياتنه دائر تفصيلاتى حاوى اوليوب آنجق سلطان  
 سلمان دورنده ، عثمانلي لر طرفندن بغدادك حين تسخيرنده بولمده ده ساكن اولديغى  
 ذكر ايدرلر [۲] . اشعارنده تصادف اولونان تركى ايران لهجه سنه عائد برچوق  
 الفاظ و تعبيراته نظراً ، فضولىنك آذربيجانى بر تورك اولديغنه حكيم اولونابيلير [۳] .  
 عثمانلي لر فتحنده بغدادده ساكن اولوشى بوذهابى تقويه ايتمكده در . چونكه  
 سلطان سلمان طرفندن ضبط ايدلمه دن اول بلده مذكوره شاه ايرانك بلاد ممل-  
 كندن ايدى . فضولىنك ( ايلي و مجنون ) نده مؤثر غايت كوزل پارچه لر واردر .  
 وديوانى دخى لسان و مضمون اعتباريله ، تورك شاعرلرينك ديوانلرى آراسنده  
 بر موقع بلند احراز ايتشدر . بونده صيق صيق غايت حكيمانه فقره لر تصادف  
 اولونور كه بوده ادبىك بويوك بر حكيم و علامه بر شاعر ظريف اولديغى اثبات  
 ايدر .

- ۱ | مستر ( كيب ) ك ( سلطان سليمان دورينك اون شاعرندن برى ) تصنيفنى نهيه استناد  
 ايتديرديكى بيلميورم .  
 ۲ | هيچ بر تذكره فضولىنك بغدادده ساكن اولديغى صورت قطعيه ده ذكر ايتمز . كندى  
 اشعارندن نقل ايله يوقارى يه ( صحيفه ۱۴ و ۱۵ ) درج ايتديكمز بيتلر ايله بغدادده ساكن  
 بولونماديغنى صراحةً كوسترمكده در .  
 ۳ | آذرى لهجه سى بحر خزر دن آنى دكيزك بر قسم غربنه قادار سويلنن توركجه اولديغندن  
 ( تركى ايرانى ) سوزى بر معنى افاده ايتمز .



حضرت علي ايله نسل نديلنك شهادتي حقنده حسين كاشفينك (روضه الشهدا) عنواني تاليف مشهوريني (حديقه السعدا) ناميله نثراً غايت كوزل صورتده فارسيدن توركجه يه ترجمه ايتمش [۱] و بوندن باشقا (بك وباده) عنواني برده ضوفيانه مقامه منظومه يازمشدر [۲].

مستر (كيب) ك (تاريخ ادبيات عثمانيه) دن صو كرا، ينه كندى امضاسيله، انگليزجه بويوك انسيكلوپيه دينك صوك طبعنده انتشار ايتمش اولان مقاله، داهواق فانه اولديغندن، توركجه ده اولديغي كي، انگليزجه ده ماهر و عربجه ده متبحر ادبامزدن، فاضل دوستم عمر رضا بكة ترجمه ايتديريلهرك، بورايه درج اولونمق مناسب كورلدى :

۱۵۶۳ سنه ميلاديه سنده [۳] ارتحال ايدن ومكتب قديمك دورت بويوك شاعرندن برى [۴] اولان (فضولى) نك بغداد وياخود حواليسى اهاليسندن اولديغي آكلاشيليور. سلطان سليمان اسكى پاي تخت خلفاي ضبط ايتديكي زمان، فضولينك تابعيت عثمانيه يه كيرمش اولماسى محتملدر [۵].

شاعرك حائز خصوصيت اولان اسانى توركجه نك عثمانلى و آذرى لهجه لرينك بر خليطه سى كي كورونويور. بلكه اوزمانك ايرانده كي توركلارى بولسانله قونو. شورلردى [۶]. فضولى سلفلرينك هپسندن فضله قدرت ابداع كوسترمشدر. چونكه اثرلرى كرك شكل، كرك ماهيت اعتباريله ايراني اولملا برابر، شيراز ويا اصفهانك بر عكس صدا سنندن [۷] عبارت اولمقدن اوزا قدر. فضولى كنديسى

[۱] (حديقه السعدا) نك (روضه الشهدا) ترجمه سى اولماديغنى يوقاريده ايضاح و اثبات ايتمشدك. حقي كتابك اسمنى بيله فضولى توركجه يه نقل ايتمه مشدر.

[۲] انگليزجه يي بيلمديكم ايچون مستر (كيب) ك تاريخندن فضولى يه عائد سطرلرى ترجمه ايتمه سنى منيف باشا زاده محب عزيزم جلال بكدن رجا ايتمشدم. لطف و همتنه بوراده تشكر ايدرم.

[۳] تاريخ ارتحالنك ۱۵۵۵ اولديغنى محلنده ذكر ايله روايات متضاده يي تصحيح ايتمشدك.

[۴] بودورت شاعرك فضولى، باقى، نديم، غالب بولونديغنى مستر (كيب) مقاله سنك

حاشيه سنده تصريح ايدويور.

«۵» تاريخجه معلوم اولان حقيقتلرى (كيب) ك احتمال شكلنده كوسترمه سى جالب حيرتدر.

«۶» حالا بولسانله قونوش و لر.

«۷» عكس صدا لسانمзде پاك شايغ اولمش، ضرورى القبول غلطاتدندر.

ایچون یکی بر چیغیر آچمش ، الهامی اعتباریله کندندن اول کلن تورک ویا عجم محررلرک هیچ برینه مدیون اولماشدر [۱] . فضولینک نظمیرنده شدتلی و صمیمی بر حرارت تنفس ایدر . بو خاصه اسلوب فضولینک اک مهم واک جاذب صفات فارقه سندنر . چونکه تورک شاعرلر آراسنده بیله اونندن فضله متصنع اولانلر آز اولدقاری کبی ، اونک درجه سنده بویوک بر جدیت و صمیمیتله یازانلرده آزدر . فضولینک خلفلری اوزرنده تأثیری بکلیلرکی قادار دواملی اولماشدر [۲] . بو بلکه بر درجه قادار فضولینک غیر مأنوس بر لهجه ایله یازماسندن ایلری کلمشدر .

اوروپا مستشرقلری اخیراً فضولی ایله صورت جدیده مشغول اولمغه باشلامشلردر . شاعرک مستحق اولدیغی عالمشمول شهرتی یاقینده احراز ایده جکندن شهه ایدیله مز .

[۱] فضولی یه حافظ مقلدلیکی اسناد ایدنلرک قولاقلری چینلا سین .

[۲] سببی یوقاریده ایضاح ایتمشدک : صحیفه ، ۱۴۳ .



## فضولينك ديوانى

فضولى كرك توركجه، كرك فارسى و عربى ديوانلىرىنى بالذات ترتيب ايتمشدر. كندى خط دستيله محرر ديوان تركىسنى كورمش اولديغنى اوزمانى ادراك ايدن كتاباره صادقى تذكرة سنده ذكر ايدر. بوديوان غائب اولمشدر. عربجه مجموعه اشعارىنى كورمديكم ايچون بيلمم؛ فقط تركى و فارسى ديوانلىرىنىك مقدمه منشور سنى شاعر بالذات يازمشدر. و كندى ترجمه حاله عائد اولان معلوماتك اك موثوقلىرىنى او مقدمه لردن اخذ ايله بو كتابه درج ايتدم. فضولى حقنده شيمدى يه قادار يازيلان شيلرده بو مقدمه لرك تدقيق ايدلمه مەسى شاين حيرت براهال ايدى. بو خصوصده همت ايدلمش اولسه ايدى، شاعرك اصلى ونسلى حقنده دوران ايدن بى اساس و كاذب روايتلرك تىكوننه امكان قالمازدى.

فضولينك يازما ديوانلىرى لايعدولا يحصادر. و بويازمانسخه لرا كثر يتله شاعرك يالكز غزلياتنى احتوا ايدر. هجرتك ۹۹۰ (ميلادى ۱۵۸۲) تاريخنده استنساخ ايدلمش اولان بى نسخه سنى على اميرى افندى مرحومك كتابلى آراسنده كورمشدم. برچوق امثالى كى يالكز غزللردن متشكل اولان بو كتاب، خطاسز اولما مقله برابر، مستسخك شخصى جهتيله جالب دقت ايدى. (مرحوم) صفتنى (مرحومى) و (تاريخ) اسمنى

(تالیخ) صورتنده کینه‌سنة درج ایدن ، عیسی مخلصلی و حسین آدلی بو  
مستسخ ، یازدینی کبی ، فی الحقیقه فضولینک شا کردلرندن ایسه ، بو  
نسخه‌نک بویوک قیمتی اولمق کړک . صوك صحیفه شو سطرلرله قاپانیور :

تمام شد دیوان مرحومی مولانا فضولی بتسويد العبدالفقير حسين شا کرد  
مولانا مذکور عیسی تخلص بتالیخ ۱۳ شهر ذی الحجه الحرام من شهر سنه  
۹۹۰ دربلده محروسه بصره که بطریق سیر آمده ودر ۱۲ شهر ذی‌الفعدة ابتدا  
کرده بود

بر آیده تیپیضی اتمام ایدلمش اولان بونسخه‌ده ، نصل سه استانبولده  
و مصرده مطبوع نسخه‌لره کچمه‌مش اولان ،

کرم قیل کسمه ساقی التفاتک بینوالردن  
الکدن کلدوکی خیری دریغ اتمه کدالردن

مطلعلی ، دوقوز بیتدن متشکل غزل ایله ،

خوشدر ای کون طالعک کم دوشدک اول خاک دره  
اهل دولت دامن دوتدک یترسن بریره

مطلعلی ، یدی بیتلک غزل موجوددر .

شو نسخه‌نک بر خصوصیتی داها نظر دقتمزی جلب ایتشدی .  
فضولینک وفاتندن یکر می یدی سنه صو کرا ، شاعره شا کرد اولدیغی  
سویلین بر آدام طرفندن یازلمش اولان بو کتابده بون ضمیر متکلمی عمومیتله  
ب ایله یازلمشدر . حالبو که دیگر نسخه‌لرده مون شکننده مضبوط بولونویور .  
واقعا آذری لهجه‌سنگ ، حالا بعض اقسامنده اولدیغی کبی ، تلفظ قدیمی  
فارسی طرز شیوه ایله من ایدی . حتی فضولینک بعضاً فارسی ضمیری التزام  
ایدهرک ، اولسانک قاعده‌سنة کوره توصیف ایتدیکی ده کورولمشدر :



بيك جان اولايدي كاش من داشكسته ده  
تا هر بريله بر كز اولايديم فدا سكا

ميتهنده اولديغي كي .

فقط كندی زماننده يازلمش دینه جك قادار اسكي و حائر خصوصيت  
بر نسخدهده كورولن بو فرق ، بكا شو ظني ويردي : احتمال كه استابول  
تور كجه سنك عراقده شيعوي سبيله ، شاعر مقدما التزام ايتديكي آذري  
مفرد متكلم ضميرني بالا آخره غرب لهجه سنه تبديل ايتمي دها مناسب  
كورمش . بومطالعه ، قاعده فارسيه يه توفيقاً موصوف اولميان مجرد ضمير لره  
كورده در ؛ تركيب توصيفي داخلنده بولونانلره بالطبع شامل اولماز .

فضولينك مطبوع ديوانلري حقنده شو جدولي علم كتبمزده صاحب  
اختصاص و مراقلي بر مدقق اولان كتاجي احمد حمدي افندي بكا لطفاً  
ويردي :

ذیوان فضولی	تاریخ طبع	عدد صحائف	محل طبع	جنس طبی
»	۱۲۵۶	۲۲۴	مهر بولاق	تعلیق حروف
»	۱۳۶۷	۱۶۰	تبریز ( بر قسنی کنارنده )	طاش
»	۱۳۶۸	۲۴۴	استانبول	طاش
دیوان کلیات فضولی	۱۲۸۴	۲۴۴	استانبول مطبعه طائیوس دیویدجیان	حروفات
»	۱۲۸۶	۱۲۸-۲۲۴	استانبول تصویر افکار	( لیلی و مجنون ) له برابر ، حروفات
»	۱۳۸۸	۳۵۲	استانبول مجله علی بك مطبعه سی	»
»	۱۲۹۱	۳۶۸	استانبول مکتب صنایع مطبعه سی	»
»	۱۲۹۶	۱۲۸-۲۴۱	استانبول اختر مطبعه سی	»
»	۱۳۰۸	۳۴۸	بنه اختر مطبعه سی	( لیلی و مجنون ) ایله بر ایکنده صحیفه لری یورو و توشلدر .
»	۱۳۱۵	۳۴۸	خورشید مطبعه سی	»
»	۱۳۲۹		استانبول احمد کامل مطبعه سی	»

ختم



## بوكتابده اسملری مذکور اولانلر :

- ۱ —
- احمد پاشا ، ۱۰۶ ، ۱۴۴ ، ۱۴۶ ، ۱۴۷ .
- احمد حمدي افندی ، ۱۶۵ .
- احمد کامل ، ۱۶۶ .
- احمد وفیق پاشا ، ۱۱ .
- احمدی ، ۸۱ .
- اسماعیل ( علیه السلام ) ، ۱۰۹ ، ۱۱۰ ، ۱۱۱ ، ۱۱۲ ، ۱۱۳ .
- اسماعیل افندی ، ۱۸ .
- اسماعیل ( شاه ) ، ۲۱ ، ۴۷ ، ۶۷ ، ۶۸ ، ۶۹ ، ۷۰ ، ۱۰۷ ، ۱۴۷ ، ۱۴۸ ، ۱۴۹ .
- اشرف رومی ، ۸۱ .
- افلاطون ، ۹۹ .
- اکرم بك ، ۱۳۸ ، ۱۵۱ ، ۱۵۲ .
- الحاج محمد راغب ، ۱۲۸ .
- اولیا چلبی ، ۵۰ .
- اومیروس ، ۱۳۸ .
- ایاس پاشا ، ۱۴ ، ۱۵ ، ۴۱ ، ۴۲ ، ۶۰ ، ۶۱ .
- ایلدکوز ، ۱۳ .
- آدم ( علیه السلام ) ، ۳۵ ، ۵۵ .
- آق شمس الدین ، ۵۵ .
- ابراهیم بن حسن ، ۱۱۵ .
- ابراهیم پاشا ، ۳۰ ، ۳۲ ، ۶۴ ، ۱۵۶ .
- ابراهیم خلیل ( علیه السلام ) ، ۲۱ ( توریه طریقیه ) ، ۶۹ ، ۱۰۹ ، ۱۱۰ ، ۱۱۱ ، ۱۱۲ ، ۱۱۳ .
- ابراهیم سلطان موصولو ، ۶۲ ، ۶۳ ، ۶۴ .
- ابراهیم عشقی بك ، ۶ .
- ابن زیاد ، ۵۱ .
- ابن سلام ، ۹۱ .
- ابن ملجم ، ۵۱ .
- ابوایوب انصاری ( رضی الله عنه ) ، ۵۵ .
- ابوبکر ( رضی الله عنه ) ، ۳۹ ، ۴۰ ، ۴۱ ، ۴۳ ، ۴۴ ، ۴۷ ، ۴۹ ، ۵۴ .
- ابوحنیف ، ۵۴ ، ۱۰۵ .
- ابوسفیان ، ۵۱ .
- ابوالضیا توفیق بك ، ۱۵۱ ، ۱۵۲ ، ۱۵۴ .
- ابونواس ، ۲۸ .

جمیل الزهاوی افندی ، ۱۳۶ ، ۱۳۷ .  
جناب شهاب الدین بك ، ۱۰۶ ، ۱۲۱ .  
جنید ، ۴۶ .  
جهان پهلوان محمد ، ۱۳ .

### — ح —

حاجی تیمور بك ، ۵۶ .  
حافظ ، ۱۲۵ ، ۱۳۷ ، ۱۶۲ .  
حبیبی ، ۱۴۴ ، ۱۴۵ ، ۱۴۶ ،  
۱۴۷ ، ۱۴۹ .

حسان ( رضی الله عنه ) ، ۳۷ .  
حسن ( رضی الله عنه ) ، ۱۰۶ .  
حسن ( اوزون ) ، ۱۴۹ .  
حسن چای ، ۱۹ ، ۲۵ ، ۳۰ ،  
۳۲ ، ۶۴ ، ۱۰۳ .

حسین ( رضی الله عنه ) ، ۴۶ ، ۴۷ ،  
۴۸ ، ۵۰ ، ۵۱ ، ۱۰۱ ، ۱۰۲ ،  
۱۰۳ ، ۱۰۴ ، ۱۰۵ ، ۱۰۸ ، ۱۴۰ .  
حسین بیقرا ( خراسان شاهی ) ، ۲۸ .  
حسین عیشی ، ۱۶۴ .

حسین واعظ الکاشفی ، ۱۷ ، ۴۴ ،  
۱۰۲ ، ۱۰۳ ، ۱۰۴ ، ۱۰۵ ،  
۱۱۵ ، ۱۱۷ ، ۱۵۶ ، ۱۶۱ ،  
حیدر ، ۱۴۸ .

### — خ —

خضر ( علیه السلام ) ، ۳۴ .  
خطابی ( شاه اسماعیلک نظمده مخلصی ) ،  
۱۴۷ .

### — ب —

باقی ، ۲۲ ، ۵۸ ، ۶۵ ، ۱۰۶ ،  
۱۰۷ ، ۱۵۰ ، ۱۵۱ ، ۱۶۱ .  
بلال حبشی ( رضی الله عنه ) ، ۴۴ .  
بهجت افندی ، ۱۲۸ .  
بہلول ، ۴۶ .  
بیانی محمد افندی ، ۱۴۴ .

### — پ —

پاغانینی ، ۱۳۸ .  
پرومہ تہ ، ۳۵ .

### — ت —

تاجلی خانم ، ۶۷ .  
توفیق فکرت بك ، ۱۵۷ .

### — ث —

ثابت ، ۴۰ .

### — ج —

جامی بك ، ۱۱۵ ، ۱۱۶ ، ۱۱۷ .  
جعفر چای ، ۶۷ .  
جزمی ، ۵۹ .  
جلال الدین رومی ، ۴۷ ، ۸۱ .  
جلال منیف بك ، ۱۶۱ .  
جلیلی ، ۸۱ .

جہم ویا جمشید ، ۲۱ ، ۶۷ ، ۶۸ ،  
۶۹ ، ۱۳۲ ، ۱۳۵ .



خیالی ، ۸۱ .

خیرالله افندی ، ۱۲۸ .

## — د —

دانتہ الکیمیہ ری ، ۸۴ ، ۱۳۸ .

دولت‌شاه بن علاءالدوله ، ۲۳ .

## — ذ —

ذوالفقار ، ۶۳ .

## — ر —

راغب پاشا ، ۱۸ ، ۷۶ ، ۱۰۷ .

رحمة الله افندی ، ۱۵۲ .

رستم پاشا ، ۶۲ .

رضا توفیق بك ، ۱۲۵ ، ۱۶۲ .

رومہ ٹوژولیہت ، ۸۴ .

ریاضی ، ۱۸ .

## — ز —

زکریا ( علیہ السلام ) ، ۱۰۸ .

زلیخا ، ۱۱۳ .

زید ، ۹۱ .

زین العابدین ، ۱۰۸ ، ۱۱۴ .

## — ژ —

ژوپیتھر ، ۳۵ .

## — س —

سالم ، ۱۲۹ ، ۱۳۰ .

سام میرزا ، ۴۹ .

سعد بن جبیر ، ۱۰۸ .

سعدی ، ۱۳۷ ، ۱۵۵ .

سعید پاشا ، ۵۵ .

سلمان ( خواجہ ) ، ۱۷ .

سلیم اول ، ۵۶ ، ۵۷ ، ۶۷ .

سلیم ثالث ، ۱۲۹ .

سلیم ثانی ، ۲۰ ، ۱۱۷ .

سلیمان ( علیہ السلام ) ، ۳۴ ، ۱۵۳ .

سلیمان ( فضولینک پدری ) ، ۱۲ ، ۱۷ ،

۱۸ ، ۴۶ ، ۵۲ ، ۵۶ ، ۱۵۴ ،

۱۵۶ .

سلیمان ( قانونی ) ، ۲۱ ، ۲۲ ، ۲۳ ،

۲۵ ، ۲۶ ، ۲۷ ، ۳۰ ، ۳۱ ،

۳۲ ، ۴۵ ، ۴۶ ، ۵۷ ، ۵۸ ،

۶۳ ، ۱۰۷ ، ۱۱۵ ، ۱۵۱ ، ۱۵۶ ،

۱۶۰ ، ۱۶۱ .

سلیمان نظیف بك ، ب ، ۱ .

سنان ، ۲۵ ، ۵۸ ، ۱۰۶ ،

سنان پاشا ، ۱۰۶ ، ۱۱۳ ، ۱۵۳ ،

۱۵۴ ،

سن پیه ر ، ۹۹ ، ۱۰۰ .

سنیح افندی ، ۴۹ .

## — ش —

شافعی ( امام ) ، ۵۴ .

شروان شاه ، ۲۸ .

شکسپیر ، ۸۴ ، ۱۳۸ .

شمس الدين سامي بك ، ۱۵۶ .  
شيت ( عليه السلام ) ، ۵۵ .  
شيخي ، ۸۱ .

— ص —

صادق ، ۶۳ ، ۶۴ ، ۱۶۳ .  
صفي الدين ، ۶۷ ، ۱۴۸ .

— ض —

ضيا پاشا ، ۳۳ ، ۵۰ ، ۵۱ ، ۵۲ ،  
۱۰۷ ، ۱۵۱ .

— ط —

طاتيوس ديويديان ، ۱۶۶ .  
طاوسي ، ۱۰۵ .  
طاهر بك ، ۱۳۰ .  
طهاسب ، ۶۲ ، ۶۳ .

— ع —

عارف حكمت بك ، ۱۰۷ .  
عاشق چلبی ، ۲۶ ، ۳۰ ، ۳۱ ،  
۳۲ ، ۵۳ ، ۱۱۶ .  
عاصم افندی ، ۷ .  
عالی ، ۳۲ ، ۸۱ ، ۱۰۲ .  
عایشه ( رضی اللہ عنہ ) ، ۴۴ ، ۵۴ .  
عباس ( رضی اللہ عنہ ) ، ۴۴ .  
عباس ، ۱۰۸ .  
عبدالحق حامد بك : ا ، ب ، ۴۹ ،  
۱۰۱ ، ۱۰۶ ، ۱۲۵ ، ۱۲۸ .

۱۴۰ ، ۱۴۱ ، ۱۵۴ ، ۱۵۵ .  
عبدالحق منلا ، ۱۲۸ .  
عبدالرحيم طالوف ، ۱۲۷ .  
عبدالقادر كيلانی ، ۴۵ ، ۴۶ .  
عبدالله خلوصی افندی ، ۵۷ .  
عبدالمجيد ، ۱۲۸ .

عبدالمؤمن ، ۵۴ ، ۵۵ .  
عثمان ( رضی اللہ عنہ ) ، ۳۹ ، ۴۰ ،  
۴۹ .

عزت منلا ، ۱۵ ، ۱۰۷ .  
علی ( رضی اللہ عنہ ) ، ۳۹ ، ۴۰ ،  
۴۱ ، ۴۲ ، ۴۳ ، ۴۷ ، ۴۹ ،  
۵۳ ، ۵۴ ، ۵۷ ، ۶۶ ، ۱۰۲ ،  
۱۰۵ ، ۱۶۱ .

علی افندی ( قنہ لی زاده ، اخلاق علائی  
مؤلفی ) ، ۵۳ .  
علی امیری افندی ، ۱۶ ، ۱۵۰ ،  
۱۶۳ .

علی بك ( دوفبور ) ، ۱۲۷ .  
علی بك ( مجلد ) ، ۱۶۶ .  
علی جانب بك ، ۱۱۵ .  
علیشیرنوايي ، ۱۳ ، ۲۸ ، ۱۴۴ ،  
۱۵۶ .

علی کمال بك ، ۱۱۸ .  
علی نہاد بك ، ۷۲ .  
عمر ( رضی اللہ عنہ ) ، ۳۹ ، ۴۰ ،  
۴۱ ، ۴۳ ، ۴۹ ، ۵۳ .  
عمر رضا بك ، ۱۶۱ .



قدري بك ، ۱۱ .

قراٲول ، ۱۳۹ .

قزل آرسلان ، ۱۳ .

— ك —

كاتب چلبى ، ۱۸ ، ۵۲ ، ۵۳ .

كعب بن زهير ( رضى الله عنه ) ، ۴۰ .

كيب ، ۱۶۰ ، ۱۶۱ .

— ل —

لامارتين ، ۹۹ .

لامبى ،

ليب افندى ، ۱۲۸ .

لوقره چ ، ۱۰۰ ، ۱۳۸ ، ۱۳۹ .

ليلى ، ۷۵ ، ۸۴ ، ۸۵ ، ۸۶ ،

۸۷ ، ۸۹ ، ۹۰ ، ۹۲ ، ۹۴ ،

۹۶ ، ۹۷ ، ۹۸ .

— م —

مجنون ، ۳ ، ۷۳ ، ۷۴ ، ۷۵ ،

۷۷ ، ۷۸ ، ۷۹ ، ۸۴ ، ۸۵ ،

۸۶ ، ۸۷ ، ۸۸ ، ۸۹ ، ۹۰ ،

۹۲ ، ۹۴ ، ۹۵ ، ۹۶ ، ۹۷ ،

۹۸ ، ۱۰۵ ، ۱۲۳ .

محتشم ، ۱۰۱ ، ۱۰۲ ، ۱۰۳ .

محمد ( صلى الله تعالى عليه وسلم ) ، ۵ ، ۲۰ ،

۳۷ ، ۳۸ ، ۴۲ ، ۴۳ ، ۴۴ ،

۴۸ ، ۵۴ ، ۵۷ ، ۱۰۵ ، ۱۰۸ ،

۱۱۴ ، ۱۲۷ .

عونى بك ، ۴۷ ، ۱۰۷ .

عهدى ، ۱۷ ، ۱۸ ، ۱۹ ، ۳۳ ،

۱۰۲ .

عيسى ( عليه السلام ) ، ۹۹ ، ۱۰۰ ،

۱۳۹ .

— غ —

غالب بك ، ۱۰۷ .

غالب ( شيخ ) ، ۱۰۷ ، ۱۶۱ .

— ف —

فائضى ، ۱۸ .

فائق رشاد بك ، ۱۲۳ ، ۱۲۶ ،

۱۴۷ .

فاطمه ( رضى الله عنها ) ، ۴۳ ، ۴۹ ،

۱۰۱ ، ۱۰۵ .

فاطمه خانم ، ۱۰۱ .

فردوسى ، ۱۳۱ ، ۱۳۸ .

فره ده ريق لولپه ، ۱۵۹ .

فضل بن عباس ، ۴۴ .

فضلى ( فضولى زاده ) ، ۱۶ ، ۱۹ ،

۲۰ .

فضلى ( قارا ) ، ۱۵۹ ، ۱۶۰ ،

فضولى ( پاك آزاستنا ايله ، همان هر صحيفه ده

مسطور اولديغندن ، اشارت ايدلمدى . )

فضولى ( يوسف ) ، ۱۳ .

فطين افندى ، ۱۲۹ .

— ق —

قادري افندى ، ۳۰ ، ۳۲ ، ۶۴ .

## — ن —

- محمد بيك ، ۶۵ .  
 محمدپاشا ، ۲۲ ، ۲۳ ، ۷۱ ، ۱۵۳ ،  
 ۱۵۶ .  
 محمد راغب بك ، ۱۲۸ .  
 محمد صبري بك ، ۵۶ .  
 محمد عاكف بك ، ۱۰۶ .  
 محمد غازي ، ۳۳ .  
 محمدفواد بك ، ۶ ، ۷ ، ۱۸ ، ۳۹ ،  
 ۴۱ ، ۴۴ ، ۴۵ ، ۴۸ ، ۴۹ ، ۵۰ ،  
 ۵۲ ، ۵۳ ، ۶۳ ، ۱۰۴ ، ۱۰۵ ،  
 ۱۳۰ ، ۱۴۷ ، ۱۴۸ ، ۱۴۹ .  
 محمود ثانی ، ۱۲۸ .  
 محمود كمال بك ، ۱۲۸ ، ۱۲۹ .  
 محي الدين عربي ، ۵۵ .  
 مراد پاشا ، ۲۰ ، ۲۱ .  
 مرتضى چلبی ( نظمى زاده ) ، ۲۰ ،  
 ۲۱ ، ۲۶ .  
 مرتضى قليخان ، ۱۱ .  
 مسلم عقيل ، ۱۰۵ .  
 مصطفى چلبی ( جلال زاده ) ، ۳۲ ،  
 ۶۴ .  
 معروف كرخي ، ۴۶ .  
 معروف الرصافي افندی ، ۱۳۶ ،  
 ۱۳۷ .  
 منصور ، ۴۷ .  
 منيف پاشا ، ۱۶۱ .  
 ميكل آثر ، ۱۰۰ .
- ناثلي ، ۱۰۷ .  
 نابی ، ۸ ، ۴۰ ، ۱۰۷ ، ۱۵۰ .  
 ناجي افندی ، ۱۵۴ ، ۱۵۵ .  
 نامق كمال بك ، ۱۵ ، ۵۸ ، ۱۰۷ ،  
 ۱۲۱ ، ۱۳۸ ، ۱۳۹ ، ۱۵۱ ،  
 ۱۵۴ .  
 نديم ، ۸ ، ۱۰۷ ، ۱۵۰ ، ۱۵۷ ،  
 ۱۶۱ .  
 نسيمي ، ۱۴۴ ، ۱۴۵ ، ۱۴۹ .  
 نظامی ، ۲۸ ، ۷۲ ، ۷۵ ، ۷۷ ،  
 ۷۹ ، ۸۱ ، ۸۲ ، ۸۳ ، ۱۰۲ .  
 ۱۰۳ .  
 نعمان بن ثابت ( ابوحنيفه ) ، ۴۲ ،  
 ۴۴ ، ۴۵ ، ۴۸ ، ۸۳ .  
 نفی ، ۸ ، ۴۰ ، ۱۰۷ ، ۱۵۰ .  
 نوفل ، ۹۱ .

## — و —

- وجدی ، ۱۰۷ .  
 ولي الدين جارالله افندی ، ۱۸ .  
 ويرژيل ، ۱۰۰ ، ۱۳۸ .  
 ويس بك ، ۶۱ ، ۶۴ .

## — ه —

- هاتفی ، ۷۲ ، ۱۰۲ ، ۱۰۳ .  
 هاجر ، ۱۱۰ ، ۱۱۱ ، ۱۱۳ .



- هارون الرشيد ، ٢٨ .  
 هاجر ، ١٥٩ ، ١٦٠ .  
 هر كول ، ٣٥ .

— ي —

- يحيى ( عليه السلام ) ، ١٠٨ .

- يزيد ، ٥١ ، ١١٤ .  
 يوسف ( عليه السلام ) ، ١١٣ .

م







TO RENEW CALL

422-3948

DATE DUE

APR 03 1993







مرکز توزیعی : باب عالی جاده سنده ( یکی مطبعه )

## سليمان نظيف بك كتاب شكانده مطبوع آثاری :

- |   |                         |
|---|-------------------------|
| ( او نونجی بيك ، موجودی قالماشدر . )              | آستان تاریخده           |
| ( موجودی قالماشدر . )                             | الجزیره مکتوبلری        |
| ( موجودی قالماشدر . )                             | ایکی اتفاق تاریخیچه سی  |
| ( برنجی بيك )                                     | ایکی دوست               |
| ( ایکینجی بيك )                                   | ایمانه تسلط             |
| ( یدنجی بيك )                                     | بطاریه ایله آتش !..     |
| ( اون ایکینجی بيك ، موجودی قالماشدر . )           | پیهرلوتی خطابه سی       |
| ( ایکینجی بيك )                                   | تاریخک بیلان حکایه سی   |
| ( ایکینجی بيك )                                   | چال چوبان چال !..       |
| ( ایکینجی بيك )                                   | چالینمش اولمکه          |
| ( اوچونجی بيك )                                   | حضرت عیسیایه آچیق مکتوب |
| ( اوچونجی بيك )                                   | فراق عراق               |
| ( برنجی بيك )                                     | فضولی ، ذاتی و آثاری    |
| ( موجودی قالماشدر . )                             | کیزلی افغانلر           |
| ( فرانسه زجه دن مترجم بویوک حکایه ، ایکینجی بيك ) | لبنان قصرینک صاحبه سی   |
| ( ایکینجی بيك )                                   | مالطه کیجه لری          |
| ( ایکینجی بيك )                                   | عمد عاکف ، ذاتی و آثاری |
| ( موجودی قالماشدر )                               | معلومی اعلام            |
| ( ایکینجی بيك )                                   | نصرالدین شاه و بابیلر   |
| ( بشنجی بيك )                                     | نامق کمال               |
| ( اوچونجی بيك )                                   | ویقتور هوغونک بر مکتوبی |

PL248

F95Z8N39

1926




422-3900

Date Due

			12/16/81
			<del>11/25/81</del>
			<del>11/04/81</del>
			<del>10/11/81</del>
			<del>9/23/81</del>
			<del>8/31/81</del>
			<del>8/11/81</del>
			<del>7-22-81</del>
			<del>6/29/81</del>
			<del>6-2-81</del>
			<del>5/20/81</del>





stx  
PL248  
F95  
Z87  
1926